

Tine Aagaard & Lene Seibæk

2010-mi Peqqinnissaqarfimmik aaqqisusseqqinnerup kingorna Kalaallit

Nunaanni peqqinnissakkut sullissineq sulisuniit isigalugu

Apersuinikkut misissuineq



ILISIMATUSARFIK Grønlands Universitet
Peqqissaasutut Ilinniartaanermi Peqqissutsimullu
Ilisimatusarnermi institutti

Tine Aagaard
Peqqissaasoq, ph.d.
Kalaallit Nunaanni Peqqissutsimik ilisimatusarfik
Center for Sundhedsforskning
Peqqissaasutut Ilanniartitaanermi Peqqissutsimillu
Ilisimatusarnermi Institutt
Ilisimatusarfik/Grønlands Universitet

Lene Seibæk
Peqqissaasoq, MHH, ph.d., ilisimatoq
Kalaallit Nunaanni Peqqissutsimik ilisimatusarfik
Center for Sundhedsforskning
Peqqissaasutut Ilanniartitaanermi Peqqissutsimillu
Ilisimatusarnermi Institutt
Ilisimatusarfik/Grønlands Universitet



Siuleqtsiut

2010-mi Peqqinnissaqarfimmik aaqqisuusseqginneq, nappaataasartunut nunasseriaatsimullu, sulisussarsiniarnermut aalaakkaasunillu sulisoqarniarnermut il.il. tunngatillugu inuiaqatigiinni ineriaratornermi unammilligassat tunngavigalugit ingerlanneqarpoq. Napparsimmaviit avataanni peqqinnissakkut sullissinermik- nappaatsaaliinissaq napparsimmavimmullu unitsaaliinissaq siunertalarugit- innuttaasut peqqissuunissaannik nukittorsaanissaq, kikkunnut tamanut assigiinmmik periarfissiinissamik qulakkeerinissaq, siunertamullu tassunga tunngatillugu qitiusumik immikkoortunut eqiterussineq aaqqutigalugit, Peqqinnissaqarfiup aaqqissuussaaneranik pissusissamisoortumik pisariillisaanissaq aaqqisuussinissarlu siunertaapput.

Siusinerusukkut qitiusumik immikkoortunut eqiterussinertaata tamakkiisumik atuutilersinneqarnerata kingorna, Peqqinnissaqarfiup aaqqissuussaanera pillugu aqutsinikkut qanoq misigineqarneranik eqiterussinerullu kingorna Peqqinnissaqarfiup qanoq ingerlaneranut innuttaasuniillu isigalugu misissuinermut atatillugu, innuttaasunik toqqaannartumik sullisisut misigisaannik misilittagaannillu misissuinissaq, peqqinnissaq pillugu ataatsimiitaliarsuarmit kissaataavoq.

Peqqinnissaqarfimmi kommuninilu aqutsisut oqaloqatigalugit apersuinikkut misissuisoqarnerani, pisortaqarfinni taakkunani marlunni, peqqinnissaqarfiup qitiusumik immikkoortuini tamani kommuninilu marlunni atuisunik toqqaannartumik sullisisut apersorneqarput.

Citiusumik immikkoortunut eqiterussinermi ukkassat arfineq pingasut apersuinerni aallaaviupput. Misissuineq Ilisimatusarfimmi Peqqissaasutut Ilinniartitaanermi Peqqissutsimullu Ilisimatusarnermi Instituttimi sulisunit ingerlanneqarpoq.

Nalunaarusiami matumani apersorneqartunit qanoq isigineqarnera nassuarneqarpoq misissoqqissaarneqarlunilu, aaqqisuusseqinnerup sunniutaanik nalimmassaanissaq pitsangorsaaniissarlu siunertalarugu, sammisanik pingaarutilinnik inerisaanissamut periarfissat innersuussutillu isummersorfigineqarput. Politikerit aqutsisullu sulisunit ulluinnarni napparsimasunik innuttaasunillu qanitut sullisisunit taakkunanngia isumassarsitinneqarsinnaanissaat neriuutigaarput.

Isumassarsiat pingaarutilit pillugit apersuinermi peqataasut qutsavigaagut, Peqqinnissaqarfimmi kommuninilu aqutsisut apersugassanut attaveqartitsisut taakkulu apersorneqarnissaannut piffissiillutik ikuuttut qutsavigaaguttaaq.

Allaaserinnittut
november 2021

Imarisai

Siulequtsiut	3
Eqikkaaneq	5
Peqqinnissaq pillugu ataatsimiititaliarsuup suliakkiussaa	7
Misissuinermi siunertaq	7
Innutaasunik toqqaannartumik sullisisunit isigalugu – suut ilikkagaqarfigisinhaavagut?.....	7
Ilusaa, periutsit, atortullu	9
Peqqinnissakkut sullisinermi politikkikku, aaqqisuussaanikkut najukkanilu toqqammavissat	11
Inatsit toqqammaviusoq peqqinnissaqarfimmillu aaqqisuusseqqinnej	11
Aaqqisuusseqqinnerup kingorna Peqqinnissaqarfiup aaqqisuussaanera	13
Najukkani assinnginngissutaasut	15
2010-mi Peqqinnissaqarfiup aaqqisuuteqqinneqarneranik naliliineq	21
Innutaasunik toqqaannartumik sullisisut misigisaat misilittagaallu: Angusat	22
Peqqinnissaqarfiup immikkoortuinik eqiterutitsineq	23
Qarasaasiakkut nakorsiartitsineq	25
Sulissarsiniarneq aalaakkasunillu sulisoqarniarneq	27
Ilinniartitaaneq piginnaasanillu inerisaaneq	28
Kommuninik suleqateqarneq	30
Pitsaliuineq peqqinnissamillu siuarsaaneq	32
Angusanik eqikkaaneq	33
Inerisaanissamut periarfissat pillugit isummersorneq.....	34
Aalaakkaasunik sulisoqarniarneq.....	35
Taartaagallartussanik pissarsiornermi ilinniagaqassuseq pingaartillugu	39
Ataatsimoorluni ilinniarnikkut kommuninik suleqateqarnerup pitsaunerulersinnissaa	39
Aqutsineq sulisunullu pitsasunik atugassaqartitsineq.....	42
Innutaasunik oqaloqateqarneq.....	44
Innersuussut pingaernerit	46
Naggasiullugit oqaatigiumasat	48
Najoqqutarisat.....	49
<i>Ilanngussaq 1</i>	<i>51</i>
<i>Ilanngussaq 2</i>	<i>54</i>
<i>Ilanngussaq 3</i>	<i>55</i>
Kalaallit Peqqissartut Illuanni peqqissaasunik marlunnik apersuinermit eqikkagaq	55

Eqikkaaneq

Peqqinnissaqarfimmik aaqqisusseqqinnerup kingorna aaqqisuussinermut kiisalu innuttaasunut sunniutai aqtsisunit isigalugit misissuineqt nangillugu, atuisunik toqqaannartumik sullisisunit isigalugu Peqqinnissaqarfimmik sulinermik misissuineq ingerlanneqarpoq.

Aaqqisusseqqinnermi siunertaasut maannamiit annertunerumik piviusunngortinnejarsinnaanngorlugit, aaqqisusseqqinnerup kingunerisaanik allannguinerit toqqaannartumik sullisisunit isigalugit qulaajaanissaq, kiisalu aaqqisusseqqinnermi iliuuserisanik allannguinissamut pitsannguinissamullu isumassarsisitsinissaq, misissuinermi siunertaapput. Nalunaarusiami aaqqisusseqqinnerup siunertaanik naammassinninnissamut- ilaatigut napparsimmaviiit avataanni peqqinnissakkut sullisinermik nukittorsaanermut, qarasaasiakkut nakorsiartitsisarneq innuttaasunillu oqaloqateqarneq aqqutigalugit, innutaasut peqqinnissakkut sullinneqarnermi assigiimmik periarfissinnejarnissaannik nukittorsaanermut, sulisussarsiniarnermi aalaakkaasunillu sulisoqarniarnermi siuarsaanermut kommuninillu, isumaginnoqarfiit akimorlugit, suleqateqarnermik pitsanngorsaanermut tunngatillugu periarfissat akimmiffissallu, sulisunit tikkuarneqarput.

Sulisunik apersuinerik misissueqqissaarneq isummorsornerlu aallaavigalugit, peqqinnissamut tunngatillugu Peqqinnissaqarfimmik aaqqisusseqqinnermi qitiutinnejartuni periutsinut pitsanngorsaatissat pingarnerit sisamat innersuussutaapput:

1. Sulisut nunaqavissut nukinginik akuersaarnissaq inerisaanissarlu sulinermik naammagisimaarinninnermik annertusaanissamut aalaakkaasunillu sulisoqarnissamut piumasaqaatitut innersuussutaavoq. Innuttaasuni nappaataasartut ineriarteranmit isigalugu, sulisut sivikitsumik ilinniagallit pitsaliuinermut, peqqinnissamik siuarsaanermut piginnaanngorsaaqqinnermullu atatillugu suliassat annertusiartuinnartut isumagisinjaassavaataaq. Tamatumani *Peqqinnissaqarfimmik sulisut piginnaasaannik inerisaanissamut ataatsimoorussamik iliuusissatut siunniussinissaq piumasaqaataavoq.*
2. Sulisoqarniarnerup siunissaq qaninnerusoq isigalugu qanoq aaqqiiviginiarneqarnissaa, siunissarlu ungasinnerusoq isigalugu aalaakkaasunik nunaqavissunik ilinniarluarsimasunik sulisoqalernissamik pilersaarutilalmikk *Peqqinnissaqarfik tamakkerlugu sulisoqarnermut politikkiliornissaq siunnersuutaavoq.* Tamatuma imm. 1-imi oqaatigineqartoq; sulisut piginnaasaannik inerisaanissamut iliuusissatut siunniussineq kiisalu Peqqinnissaqarfip inerisarnissaanut anguniakkut siunniussat naleqartitallu ataatsimoorussat tunngavigalugit *aqutsisut piginnaasatigut inerisaaviginissaannut iliuusissanik siunniussinissaq nassatarissavaa.*
3. Pisortaqrifit akimorlugit *Peqqinnissaqarfimmik kommuninilu sulisunik ataatsimoorussamik piginnaasatigut inerisaaneq aqqutigalugu napparsimasut aqquaartugassaannik ukkassinermik siuarsaanissaq innersuussutaavoq.* Kommunini sulisut peqqinnissamut tunngatillugu piginnaasaannik qaffassaanissaq peqqinnissakkullu sullisisut pitsaliuinissaanermut, peqqinnissamik siuarsaanermut piginnaanngorsaaqqinnermullu tunngatillugu paasisimasaannik annertusaanissaq kiisalu suleqatigiinnernik nukittorsaanissaq siunertaapput.
4. Peqqinnissaq pillugu iliuuserisani eqaassutsimik pitsaassutsimillu annertunerulersitsinissamut, sulisullu pitsaererumik innuttaasunik oqaloqateqarnermikkut suliaminnik nunannarinnissaannut, annertuunik periarfissaqarpoq. Anigugassaanngitsunik nappaatillit utoqqaallu amerliartorerat, nappaatinik nakorsaaneq pivallaarnagu peqqinnissarli pillugu unammilligassat oqaloqatigiissutiginissaannik piumasaqaatitaqariartopoq. Peqqinnissaq pillugu iliuusissatut *innuttaasunik peqataatitsinissap oqaloqateqarnissallu salliunnejarnissaat innersuussutaavoq.* Tamatumunnga atatillugu *Peqqinnissaqarfik tamakkerlugu qarasaasiakkut nakorsiartitsisarnerup atuutilersinneqarnissaa qarasaasiakkullu nakorsiartitsinermi atortorissaarutinik nutaanik pilertornerusumik atuilernissaq innersuussutaavoq.*

Tamatuma saniatigut Peqqinnissaqarfimmik aaqqisusseqqinnermi ukkannejartunik nukittorsaanissamut

sakkussat tigussaasut arlalissuit nassuiarneqarput.

Peqqinnissaq pillugu ataatsimiitaliarsuup suliakkiussaa

2010-mi Peqqinnissaqarfiup aaqqissuuteqqinnejnarneranik ataatsimut naliliiviginninnermut atatillugu, innuttaasunik toqqaannartumik sullisisut, Peqqinnissaqarfimmi sulineq- pingaartumik pissutsit aaqqisuusseqqinermi siunnerfiusunik nukittorsaanissamut pitsangorsaanissamullu tunngatillugu¹ misigisaannik misilittagaannillu misissuinissaq- peqqinnissaq pillugu ataatsimiitaliarsuup kissaatigaa. Sulisunit aaqqissuusseqqinnej sioqqullugu tamatumalu kingorna Peqqinnissaqarfimmi sulisimasunit misilittakkat pissarsiarinissaat kissaataavortaaq. Napparsimasunut/innuttaasunut tunngatillugu ulluinnarni sulinermi unammilligassanik iliuuseqarnissamullu periarfissanik aalajangersimasunik qulaajaanissaq siunertaavoq.

Misissuinermi siunertaq

Misissuinermi pingaarnertut siunnerfik tassaavoq Peqqinnissaqarfiup pingaarnertut aaqqisuussaanerata sulinermilu piumasaqaatit aalajangersimasut, Peqqinnissaqarfiup immikkoortuini assigiinngitsuni pitsaliuinermi, peqqinnissamik siuarsaanermi, nakorsaanermi peqqissaanermi, napparsimasunut/innuttaasunut tunngatillugu tungiuinermi piginnaanngorsaaqqinermilu, qanoq unammilligassanik periarfissanillu pilersitsisarnerannik paasisimasaqalersitseqataanissaq. Misissuinermi nukissat ineriertortitsisinnaanerlu qitiutinneqarput maannalu aaqqisuussaanikkut toqqammaviusunut pitsangoruutaasinnaasunik isumassarsisitsisinnaassalluni.

Innuttaasunik toqqaannartumik sullisisunit isigalugu – suut ilikkagaqarfigisinnaavagut?

Peqqinnissaqarfimmi innuttaasunik toqqaannartumik sullisisut tassaapput atuisunut tassalu napparsimasunut innuttaasunullu ulluinnarni toqqaannartumik attaveqartut. Taakku tassaapput peqqissaanermik suliaqartut, nakorsat, timimik sungiusaasut/pillorissaasut, kigutigissaasut, nakorsataasivimmi sulisut, portørit annaassiniartartut il.il.² Innuttaasunik toqqaannartumik sullisisut peqqinnissakkut sullissinermanni napparsimasut/innuttaasut peqqissusaannik siuarsaanissamik pitsaliuinissamillu, nakorsaanissamik peqqissaanissamillu siunertaq naammassisinnaajumallugu politikkikkut aaqqisuussaanikkullu toqqammavissatut pilersitat ulluinnarni sulinermanni atorpaat.

Peqqinnissaqarfiup inuiaqatigiinni suliffiunerata siunertaanik piviusunngortitsinissaq ilinniagallit ilinniagalikkuutaallu ulluinnarni suleqatigiissutigisarpaat. suliffeqarfimmi piumasaqaatit ataasimoorussat najukkanilu piumasaqaatit assigiinngitsut tunngavigalugit taamaaliortarput.

Innuttaasunik toqqaannartumik sullisisut tungaanniiit *isigisat* - misigisaannaanngitsut misilittagaannaanngitsullu pineqaraangata, peqqinnissakkut sullissinermi peqataasut tamarmik – nappaateqartut/innuttaasut, innuttaasunik toqqaannartumik sullisisut, aqtsisut pilersarusiortullu – ataatsimik siunertaqarlutik, suliffimili assigiinngitsunki suliassaqarlutik sumiiffeqarlutillu, taamammallu suliat pillugit assigiinngitsunitaaq ilisimasaqarlutik suleqatigiinnissaat ukkanneqalersarpoq. Taamaammat innuttaasunik toqqaannartumik sullisisut tungaanniiit ilisimasanik ujartuineq, aqtsisunut pilersarusiortunullu ersinngissinnaasunik– sulinerup nappaateqartunut/innuttaasunut tunngatillugu siunertamik eqquutitsumik qanoq aaqqissuunneqarsinnaaneranut ingerlanneqarsinnaaneranullu annertuumik pingaaruteqarsinnaasumik ilisimasaqalernissamut periarfissiivoq. Unammilligassat innuttaasunik toqqaannartumik sullisisunit siumorneqartartut taakkulu qanoq iliuuseqarfingeqartarnerannik paasisimamaninneq. Peqqinnissaqarfiup aaqqisuussaaneranut tunngatillugu periarfissanik pilersitsisinnaasunik ajornartorsiutaasunillu tikkussisinnaavoq.

Misissuinermi matumani sulisut apersorneqartut unammilligassat iliuuseqarfingimissaat ajornartorsiutigisatikilaatigut tikkuarpaaat. Unammilligassat akuuffigisaminni misissuiffigeqqissaarneqarpata, ilisimasat kinguneqartitsilluartussat annertuu suleriaatsimik pitsanguiinissamut atorneqarsinnaasut tassaniippit. Taama periuseqarneq sulisut unammilligassanik uparuaanerisa ass. 'naammagittaalliornertut' imal 'allannguiinarnermut akerliunertut' isigineqartarnerannit allaaneruvoq.

¹ Siusinnerusukkut aaqqissuusseqqinnej aqtsisunit isigalugu naliliivigineqarpoq Peqqinnissaqarfillu atuisunit isigalugu misissuivigineqarlungi; misissuinerit taakku marluk

ingerlanneqarput Kalaallit Nunaanni Peqqissutsimut Ilisimatusarfimmit (Ingemann & Larsen, 2018; Olesen allallu, 2020).

² Innuttaasunik toqqaannartumik sullisisut misissuinermi matumani pineqartut tassaapput peqqissaanermik suliallit, nakorsat kigutigissaasullu.

Pissutsit ajunngitsut suleriaatsiminnik iliuuseqarfinginninnissamut periarfissamik annertusaasut apersorneqartunit tikkuarneqarputtaaq. Pissutsit taamaattut pitsannguinissamut periarfissanik nalinginnaanerusunik tikkussisinnaapputtaaq.

Pingaarutilik tassaavoq innuttaasunik toqqaannartumik sullisisut misigisaat misilittagaallu, ajunngitsut ajortullu ilinniarfiusinnaanerat. Ilinniarneq taanna, aaqqisuussaannikkut pitsanngorsaanissami, taamaalilluni ulluinnarni sulinermik tigussaasumik aallaaveqartussaq, taamaammallu sunniuteqarnissamut piviusorsiortumik periarfissiisinnaasoq, inerisaanermi ilaasinnaavoq. Taanna tassaavoq misissuinerup matuma peqataaffigisinnasaa.

Ilusaa, periutsit, atortullu

Misissuineq, nakorsaanerup, peqqissaanerup tungiunerullu iluani peqqinnissakkut sullisisunik 20-it missaannik immikkut apersuinetut, aalajangersimasumik sammisaqarluni apersuinermit ataatsimik marlunnilluunniit malitserqartitatut ilusilerneqarpoq.

Paasissutissiisut Peqqinnissaqarfip qitiusumik immikkoortuini kommuninilu utoqqarnik paaqqutarinniffinni pissarsiarineqarput. Paasissutissiisut amerlasuut, sulisut sulinermik misilittagaannik ilisimaarininnineq aallaavigalugu Peqqinnissaqarfimmi qullersanit siunnersuutaapput. Tamannali aqqutigalugu paasissutissiisussanik naammattunik pissarsioqarsinnaasimanngilaq. Peqqinnissaqarfip qitiusumik immikkoortuini paasissutissiisussanik amigaateqartuni, qitiusumik immikkoortumi peqqissaasoq, peqqissaavimmi immikkoortortami peqqissaasutut aqtsisoq imal. utoqqarnik paaqqutarinniffimmut tunngatillugu kommunimi utoqqarnut tunngasuni aqtsisoq, sulisunik peqataanissamut soqutiginnittunik nassaarniarnermi kajumillutik ikiuuttut, attavagineqarput. Kigutigissaasunut tunngatillugu peqqissasoq siornatigut kigutigissaasuuusimasoq, kigutigissaasunut marlunnut attaveqarnissamut ikiuuppoq.

Ataasiakkaanik nunaqarfinni, peqqissaavinni, qitiusumik napparsimmavinni, tarnikkut nappaatilinnik najukkaminniittunik sullissivinni, kigutileriveqarfimmi, utoqqarnik paaqqutarinniffinni, Kalaallillu Peqqissartut Illuanni Københavnimiittumi³ peqqinnissakkut sullisisunik 20-inik aaqqissuussamik apersuinerit paasissutissatut toqqammaviupput. Paasissutissiisut tassaapput sundhedsassistentit arfineq marluk, peqqissaanermi ikiorti ataaseq nunaqarfimmilu peqqinnissakkut sullissisoq ataaseq, peqqissaasut arfineq pingasut, nakorsaq ataaseq kigutigissaasallu marluk. Taaku Peqqinnissaqarfimmi /utoqqarnik paaqqutarinniffinni, ukiut marluk 50-illu akornanni -agguaqatigiissillugit ukiuni 18-ini misilittagaqrput.

Peqqinnissaqarfimmi paasissutissiisut qitiusumik napparsimmavinnut/Nuummi qitiusumik peqqissaavimmut tallimaasunut tamanut, peqqissaavinnut tallimanut (qitiusumik immikkoortunut sisamanut agguataasimasunut) nunaqarfimmullu ataatsimut agguataarsimapput. Peqqissaavinni/qitiusumik napparsimmavinni paasissutissiisut ilaat sisamat nunaqarfinnut akisussaasuupput; taaku peqqissaavimmi imal. qitiusumik napparsimmavimmi Skype-ikkut nakorsiartitsisarput ullormullu katillugit nunqarfiit 25-it 30-illu akornanniittut attavigisarlugit. Tamatuma saniatigut akuttunngitsunik nunaqarfinnut angalasarput. Taamaammat nunaqarfimmi peqqinnissakkut sullisisup apersorneqartup ataatsip saniatigut nunaqarfinni pissutsit sinniisuuffigineqarput.

Apersuineq sioqqullugu suliniummi siunertaasoq apersuinerullu qanoq ingerlanissaa pillugit paasissutissiisut kalaallisut/qallunaatut paasissutissanik pissarsipput, kinaassutsimillu isertuunneqarnissaanik paasissutissallu isumannaassusaannik qulakteerisumik akuersisummik atsiorlutik. Inunniq ataasiakkaanik apersuinerit apersuinermi najoqququtassaq ataatsimoorussaq (ilanngussaq 1 takuuk) aallaavigalugu ingerlanneqarput, nalunaqquttallu akunnerata affaaniit aappaata affaanut- agguaqatigiissillugit nal. ak. ataaseq sinnilaarlugu- sivisussuseqarlutik. Apersuinermi najoqququtassaq Peqqinnissaqarfip aaqqisuuteqqinnejarnera pillugu nassuaammit (Peqqissutsimut Naalakkersuisoqarfik, 2010) aallaaveqarpoq. Apersuinerit Peqqissaasutut Ilinniartitaanermi Peqqissutsimullu Ilisimatusarnermi Instituttimi atorfekartunit peqqissaasuniillu kalaallisut oqaasilinnit allanit ilisimatusarnermik piginnaasalinnit imal. apersueriaaseq pillugu ilinniaqqissimasunit ingerlanneqarput.

³ Kigutileriveqarfik, Kalaallit Peqqissartut Illuat utoqqarnillu paaqqutarinninnej Peqqinnissaqarfip aaqqisuuteqqinnejarneranit toqqaannartumik sunnerneqanngillat. Utoqqarnik paaqqutarinninnej,

isumaginnitoqarfii/pisortaqarfii akimorlugit suleqatigiinnermut pingaaruteqassusaa pissutigalugu, suliniummi misissueqqissaarnermi ilaavoq. Kigutileriveqarfimmi Kalaallillu Peqqissartut Illuanni sulisunik apersuinerit pingaarutilinnik amerlasunik, suliniummi Peqqinnissaqarfimmik aaqqisusseqqinneq qituummat, misissueqqissaarnermi ilanngunneqanngitsunik pissarsiviupput; apersuinerit taakku ilangussami 2-mi 3-milu eqikkaavagineqarnerat innersuussutaavoq.

Apersuinerit immiunneqarput issuarlugillu allanneqarlutik. Apersuinerit ilaat aqqaneq marluk paasissutissiisup kissaataa naapertorlugu kalaallisut ingerlanneqarput; apersuinerit taakku issuarlugit allanneqarput ilinniakkamullu naapertuutumik ikiortitut sulisunit kalaallisut oqaasilinnit qallunaatut nutserneqarlutik. Paasissutissat paarlaasseqatigiissutaapput Ilisimatusarfimmilu tamatumunnga atatillugu maleruagassat naapertorlugin toqqortarineqarlutik.

Ataasiakkaanik apersuinermi pissarsiat, sulisut misigisaasa misilittagaasalu immikkoortunut assigiinngitsunut, Peqqinnissaqarfimmik aaqqisuusseqqinnerup ilusilerneqarnerani nukittorsagassanut katersornerisigut misissoqqissaarneqarallarput. Pileraarutaasimasoq tassaavoq ataasiakkaanik apersuinernik misisueqqissaarnerup tutsuiginarsarneqarnissaam sammisallu misisueqqissaarnikkut paasisat aalajangersimasumik sammisaqarluni apersuinikkut inerisaqqineqarnissaat. 2021-imi septembari qaammat aalajangersimasumik sammisaqarluni qarasaasiaq atorlugu apersoneqareersunit tallimanit peqataaffigineqartumik aaqqisuussisoqarpoq. Apersoniikanik ataatsimoortitsinissamik isumassarsiaq tassaavoq paasissutissiisut immikkut apersorneqarnerminni isumaliutersuutaannik inerisaqqinnissaq. Qitiusumik immikkoortut pisortaqarfiiullu akimorlugit misilittakkanik paarlaasseqatigiinnissaq inerisaanissamullu periarfissat oqluuserinissaat, aalajangersimasumik sammisaqarluni apersuinermi siunertaavoq. Peqataasunit tallimaasunit sisamat; ataaseq napparsimaleriatarneq pissutigalugu, ataaseq sulisoqarnikkut pisoqariataarnera pissutigalugu marlullu internetsimik ajornartorsiuteqarneq pissutigalugu piffissaq nalliliivissoq peqataasinnaanatik nalunaartariaqarput. Qaqutigoortumik pisartumik peqataasut amiakuannik (napparsimaneq pissutigalugu) siornatigut apersorneqarsimannngitsumik apersuineq ingerlanneqarpoq. Piffissaasuaneq pissutigalugu aalajangersimasumik sammisaqarluni apersuinermik nutaamik aaqqisuusseqqittooqarsinnaasimanngila.

Tamatuma kingorna paasissutissat ataasiakkaanik apersuinerneersut sammisakkutaarlugit, Kvale & Brinkmann periusissiaat naapertorlugu, paasissutissiisut namminneq paasinninnerinik, imarisaata isumaanik kiisalu isiginnittariaatsinik nutaanik ilassuteqarluni qulaajaanikkut, ilaatigut misissuinertut ilisimatusarnertullu allatut (Kvale & Brinkmann, 2015) misissoqqissaqqinneqarput. Tamatuma saniatigut politikkikkut aaqqisuussaanikkullu toqqammaviit pingarnerit najukkanilu Peqqinnissaqarfimmip piumasaqaatit, paasissutissiisut misigisaannut iliuuseqarnissamullu periarfissaannut tunuliaqtaasutut nassuiarneqarput.

Peqqinnissakkut sullissinermi politikkikkut, aaqqisuussaanikkut najukkanilu toqqammavissat

Inatsit toqqammavusoq peqqinnissaqarfimmillu aaqqisuusseqqinneq

Peqqinnissaqarfimmip sullissineq il.il. pillugit Inatsisartut peqqissutaat nr. 15, 6. november 1997-imeersoq naapertorlugu innuttaasut peqqissutsikkut siuarsaavginissaat, nappaatit nappaatinullu assingusut pinaveersaartinnissaat kiisalu inuit nappaatillit nappaatinullu assingusunik ajoquillit misissornissaat, nakorsarnissaat peqqissarnissaallu, Peqqinnissaqarfiiup pingarnertut suliassaaarai. Peqqinnissaqarfiiup suliassanik pileraarusiornermi sumi najugaqarneq apeqqutaatinnagu sullissinerni assigiimmik periarfissaqartitsisoqarnissaanguniassavaa (lovgivning.gl).

Naappaataasartunut, nunasseriaatsimut, sulisussarsiniarnermi aalaakkaasunillu sulisoqarniarnermi unammilligassanut il.il. tunngatillugu inuiaqatigiinni ineriarnermut naleqqussarnissaq siunertalarugu, 2010-mi Peqqinnissaqarfimmik aaqqisuusseqqinneq aallartinneqarpoq. Peqqinnissaqarfiiup aaqqisuussaanera 1928-imiilli allangorsimannngilaq. 2010-mi aaqqisuusseqqinnermi siunertaavoq:

- Ataatsimut isiginnilluni innuttaasumut sabinngisamik qaninnerpaami neqerooruteqarnissamik qulakkeerinissaq siunertalarugu, napparsimmaviit avataanni peqqinnissakkut sullissinermik nukittorsaanissaq.
- Innuttaasut peqqisutinnissaat, nappatsaaliiinissaq napparsimmavinnullu unitsitsisariaqalernernik pitsaaliiinissaq.
- Peqqinnissaqarfimmik eqaallisaanissaq makkunuunatigullu piissusissamisoortumik aaqqissuussinissaq:
 - Qitiusumik immikkoortunut eqiterussineq. Sulisunik immikkut ilisimasalinnik immikkoortortanik

sullissisunik qitiusumik napparsimmavinnut eqiterussineq.


- Sulisussarsiniarneq aalaakkaasunillu sulisoqarneq.

- Sulisoqarnikkut nukissanik aningaasanillu atuilluarneruneq.
- Napparsimasut aqqlusaartugassaasa pisortaqarfiitaaq akimorlugit ataqatigiinnissaannik ukkassineq.
- Sumi najugaqarneq apeqqutaatinngu Peqqinnissaqarfiup neqeroorutaanik atuinissamut naligiinnerusumik periarfissinneqarneq.
- Qarasaasiakkut nakorsiartitsinerup annertusaavagineqarnera.
- Sulisut ilinniartitaanerat, piginnaasatigut qaffassaaneq ilitsersuinerlu
(Peqqissutsimut Naalakkersuisoqarfik, 2010).

Aaqqisuusseqqinnerup kingorna Peqqinnissaqarfiup aaqqisuussaanera

Takussutissiaq 1. Peqqinnissaqarfiup aaqqisuussaaneranut takussutissiaq. Najoqutarisaq: Kalaallit Nunaanni Peqqinnissaqarfik, Aaqqisuussaanermut takussutissiaq 2020.

Nunatsinni peqqinnissaqarfik



Aaqqisuusseqqinnerup kingorna Peqqinnissaqarfiup aaqqisuussaanera takussutissiami 1 aamma 2-mi takuneqarsinnaavoq. Qitiusumik immikkoortut tamarmik immikkut illoqarfimminni pingarnermi nakorsalimmik, peqqissaasulimmik, timimik sungiusasulimmik/pillorissaasulimmik, meeraaqqerisulimmik, juumuulimmik tarnimikkut nappaarilinnut/timikkut nappaatilinnut angerlarsimaffimmi peqqissaasulimmik, kiisalu sundhedsassistenteqarlunilu peqqissaanermik ikiortilimmik, qitiusumik napparsimmaveqarput.


Illoqarfint minnerusuni peqqissaaviit nakorsaqarlutillu peqqissaasoqarput – annikinnerusumik peqqissaaviullu angissusaa najukkamilu sulisussarsisinnaaneq apeqqutaallutik – sundhedsassistenteqarlutillu peqqissaanermi ikiorteqarputtaaq⁴.

Napparsimmaviit peqqissaaviillu annerusut ulloq unnuarlu sulisoqarput. Nunaqarfint amerlanersaat sivikitsumik ilinniagalinnik imal. ilinniarsimannitsunik sulisulinnik nakorsiartitsiveqarput (nunaqarfint ilinniagaqassutsip qaffassisusaa pillugu sukumiinerusumik nassuaat; Ingemann allallu, 2020 takuu). Peqqissaaviit minnerit nunaqarfintilu nakorsiartitsiviit ulluunerani ammasarput, tamatuma avataani peqqissaavinni annerusuni imal. qitiusumik napparsimmavimmi pigaartuusunut innersuussisoqartpoq. Qitiusumik napparsimmavimmi immikkut ilisimasallit peqqissaavinnut nunaqarfintullu akuttunngitsunik angalasarput, nunaqarfintillu peqqissaavimmi nakorsamit ukiumut miss. sisamararluni aalajangersimasumik tikinnejqartarlutik. Nunaqarfint peqqissaaviillu/qitiusumillu napparsimmaviit akornanni, qarasaasiakkut nakorsiartitsinerit aqqutigalugit ullut tamaasa attaveqartoqartpoq (qitiusumik immikkoortuni peqqinnissamut tunngatillugu neqeroorutit, 2015).

⁴ Matumani sulisut napparsimasunik /innuttaasunik nakorsaanermi/peqqissaanermi paaqqutarinninnermilu toqqaannartumik akuusut il aapput.

Dronning Ingridip Napparsimmavissua Nuummiittooq nuna tamakkerlugu napparsimmaviuvoq. Nakorsaanermi immikkoortat qitiusumik immikkoortunut; nakorsartittunut-, pilatsittunut-, tarnimikkut nappaatilinnut-pinasuagassanullu, tamarmik immikkut pisortalinnut eqitigaapput, Napparsimmavissuarmi qitiusumik immikkoortut ilinniagaqassutsikkut immikkut ilisimasaqarfimminni, nuna tamakkerlugu sinerissami sulisunut sullissisuupput siunnersuisarlutik/ilitsersuisarlutik, tapersersuisarlutik ikorfartuisarlutillu/supervision (Peqqissutsumut Naalakkersuisoqarfik, 2010).

Takussutissiaq 2: Kalaallit Nunaata Peqqinissaqarfip qitiusumik immikkoortuinut tallimanut qitiusumik napparsimmavilinnut, peqqissaavilinnut nunaqarfinnilu nakorsiartsivilinnut aggorneqarnera. Qitiusumik immikkoortut kommunit immikkoortigaaerat malippaat. Peqqinissaqarfik matrikkilini 74-iniippoq 1600-illu missaannik sulisoqarluni. Najoqqutarisaq: Kalaallit Nunaanni Peqqinissaqarfik, Aaqqisuussaanermut takussutissiaq 2020.



Najukkani assinnginngissutaasut

Sinerissami qitiusumik immikkoortut annertuumik assigiinngissuteqarput. Siullermik nunap isorartunera taamaalillunilu illoqarfinnut nunaqarfinnullu angalasinnaaneq assigiinnggeqaluni. Peqqinissaqarfik Sermersumi, nunarsuarmi kommuunit annersarisaannissaq, Nuummiit Ittoqqortoormiinut 1400 km-it sinnerpaat, Tasiilamullu 680 km-illutik. Peqqinissaqarfik Avannaani qitiusumik napparsimmaveqarfimmijit Qaanaamut 1100 km-it inutsiarpaat.

Ullut tamakkiallugit timmisartunit tikinneqartanngillat. Akerlianilli Peqqinnissaqarfik Qeqqani illoqarfiit Sisimiut Maniitsorlu 174 km-iinnaarnik imminnut ungasissuseqarput, ullulu tamakkiallugit illoqarfiit taakku akornanni timmissartuussisoqartarluni. Qitiusumik immikkoortuni minnerasaasuni Peqqinnissaqarfik Diskomi Peqqinnissaqarfik Kujataanilu qitiusumik illoqarfiit illoqarfillu ungasinneq 70 km-it inutsiarlugit imminnut ungasissuseqarput Tassani illoqarfiit nunaqarfiillu akornanni qulimiguullit immakkullu angallatit kisimik atorneqarput.

Qitiusumik immikkoortut killeqarfisa iluini assigiinngissutsit annertusinnaapputtaaq. Peqqinnissaqarfik Avannaani Uummannami tallimanik nunaqarfiflumi 2200-illu sinnilaarlugit inulimmi, nunaqarfiit sisamat Uummannamiit 45 km-radiusip iluaniippuit, ungasinnerpaaq 80 km-inik ungasissusilimmiilluni. Ummannami innuttaasut 37 %-ii nunaqarfinni najugaqarput. Upernavimmi Peqqinnissaqarfik Avannaaniittumissaq qulaaluanik nunaqarfiflumi 2700-it sinnilaarlugit inulimmi, nunaqarfik ungasinnerpaaq Upernavimmiit 300 km-inik ungasissuseqarpoq, sinneri 20 km-iniit 150 km-inut ungasissuseqarlutik. Upernavimmi innuttaasut 60 %-ii nunaqarfinni najugaqarput. Tamanna Upernavimmi innuttaasunik nunaqarfimmi najugaqartunik kiffartuussinermut piffissamik nukissanillu annertunerusunik atuinermik kinguneqarpoq. Peqqinnissaqarfipu aaqqisuussaanera pillugu 2020-imi takussutissiaq naapertorlugu peqqissaaviit taakku marluk sulisui amerlaqatigiippuit (takussutissiaq 3 takuu).

Nunaqarfiit qassit napparsimmavinnit peqqissaaviniillu kiffartuunneqartussat assigiinngeqaat, Peqqinnissaqarfik Avannaani 21-iniit Peqqinnissaqarfik Qeqqani arfinilinnut. Taamatuttaaq Peqqinnissaqarfipu sinerissami qitiusumik immikkoortuini illoqarfiit minnerusut amerlassutsimikkut assigiinngillat, ass. Peqqinnissaqarfik Avannaani pingasut, Peqqinnissaqarfik Qeqqani ataaseq. Immikkoortortat minnerit amerlanerusut sulisoqarnerungaatsiarnissamik piumasaqaatitaqarput, annerusunili 'annertuumik ingerlatsinikkut iluaquittartaqarluni'. Tamanna sinerissami qitiusumik immikkoortuni taakkunani marlunni innuttaasunut amerlaqatigiingajattunut Peqqinnissaqarfik Avannaani 242-inik sulisoqarneranut Peqqinnissaqarfik Qeqqanilu 129-inik sulisoqarneranut nassuaataaqataasinhaavoq (takussutissiaq 3)

Peqqinnissaqarfik Sermersumi sulisukinnerungaatsiarneranut Dr. Ingridip Napparsimmavissuata, nuna tamakkerlugu napparsimmaviunerup saniatigut Nuummiunut qitiusumik napparsimmaviunera patsisaavoq. Taamaalillutik sulisut uninngasunik sullissisut Dronning Ingridip Peqqissaaviani sulisunut ilaanggillat.

Takussutissiaq 3. napparsimmaviit, peqqissaaviit nunaqarfinnilu nakorsiartsiviit- sulisut amerlassusaat ilanngullugit.

Qitiusumik immikkoortut	Qitiusumik napparsimmaviit/peqqissaaviit	Nunaqarfinni nakorsiartsiviit	Sulisut
Avanna Innutaasut 10.726	Qitiusumik napparsimmavik: Ilulissat (75) Peqqissaaviit: Uummannaq (40) Upernavik (40) Qaanaq (17)	21	242
Disko Innutaasut 6.340	Qitiusumik napparsimmavik: Aasiaat (70) Peqqissaaviit: Kangaatsiaq (5) Qeqertarsuaq (16) Qasigiannguit (14)	13	120

Qeqqa	Qitiusumik napparsimmavik: Sisimiut (73)		
Innuttaasut 9.378	Peqqissaavik: Maniitsoq (55)	6	129
Sermersooq	Qitiusumik peqqissaavik: DIP (55)		
Innuttaasut 23.123	Peqqissaaviiit: Paamiut (22) Tasiilaq (52) Ittoqqortoormiit (5)	7	144
Kujataa	Qitiusumik napparsimmavik: Qaqortoq (60)		
Innuttaasut 6.413	Peqqissaaviiit: Narsaq (26) Nanortalik (19)	12	118

Kisitsisit ungalusikkat sulisut missiliorlugit amerlassusaat oqaatigaat. Najoqutarisaq: Kalaallit Nunaanni Peqqinnissaqarfik, Aqqisuussaanermut takussutissiaq 2020. Kisitsisit takussutissiami 2-mi nunap assingani kisitsisinut naapertuuteqqissaangillat, tamanna nunqarfittu inuerutsitaanerannik imal. nunqarfittu illoqarfittut inissinneqarnerannik imal. akerlianik pisoqarneranik patsiseqarsinnaavoq. Nunap assinga ullulerneqarsimannngimmat matumani aqqisuussaanermut takussutissiami 2020-imeersumi kisitsisit aalajangiusimanissaat toqqaarneqarpooq.

Sinerissami qitiusumik immikkoortuni sulisut innuttaasut amerlassusaat katitigaanerallu tunngavigalugit amerlassusiligaapput. Sulisunik napparsimmavinnut peqqissaavinnullu agguataarineq ilaatigut qitiusumik immikkoortumi pisortat aalajangersinnaavaat aammali aqqissuusseqqinneaq sioqqullugu sulisoqarnikkut ileqqunit, sulisussarsisinnaanermit, nunap ilaani sumiinnermit, sulisorisassat ikinnerpaaffissaat pillugu maleruagassanit il.il. sunnerneqarluni.

Napparsimmavinni peqqissaavinnilu peqqinnissakkut sullisisut ilinniarsimasut agguataarsimanerat isigissagutsigu, annertuumik assigiinngissuteqarsinnaavoq. Uummannap Tasiilallu peqqissaaviinik assersuussineq ima takutitsivoq:

Uummannaq 2300-it pallingajallugit inoqarpoq taakkunannga 1450-it missaat illoqarfittaani najugaqalutik 850-illu nunaqarfinni najugaqarlutik; peqqissaavik 40-inik sulisoqarpoq, taakkunannga marluk nakorsaallutik, sisamat aaffaalu peqqissaasuullutik tallimallu sundhedsassistentiullutik (takussutissiaq 4). Qitiusumik napparsimmavinnut eqiterutsinsinermut atatillugu meeraaqqerisoq, juumooq timimillu sungiusaasoq/pillorissaasoq, Ilulissani qitiusumik napparsimmavimmut nuunneqarput.

Assersuusiussagaanni Tasiilaq 3000-it missaannik inoqarpoq taakkunannga 2000-ingajaat Tasiilami najugaqarput 1000-illu missaanniittut nunaqarfinni tallimaasuni najugaqarlutik. Tasiilami peqqissaavik 55-inik sulisoqarpoq, taakkunannga 3,5 nakorsaallutik, qulit peqqissaasuullutik (taakkunannga ataaseq meeraaqqerisuulluni), arfinillit sundhedsassistentiullutik, marluk juumuujullutik ataaserlu timimik sungiusaasuulluni/pillorissaasuulluni.

Taakkunani innuttaasut amerlassusaat sanilliukkaanni 4:3-missiliorpaat (Tasiilaq 4, Uummannaq 3). Taamaalilluni Uummannamut sanilliullugit Tasiilami nakorsat peqqissaasullu amerlanerungaatsiarput (nakorsat 7:4, peqqissaasut 2:1). Tamatumma sanitatigut immikkut ilisimasallit qitiusumik napparsimmavinnut eqiterunneqarnissaat, qitiusumik immikkoortunut eqiterussinermi toqqammaviugaluq, Tasiilami peqqissaaviup immikkut ilisimasallit pigiinnarpaat.

Tamanna Nuup inuttunerujussuanik Peqqinnissaqarfiullu Sermersuup nuna tamakkerlugu napparsimmavissuaqarfueranut atuumassuteqarsinnaavoq; taamaalilluni Nuummi peqqissaavik immikkut ilisimasalinnik pilersugaalluareerpoq Napparsimmavissuarmilu immikkut ilisimasalinnut innersuussinissamut periarfissagissaarnerulluni, taamaalillunilu immikkut ilisimasalinnik Tasiilami avinngarusimasumiittumi tikinniarneralu ajornakusoorsinnaasumi peqqissaavimmiitiinnarnissamut periarfissaqarnerulluni. Pissutsit immikkut ittu taamaattut qitiusumik mimmikkoortumi peqqissaavinni allani marlunni; Paamiuni Ittoqqortoormiinilu atuuppasinngillat, tamannalu sulisussarsiniarnerup ajornakusoorneranik Paamiunullu tunngatillugu illoqarfiup Nuummiit tikikkuminarnerukanneraneruttaaq attuumassuteqarsinnaalluni.

Takussutissiaq 4. sulisut amerlassusaat taakkulu qitiusumik napparsimmavinnut peqqissaavinnullu agguataarneqarnerat.

Qitiusumik immikkoortut	Napparsimmaviit/ peqqissaavit	Nakorsat	Peqqissaasut*	Sundheds assistantit	Juumuut	Timimik sungiusaasut/pillorissaasut
Avanna Innuttaasut 10.726 ind- ***	Qitiusumik nap.: Ilulissat (75) Peqqissaaviiit: Uummannaq (40) Upernivik (40) Qaanaq (17)	7,5 2 2 1	17 4,5 3,5 1,25	6 5 6 3	3,5	2,5
Disko Innuttaasut 6.340	Qitiusumik napparsimmavik: Asiaat (70) Peqqissaaviiit: Kangaatsiaq (5) Qeqertarsuaq (16) Qasigiannguit (14)	5,5 - 1 1	16,5 - 2 2	11 - 1 1,5	1,5	3
Qeqqa Innuttaasut 9.378	Qitiusumik napparsimmavik: Sisimiut (73) Peqqissaaviiit: Maniitsoq (55)	5,5 2,25	16 10,5	19 10	1 1	2,5
Sermersooq Innuttaasut 23.123 (taakkunanna Nuummi: 18.000-it)	Qitiusumik peqqissaavik: Nuuk (55) Peqqissaaviiit: Paamiut (22) Tasiilaq (52) Ittoqqortoormiit (5)	14 0 3,5 0	32 4 10 2	6 2 6 1	2 2 1	
Kujataa Innuttaasut 6.413	Qitiusumik napparsimmavik: Qaqortoq (60) Peqqissaaviiit: Narsaq (26) Nanortalik (19)	4,5 1,2 1,2	13,5 4 3	9,5 6 4	2 2	3

Sulisut assigiinngitsunik ilinniagallit pillugit kisitsisit Peqqinnissaqarfimmi sulisoqarnermut pilersaarutinit 2021-imeersunit tigusaapput. Taamaalillutik taakkupput sulisut amerlassusisaattut naatsorsukkat, ilaatigut inuttaqanngissinnaasut, matumanilu inuit pineqarrik suliat inuup ataatsip ukiumut naammassisinnaasai pineqarput. Decimalit ilivitsunngorlugit affanngorlugilluuniit akunnaallisaapput. Immikkoortut annikitsut ilaatigut inuup ukiumut sulinerata sisamarterutaaniuk sulisullit pineqanngillat.

* Peqqissaasunut tunngatillugu kisitsisini meeraaqkerisut ilaapput, taamaalilluni tabelimi sumi meeraaqkerisunik atorfekartoqarnera takuneqarsinnaanngilaq.

** Kisitsisit ungalususikkat amerlassusaannik missiliuipput.

*** Innutasut amerlassusaat 2020-imi naatsorsugaapput. Najoqutarisaq: Kommunit nittartagaat / stat.gl-ilu

2021-imi Peqqinnissaqarfimmi sulisoqarnermut pilersaarutit aallaavigalugit qitiusumik immikkoortuni nakorsaqarnikkut kiffartuussineq assigiinngilaq. Nakorsaqarneq innuttaasunut ataasiakkaanut naatsorsuullugu:

Avanna: Innuttaasunut 858-inut nakorsaq ataaseq
Disko: Innuttaasunut 845-inut nakorsaq ataaseq
Qeqqa: Innuttaasunut 1210-nut nakorsaq ataaseq
Sermersooq: Innuttaasunut 1321-inut nakorsaq ataaseq
Kujataa: Innuttaasunut 916-inut nakorsaq ataaseq.

Immikkoortuni assigiinngitsuni taartaagallartartunik atuineq assigiinngissuteqarportaaq. Ass. Uummannami peqqissaasunit 4,5-init pingasut- taakkununnga ilaalluni immikkoortortami peqqissaasutut aqutsisoq- qaammatit pingasut arfinillillu akornanni taartaagallartutut sulisarput; Tasiilamili peqqissaasumi procentinngorlugit ikinnerusut taartaasarput, taartaasartullu arlallit, sulilerlaanik ilitsersuisarnermut oqilisaataasumik, kulturi Peqqinnissaqarfifullu aaqqisuussaanera pillugit paasisimasaqalereersut uteqqittarlutik.


Taartaasartut matumani pineqartut tassaapput Kalaallit Nunaanni Peqqinnissaqarfimmi Namminersorlutik Oqartussat kattuffiullu isumaqatiginninniarsinnaatitaasup isumaqatigiissutat naapertorlugu sivikitsumik taartaagallartussatut atorfinitisitat kiisalu taartaagallartartunik atukkiussisarfinniit atukkiussat. Ukiumut nutaanik 1000-it missaannik atorfinitinnissamut isumaqatigiissusiorqartarpooq (Kalaallit Nunaanni Peqqinnissaqarfik pillugu Peqqinnissaq pillugu Ataatsimiitaliarsuarmut saqqummiussaq /Peqqinnissaqarfimmi qullersaneersoq, september 2020). Taakku tassaapput sap. akunnialunniit ukiup aappaaffaa pallillugu taartaagallartussatut atorfinitisinerit. 2021-imi oktoberimi taartaagallartunut piffissaq atorfinitiusartoq agguaqatigiissillugu qaammatip ataatsip aappaatalu affaata akornanniippoq.

Ukiut ingerlanerini atorfinitisinerit sivikilliartorput, tamanna taartaagallartartut Danmarkimi peqqinnissaqarfimmi ilungersunartorsiorfiujartuinnartumi suliffigisaminniit sulinngiffeqartitaasariaqarajunnerannik patsiseqarsinnaavoq. Taartaasartut ilarpaalui utikattuuupput⁵.

⁵ Immikkoortumi matumani paassisutissanut najoqutarisaq (allamik allassimasoqanngippat): Sulisoqarnermut allaffeqarfimmi siunnersorti Marie Louise Chemnitz Egede.

Takussutissiaq 5. 2013-imiit 2018-imut Peqqinnissaqarfimmi sulisunik taartaagallartartunik attartortitsisarfimmiit sulisunik atuineq (Peqqissutsimut Pitsaaliuinermullu Aqutsisoqarfik, 2019).

Total vikar forbrug (2013 - 2018)



2019-imi taartaagallartartunik atukkiussisarfineersunik atuineq 2018-imi 51,3 mio. koruuniniit 36,6 mio. koruuninut annikilleriarpoq. Tamanna tamatuma nalaani Peqqissutsimut Naalakkersuisoq Martha Abelsen naapertorlugu sulissarsiniarnermut tunngatillugu iliuuseqarnerup Nuummiit Danmarkimut nuunneqarneranut taamaalillunilu sulisorilersinnaasanut qaninnerusumik attaveqarsinnaanermut attuumassuteqarpoq (KNR.gl, 2020). taamaalilluni taartaagallartartut Namminersorlutik Oqartussanit atorfinitisitat taamatuttaaq amerlinissaat naatsorsutigineqarsinnaassaaq. Taamaattoqanngilarli, takussutissiaq 6 takuuq.

Takussutissiaq 6. 2018-imiit 2020-imut qitiusumik immikkoortuni nalinginnaasumik atorfinitisitat taartaagallartunik atuineq.

Amerlassusaat	Ukioq akissarsivik	2018	2019	2020	Katillugit
Isumaqatigiissutini					
Aaviisartut- taartaagallartut		79	41	35	155
Pillorissaasut- taartaagallartut		9	5	5	19
Timimik sungiusaasut- taartaagallartut		12	5	6	23
Juumuut- taartaagallartut		72	58	50	180
NAKORSAT- taartaagallartut		374	386	370	1130
Sundhedsassistentit- taartaagallartut		112	57	61	230
Peqqissaasut- taartaagallartut		900	543	595	2038
Kigutilerisut- taartaagallartut		77	53	56	186
Økonomiassistentit- taartaagallartut		1	1	1	3
Katillugit		1636	1149	1179	3964

Nalinginnaasumik isumaqatigiissut naapertorlugu taartaasartunik atuineq 2018-imiit 2019-imut pingajorarterutingajammik annikillivoq 2019-imiillu 2020-imut qaffariaalaarluni. Taartaasartunik attartortitsisarfimmiit sulisunik atuinerup annikilleruarneranut sanilliukkaanni, kisitsisit atorfippaalunnik inuttaqanngitsunik matussusiisimanissaat ilimagisariqarpoq. Kisitsisini piffissaq suliffiusartoq tamakkerlugu atorfait pineqaratik atorfinitisaternik matussusiinerat erseqqissarneqassaaq. Najoqutarisaq: Sulisoqarnermut allafeqarfik, Peqqissutsimut Pitsaaliuinermullu Aqutsisoqarfik.

Peqqinnissaqarfip qitiusumik immikkoortuni nalinginnaasumik taartaasartut taarseraannerat qitiusumik immikkoortuni atorfefqartunut tamanut sanilliullugu taamaaginnangajattutut isikkoqarpoq (takussutissiaq 7 takuuq). Tamatuma saniatigut taartaagallartussanik atukkiussisarfimmeersoqarpoq. Atorfinnerit assiginngitsunik sivisussuseqarsinnaasarput taartaasartullu aallajangersimasut arlaleriarlutik atorfefqarsinnaasarlutik.

Takussutissiaq 7. Atorfekartunut tamanut sanilliullugit taartaasartut taarseraannerat.

Qitiusumik immikkoortoq	Qitiusumik immikkoortumi sulisut	2020-imi taartaarsartut Namminersorlutik Oqartussanit atorfinititat
Avannaq	242	166
Disko	120	113
Qeqqa	129	102
Sermersooq	144	111
Kujataa	118	121
Katillugit	753	613

Najooqtarisaq: Sulisoqarnermut allaffeqarfik, Peqqissutsimut Pitsaliuinerlummi Aqutsisoqarfik.

Ilinniagaqassuseq tunngavigalugu innuttaasunik peqqinnissakkut kiffartuussineq- najukkani sulisut assigiinngitsunik ilinniagaqarmata piginnaaneqarmatalu- assigiinngissuteqarpoq. Sumiiffinni ilinniarismasunik sulissarsinianermik ajornartorsiuteqarfiusuni amigaateqarneq iliuuseqarfinginiarlugu, ass. piffissap ilaani qitiusumik illoqarfimmuit sulissusanik illoqarfinnut aallartitsinikkut annertuumik iliorraqarluarpalluunniit, innuttaasunik kiffartuussineq aqorerulersinnaavoq. Najukkamili sulisuni immikkut piginnaasaqarnerup, immikkoortumi innuttaasunut immikkut kiffartuussisoqarneranut ass. angajoqqaanik mikisunik meeralinnik, nammineq meeraanermi kinguaassiuutitigut atornerlugaasimasunik oqaloqateqartarnikkut katsorsaanernik, imal. piartortunik paaqqutarinninnermut tunngatillugu immikkut iliuuseqarnernik nassataqarsinnaaneranut assersuutissaqportaaq.

2010-mi Peqqinnissaqarfíup aaqqisuuteqqinnejnarneranik naliliineq

Peqqinnissaqarfíup aaqqisuuteqqinnejnarnerata aqutsisuniit isigalugu naliliivigineqarnera 2017-imi Kalaallit Nunanni innuttaasut peqqissusaannik ilisimatusarfimmit ingerlanneqarpoq. Ataatsimut isigalugu apersoneqartut ikaarsaarniarnerup piumasaqaatitaqaqisup kingorna Peqqinnissaqarfíup aaqqisuulluagaanerusutut ataqtiginnerusutullu misigineqarnera "sinerissamilu qitiusumik immikkoortut nukissanik, atortorissaarutinik nakorsaanermilu neqeroorutinik atuinermut tunngatillugu paasilertoruminarnerersut, assigiaarnerersut pissutsinullu malinnaanerersut[...] naliliinermi inerniliunneqarpoq. Peqqissaaveqarporli aaqqisuusseqqinnerup nassatarisaanik peqqissaavinni minnerusuni sipaarniuteqarnerit pissutigalugit nukissatigut sulisutigullu ilanngarteriffingeqartutut misigisimasunik" (Ingemann & Larsen, 2018, qup. 4). Nalinginnaasumik unammilligassaq tassaavoq sulissarsiniarneq aalaakkaasunillu sulisoqarniarneq. Unammilligassaq alla tassaavoq inissaqartitsiniarnikkut sulisullu akornanni atortorissaarummik atuisinnaanissamut piginnaasatigut amigaateqarneq pissutaallutik qarsasaasiakkut nakorsiartitsisummiik atuisinnaannginnej.

Nalinginnaasumik suleqatigiinnermi attaveqatigiinnermilu, ilinniagaqassutsikkut kulturikkullu assigiinngissutsit aallarnerfigisinnaasaanni, aqtsisut immikkoortullu akimorlugit unammilligassaqarpoq.

Naliliinermi makku iliuseqarfingeqarnissaat innersuussutaavoq: Aqtsinerup napparsimasullu/nakorsi allu aqqusaartugassaannik ataqatigiissitsineq, sulisussarsiniarneq aalaakkaasunillu sulisoqarneq, misilittakkanik katersineq, piginnaasanik inerisaaneq ilinniaqqinnerlu kiisalu kommuninik suleqateqarneq (Ingemann & Larsen, 2018).

Innutaaasut nunatsinni Peqqinnissaqaqrifiup (aaqqisuusseqqinerup kingorna ingerlanera) pillugu qanoq misignerannik aaqqisuussamik apersuinikkut misissuineq 2020-mi ingerlanneqarpoq. Peqqinnissaqaqrifimmik atuisinnaanermut periarfissap qanoq misigineqarnerata, siunissarlu ungasinnerusoq isigalugu atuisunik peqataatitsinissaq naliliisitsinissarlu siunertalarugu, atuisut Peqqinnissaqaqrifimmik naapitsinermanni sunik pingaaruteqarsorinninnerisa paasiaqarfiginissa siunertaavoq.

Misissuinermi paasisat ima eqikkaavagineqarput:

"Peqqinnissaqaqrifimmik misiganut pitsaasunut pitsaanngitsunullu tunngatillugu, oqaloqatigiinnerup paassisutissiinerullu pingaaruteqarluinnarnerannik, apersuinikkut misissuineq tikkuussivoq [...] oqaloqatigiinneq paassisutissiinerlu, oqaatsitigut unammilligassaqarnermut, Peqqinnissaqaqrifimmik atuisinnaanissamut, peqataatinneqannerginermut Peqqinnissaqaqrifimmullu tatiginninnginnermut akisussaaqataasutut misignermut attuumassuteqarajupput. Ataatsimut isigalugu atuisut najukkaminni neqeroorutaasinnaasut pillugit periarfissat killiliisullu suunerannik naammaginavinnigtsumik paassisutissinneqartartutut misigaat. Atuisut naatsorsuutigisaat najukkamillu neqeroorutaasut imminnut naapertuuttaaannanngillat. Atuisulli amerlasuut, siullertut pingaarnertullu Peqqinnissaqaqrifitsik qujamasuutigigaat najukkaminnilu Peqqinnissaqaqrifimmik tamakiisumik neqerooruteqartoqarsinnaannginnera paasisinnaagaat, misissuinerup takutippaattaaq. Atuisut akornanni Peqqinnissaqaqrifimmik naapitsinermi kalaallisut oqalussinnaaneq annertuumik kissaataavoq, tamatumali annertoqataanik paasineqarnissaq, naammagittarfigineqarnissaq inussiarnisaarfigineqarnissaq kissaataapput. Tamatuna saniatigut atuisut Peqqinnissaqaqrifullu akornanni ataatsimoornermik annertunerusumik pilersitsinissamut peqataanissaq kissaataavoq" (Olesen allallu, 2020).

Innutaaunik toqqaannartumik sullissut misigisaat misilittagaallu: Angusat

Siusinnerusukkut nassuaatigineqareersutut misissuinermi paassisutissiisut Peqqinnissaqaqrifiup aaqqisuuteqquunneqarnerani nukitorsagassani pitsanngorsagassanilu misigisaat misilittagaallu pillugit apersorneqarput. Paassisutissiisut soorunami suliffedarifiup iluani immikkoortuni assigiinngitsuni inisisimasimanermikkut assigiinngitsunillu suliaqarsimanermikkut immikkoortut tamaasa assigiimmik paasisimasqaqfiginngilaat.

Sulisunit isigalugu aaqqisuusseqqinneq suleriaatsit ilaannik eqaallisaasimavoq qarasaasikkullu nakorsiartitsisarneq siuarsimallugu, taamaalilluni nunaqarfinni innuttaasunik kiffartuussineq nunaqarfinnilu sulisut peqqissaavinnut qitiusimillu napparsimmavinnut attaveqarnerat, sumiiffinni amerlasuuni anertuumik pitsangoriaateqartoq, misissuinerup ilimanarsisikkaa ataatsimut oqaatigineqarsinnaavoq. Kisiannili qitiusumik napparsimmavinni ilinniagaqassutsikkut avatangiisini kajuminnartuni, taakkunanngalu aallaaveqartumik peqqissaavinnik kiffartuussinermik pilersitsinikkut, sulisussarsiniarnerup ajornannginnerulernissaanik siunertamut, aaqqisuusseqqinneq tamatigut naapertuutanngitsutut isikkoqportaaq. Ilinniakkat akimorlugit suleqatigiinnerup ajornakusuulernera sulisullu nunaqvissut (taartaasartullumi) sulisoriinnarnissaasa ajornartorsiutaajuarnera, tamatuma nassatarisaasa ilagerpasippaat. Najukkanilli tamatuma assigiinngissuteqarnera misissueqqissaarnermi annertunerusumik sammineqassaaq.

Peqqinnissamik siuarsanermut pitsaaliuinermullu tunngatillugu inuunerissaaviiit sumiiffinni amerlasuuni, immaqa pingaartumik illoqarfinni qitiusumik napparsimaveqarfiusuni ingerlalluarpasipput. Peqqinnissamik siuarsaneq pitsaaliuinermu peqqissaavinni nunaqarfinnilu periarfissagissaarpasinngilaq, najukkanimi iliuuserisat nikerarput, najukkamillu sulisut piginnaasaallu ilaatigut apeqqutaallutik iliussissat piviusunngorsinnaasarlutik.

Meeraaqquerisut juumuullu illoqarfinni nunaqarfinnilu iliuuserisaat qitiusumik napparsimmavinnut iserternerup kingorna allanngorartutut isikkoqarput.

Tulliuttumi sulisut misigisaat misilittagaallu aaqqisuusseqqinnermi ukkasanut tunngatillugu sammisanut immikkoortiterlugit misisoqqissaarneqassapput: Qitiusumik immikkoortunut eqiterussineq, qarasaasiakkut nakorsiartitsineq, sulisussarsiniarneq aalakkaasunillu sulisoqarneq, ilinniartitaaneq piginnaasanillu inerisaaneq, kommuninik suleqateqarneq kiisalu pitsaliuineq peqqinnissamillu siuarsaneq (ilanngussaq 1, apersuinermi najoqqtassaq takuuk). Misissueqqissaarnermi inerisaanissamut periarfissat unammilligassallu ukkanneqarput. Tamatuma kingorna sammisat pingaarerusut ilaat, toqqammavissanik pioreersunik inerisaqqinnissamut periarfissanik ukkassinerup nukitorsarnissa siunertalarugu immikkoortinneqarput ersersinniarneqarlillu. Apersuinerit aaqqisuusseqqinnermi ukkassat tunngavigalugit sammisakuutaarlugit ingerlanneqarmata, paassisutisiisut misigisaanni misilittagaannilu immikkoortut ilaat ass. akissarsianut tunngasut qulaajarneqanningerat erseqqissarneqassaaq.

Peqqinnissaqarfiup immikkoortuinik eqiterutitsineq

Peqqinnissaqarfiup aaqqisuuteqqinnejarnissaanut aallaaviosoq tassaavoq aalajaannerulersitsinissaq kiisalu sulisussarsiniarnermut, aqutsinermut ilinniagaqassutsimullu tunngatillugu pitsangorsaanissaq. Qitiusumik immikkoortunut eqiterussinerup, peqqinnissaqarfiup immikkoortuisa 16-iut Kommunit agguarneqarnerattut, tallimanngorlugit eqiterunneqarnerat nassataraa (Peqqissutsimut Naalakkersuisoqarfik, 2010).

Illoqarfiiit qitiusumik napparsimmaveqarfiusut, qitiusumik immikkoortumi peqqinnissamut tunngatillugu suliassat pingaarnertut akisussaaffigaat qitiusumillu immikkoortumi immikkut ilisimasallit peqqissaavinnik nunaqarfinnillu kiffartuussisussat pigalugit.

Illoqarfinni minnerni napparsimmaviusimasut peqqissaavinngorput; Peqqinnissaqarfimmik aaqqisuusseqqinnejq pillugu nassuaat naapertorlugu peqqissaaviit atortutik pigiinnassavaat nakorsaanerullu qaffasissusa, piginnaasalinnik sulisussaqaarneq apeqqutaatillugu, attatiinarsinnaassallugu (siuliani eqqartorneqartoq). sulisut immikkut ilisimasallit qitiusumik napparsimmavinnut katarsorneqarnissaat pilersaarutaammattaq, tamatuma piviusunnginngissinnaanera takuneqarsinnaareerpoq.

Nunaqarfinni nakorsiartitsiviit sulisunit immikkut ilisimasalinnit peqqissaavinneersunit qitiusumillu napparsimmavineersunit angalasoqartarnikkut, siunnersuinikkut ikorfartuinikkullu/supervision isumagineqartussaapput, nappaatinillu suussusersiniaaneq nakorsaanerlu nunaqarfinni sulisut piginnaasaat naapertorlugit ingerlanneqassallutik.

Misissuineq naapertorlugu aaqqisuusseqqinnermut atatillugu qitiusumik immikkoortut immikkoortortaasa assiginngitsut akornanni attaveqatigiinnejq pitsaanerulerpoq. Tamatuma saniatigut sumiiffinni tamani qaammatit pingasukkaarlugit nunaqarfinnut nakorsat angalasernerat ajunngitsumik ingerlarpasippoq. Tamatuma innuttaasunik kiffartuussineq pitsaanerulersikkaa paassisutisiisut oqaatigaat (qarasaasiakkut nakorsiartitsinermut atatillugu tamanna uterfigineqassaaq). Immikkut ilisimasalinnit soorlu juumuumit, meeraaqquerisumit, timimik sungiusaasumit/pillorissaasumit il.il. tikitneqartarneq nikerarpoq; sumiiffit ilaanni sulisut naammagisimaarinippuit, allani qitiusumik napparsimmavimmit immikkut ilisimasalinnik angalasoqartillugu peqqissaavinni nunaqarfiiit mininneqartarnerat misigineqarpoq.

Peqqissaaviit qitiusumut eqiterussinermit ilungersortitaallutik isumaqarput. Qitiusumik napparsimmavinnut sulisunik nuussineq peqqissaavinni sulisunut sinneruttunut annertunerusunik suliakkineqarnertut sumiiffinni amerlasuunit misigineqarpoq. Qitiusumik immikkoortunut eqiterussinermut atatillugu sulisorisassatut aalajangersakkat ikilisaavigineqarnerat ilaannit misigineqarportaaq.

Qitiusumik immikkoortunut eqiterussineq sioqqullugu sulisut tamangajammik aalajangersimasumik suliffeqartuunerat, sulisut nalinginnaasumik naammagisimaarinittuunerat, peqqissaaviillu suliffigisallugu kajuminnartuunera, paassisutisiisup ataatsip oqaluttuaraa. Qitiusumik immikkoortumut eqiterutsitsinerup kingorna sulisut ilarpassui nuupput, paassisutisiisorlu eqiterutsitsinerup kingorna peqqissaasutut kisiartanngorluni. Atorfiiit

taartaagallartartunik inuttalerneqartarpuit, tamannalu sullivimmi atugassarititaasut ilungersunarmata, ikittuinnaat aalajangersimasumik sulisuunissamik attassisinnaanerisigut sakkortusilluni.

Peqqissaasutut atorfuit ikilisarneqarput, immikkut ilisimasallit peqqissaavimmut angasarnerat akuttuvooq, pitsaliuineq peqqinnissamillu siuarsaneq tunulliunneqarput.

Peqqinnissaqarfuiup aaqqisuuteqqinnejarnera sioqqullugu peqqissaavik qaffasinnerusumik ilinniarsimasunik sulisoqartoq, paasissutissiisoq peqqissaavimmit allameersoq oqaluttuarpoq. Taassuma ilinniagaqassutsikkut ineriarneq ilinniagalinnik/qaffasinnerusumik ilinniagalinnik allanik ilaqrnermut attuumassuteqartoq amigaatigaa; immikkut ilisimasallit angalasut tikittarnerisa ulluinnarni peqatigiinneq taarsersinnaanngilaat. Aaqqisuusseqqinnerup kingorna aqutsisut ungasinnerat misigaattaq: " *Qitiusumik napparsimmavimmi suleqatinit puigugaasutut tapersorsorneqannngitsutullu misinnarsinnaasarloq*" .

Tamanna peqqissaaviit pingajuanni qitiusumik mimmikkoortumi aqutsisulimmi atuupportaaq. Tassani paasissutissiisup sundhedsassistantiusup, aqutsisut qitiusumik napparsimmavimmiimmata peqqissaanermik suliallit suliassanut oqimaatsunut amerlasuunut aqtsinikkut tapersorsorneqarnissaq amigaatigigaat oqaatigaa. Peqqissaavik taanna ataatsimik nakorsaqarsimasoq eqiterussinerup kingorna nakorsaaruppoq, atorfeqavissunillu peqqissaasoqarani, peqqissaasutullu aqtsisoqarani. Tamanna aaqqiissuteqarfiginiarlugu piffissat ilaanni qitiusumik immikkoortoq sulisunik ilinniarsimasunik peqqissaaviliartitsisarpoq.

Peqqissaaviit sisamaanni immikkoortortami uninngavimmi peqqissaasut sisamat tamarmik taartaagallartuuusut taakkulu qaammatini pingasuni arfinilinniluunniit sulisartut, peqqissaasutut aqutsisup oqaluttuaraa. Tamanna ilitsersuinernut, nutserussinernut il.il., nunaqvissut aalajangersimasumik atorfinitinnissaannut tunuarsimaartitsisumik annertuumik suliakkiivoq. Tamanna " *suleriaatsinik inerisaanissamut piffissamik atuinani*" " *ilaartuinermik*" kinguneqarportaaq. Pissutsit taamaattut taartaagallartartut uteqqiannginnerannik kinguneqartarputtaaq atorfiiillu ilaat inuttassaqartinneqarjussanatik.

Peqqissaaviit tallimaanni paasissutissiisoq akerlianik sulisoqarnikkut pissutsit pitsasuunerannik sulisoqarnikkullu aalaakkaakkaannersumik inissisimanermik misigisaqarpoq. Tassani nakorsat arlallit peqqissaanermillu suliallit amerlanersaat atorfefeqavissupput taartaagallartartullu nakorsat, immikkullu ilisimasallit allat, peqqissaasullu piffissap aalajangersimasup qaangiunnerani uteqqittarlutik, " *taamaalillutillu sumiiffik ilisimasaqafgereersarpaat ilitsersortariaqaratillu*" . Taamaattuni nutserussinissaq ilungersunartutut misigineqartaraluaq pisariaqarajunngilartaaq. Passissutissiisoq ima oqarpoq: " *Isumaga naapertorlugu atorfefeqavissorpassuaqarnera pissutigalugu nukittuumik inissisimavugut*" , suleqatigiillu aalajangersimasut sulilluarnissamut perarfissaqarmmata tamatuma sulisut suliffimiiginnarunrusunnerannut patsisaqataagunarnera erseqqissarlungu.

Qitiusumik napparsimmaviit sisamaasut misissuinermi ilaasut akornanni pingasuni sulisut immikkoortuni minnerniittut qitiusumik napparsimmavimmut saffiginnikkajunnerummata, sulisunik nuussinerup qitiusumik napparsimmavimmi suliassaqarnerulersinera misigineqarpoq. Maanna qitiusumik napparsimmavinni sulisoqarnerulersussaammat tamanna ajornartorsiutaasariaqanngikkaluarpoq. Kisiannili ass. nakorsat peqqissaavinni nakorsatut atorfiiit inuttassaqanngitsut taartaaffigisariaqartarmatigik, ilaat piffissap ilaani qitiusumik napparsimmavimmiittanngillat. Akuttunngitsunik qitiusumik napparsimmavinni atorfefqartarpooq inuttassaqanngitsunik taartaagallartartullu amerliartorlutik. Taamaalilluni qitiusumik napparsimmavinni atorfiminnissaq kajungernarnerulersimasorinanngilaq, atorfefeqavissunillu sulisussarsiniarnerup ajornartorsiutanera misigineqarlungissaq. Tamatumunnga atatillugu sivikitsumik taartaagallartartut sulinikkut killilimmik tunniussinnaasarnerat upuarneqartuarpoq. Massakkorpiaq suliassaqarput naammattunik napparsimasulli aqqusaartugaannut malitseqartitsinerit suliassaapput oqimaallutilu piffissartornartut. Sulisut innuttasut oqaasiinik, kulturiannik Peqqinnissaqarfuiillu aaqqisuussaaneranik ilisimaarinninnerisa, innuttaasunik kiffartuussinermut annertuumik pingaaruteqarnera, apersuinerni amerlasuuni tikkuarneqarportaaq. Paasissutissiisup Peqqinnissaqarfimmi ukiuni 30-ini misilittagallip taartaagallartunik paasissutissiinerup ilitsersuisarnerullu qangaaniiit qarsupinneqarnerulerlernera misigaattaq.

Apersuinerni eqqaaneqaraangat tamanit pitsasutut oqaatigineqartoq tassaavoq arlaannik pinartoqalissagaluarpat, upalungaarsimasoqanngippat ernisussioqataanissaq ilungersunartutut misigineqartarmat, naartusut arlaatigut ajornartorsiutitalimmik ernisinnaasutut naliliivigisat, maanna qitiusumik napparsimmavimmi ernisinnaanngornerat.

Qarasaasiakkut nakorsiartitsineq

Ataatsumut isiginilluni peqqinnissakkut sullissineq, innuttaasumut sapinngisamik qaninnerpaami, sulisoqarnikkut aningaasaqarnikkullu nukissanik pitsaaneruseumik atuinissamik Peqqinnissaqarfiullu neqeroorutaanik atuinissamut naliigneruseumik periarfissiinissamik qulakkeerinissaq siunertalarugu, Peqqinnissaqarfimmik aaqqisuusseqqinnermi qarasaasiakkut nakorsiartitsisarnermik annertusaanissamik ukkassineq, napparsimmaviit avataanni peqqinnissakkut sullissinerup nukitorsarnissaa pillugu aaqqissusseqqinnermi siunertaasup angunissaanut, sakkussatut isigineqarsinnaavoq.

2000-ip aallartismalerneraniit nunatsinni qarasaasiakkut nakorsiartitsisarneq misilerneqalerpoq. 2008-miit 2010-mut politikkikkut aalajangererup kingorna sumiiffinni 50-it sinneqartunik inulinni qarasaasiakkut nakorsiartitsissutinik ikkussuisoqarpoq. Atortorissaarut kalaallisut niviarsiaqqap aqjanik Pipalummik tunguijumatuumik isumalimmik atserneqarpoq (takussutissiaq 8). nukissanik atuilluarnerunissamik ilaatigut pitsaaneruseumik nakorsartinnissamut innersuussinissamik, misiuinissat ikilineqarnissaannik, pilertorneruseumik nappaammik suussusersinissamik nakorsaanissamillu, sivikinneruseumik utaqqinissamik kiisalu napparsimasunik angallassinerit ikilineqarnissaannik qulakkeerinissaq anguniagaavoq. Qarasaasiakkut nakorsiartitsisarnerup, pingartumik innuttaasunut avinngarusimasumiittunut, Peqqinnissaqarfiup neqeroorutaanik naliignerimmik pissarsisitseqataasinnaanissaa naatsorsuutigineqarsimavoq. Aallaqqaammut atortorussaarut naatsorsuutigisatut annertutigisumik atorneqanngilaq; atuutilersitsinissaq ingerlatsilernissarlu iluatsilluassappat, pimoorussisunik kajumittunillu, aqutsinikkut aaqqissuussaannikkut qaffasissutsini tamani inissisimasunit tapersorsorneqartunik sulisoqarnissaq apeqqutaasoq, misilitakkat takutippaat. Tamanna ukiuni tulliuttuni ilaatigut sulisunik ilinniartitsinikkut sulissutigineqarpoq, qarasaasiakkullu nakorsiartitsineq kigaatsumik annertusiartorpoq (Højgaard, 2016).

Takussutissiaq 8. Pipaluk: Aap taqqanut naqitsinera, tillerit, aap ilteqassusaa, puaat sulisinnaassusaat, uummatisiuineq (EKG), siutit qinngullugit misissuineq, naalaartaaneq, teknikki digitali atorluu assiliineq, qarasaasiakkut allakkiorneq skype-ilu.



Peqqinnissaqarfiup immikkoortuini assigiinngitsuni Pipaluup qanoq atorneqartiginerata assigiinngissuteqarnera misissuinerup matuma takutippaa. Qarasaasiakkut nakorsiartitsisarnermik ingerlatsiviusuni, sakkutut ulluinnarni pinngitsoorneqarsinnaannginnera, sulisut oqaatigaat

Peqqissaavinni qitiusumillu napparsimmavinni qarasaasiakkut nakorsiartitsissut atorlugu nunaqarfinnik kiffartuussisunik sulisoqarpoq. Sulisut taakku Pipalummik atuinissamik ilinniartinneqarsimapput sungiusarneqarsimallutilu nunaqarfimmilu peqqinnissakkut sullisisunik ilitsersuinissaat siunertaalluni (nunqarfimmi peqqinnissakkut sullisisutut ilinniartaanermit tamatumunngaa piginnaasaqariinngippta). Tamanna sumiiffinni amerlasuuni ingerlanneqarpoq; allanili taamaatiinnarneqarsimammat, qarasaasiakkut nakorsiartitsisarnerup nunaqarfinnut akisussaasunut, periarfissamut annertuumik naatsorsuuteqarsimasunut pakatsissutaqaq. Nunaqarfimmisaq sulisut taarseraattarmata, nutaat qarasaasiakkut nakorsiartitsisummik atuisinnaajuaannartuuusangillat. Qarasaasiakkut nakorsiartitsisarnerup nunaqarfinni 50-it sinneqartunik inulinni atulersinneqarnissa politikkikkut aalajangiunneqarsimammat, nunaqarfinni sulisut atortumik atuinissaannik ilitsersuinissaq ukkanneqarnerusariaqaraluartoq, paasissutissiisup ataatsip uparuarpaa.

Sumiiffinni qarasaasiakkut nakorsiartitsiviusartuni, qarasaasiakkut nakorsiartitsisarneq nunaqarfinni kiffartuussinermik pitsaannguisimasoq, sulisut misigaat. Sulisut ilinniarsimasut napparsimasullu/nakorsiallu imminnut isigalutik toqqaannartumillu attaveqatigiissinnaanerat iluaquataqaq. Sulisut ilinniagallit nalinginnaasumik maluginiagaqarsinnaapput, misissuinerillu ajornaatsut Pipaluk atorlugu ingerlanneqarsinnaallutik. Tamanna peqqissaavimmit imal. qitiusumik napparsimmavimmit angalanissaraluanut annertuumik sipaarutaavoq.

Qarasaasiakkut nakorsiartitsisarneq innuttaasut saaffiginnissutaasa pilertortumik iliuuseqarfingeqartarnerannik kinguneqarportaaq. Innuttaasut qaammaterpassuarni utaqqisannangikkunik saaffiginneqattaartariaqanngillat. Qarasaasiakkut nakorsiartitsinerit immikkut ilisimasallit angalasut (nakorsat, nakorsat immikkut ilisimasallit, meeraaqkerisut, timimik sungiusaasut/pillorissaasut allallu) tikinnissaannut utaqqisunik ikilisaapputtaaq, tamannalu immikkut ilisimasallit nunaqarfimiinnerminni innuttaasunik ataasiakkaanik isumaginninnissamat piffissaqarnerulererannik kinguneqarpoq. Sulisut naalaarnissaq piffissaqarfipassuk innuttaasullu ajornartorsiuta – timikkut ajoqusernerup saaffiginnissutaasup saniatigut–akuersaarpassuk saaffiginneqataarnissaq pisariaqtittanngikkaat, paasissutissiisut arlallit erseqqisarpaat. Sumiiffinni Pipalummik (atuiffiujuartuni), innuttaasut iluarigaat, sulisut oqaatigaat.

Pipaluk misissuinerut assigiinngitsunut atorneqartarpoq, tamatumali saniatigut allarpassuarnut ass. Skype-ikkut timikkut sungiusaanernut, napparsimasut immikkullu ilisimasallit- soorlu tarnip pissusaanik immikkut ilisimasalimmik tarnillu nakorsaanik oqaloqateqarnerut sulisullu akunnerminni siunersioqatigiinnerannut atorneqartarlunissaaq.

Nunami ikittuunnarnik siamasissumilu najugaqartunik innuttalimmi qarasaasiakkut nakorsiartitsisalernissamik siunertamut tunngatillugu, sumiiffinni atuuffiusuni siunertamut naapertuutumik atorneqartoq oqaatigisariaqarpoq. Tamannali akornuteqanngitsumik ingerlasanngilaq.

Iilloqarfinni nunaqarfinnik sullisisut arlallit akornanni qarasaasiakkut nakorsiartitsisarnissamik kimigiisernissap illoqarfinni sulisuniinera erseqqissaatigineqarpoq. Ulluinnarni atortorissaarummik tamatumingga atuinikkut ilinniarteqlunilu attanneqartarpoq. Iilloqarfinni atorfekavissunik sulisoqartuaannarpoq, taakku nunaqarfinni sulisunik taarseraattunik ilitsersuisuusariaqarput. Nunaqarfinni sulisut atortorissaarummik atuinissamat kajumittuaannartuunngillat imal. sungiusimanngisamik atuinissartik ornigissanagu. Atortorissaarutip atornissaa nalunamgilliuinartoq peqqissaasup nunaqarfinnut akisussaasusup oqaatigaa, namminerlu sulisunik qarasaasiarsorermik takornartunik ilitsersuisimanini assersuutigalugu.

Pipaluk atorlugu nunaqarfinni nakorsiartitsisarnernut nunaqarfinnilu sulisunik Pipalummik atuinermut ilinniartitsinissamat piffissamik atuinissamat aquatsinkkut ikorfartorneqarnissap piumasqaataanerat, paasissutissiisunit arlalinnit oqaatigineqarpoq. Peqqissaavit ilaanni ataatsimi atuinissamat ilitsersuimissamullu piffissaqannginneq pissutaalluni Pipalummik atuineq taamaatiinnarneqarpoq. Nunaqarfinni nakorsiartitsinerit maanna oqarasuaatikkut ilaatigullu Skype-ikkut ingerlanneqarput. Tamanna nakorsiat/napparsimasut Pipaluk atorlugu misissortissinnaagaluit misissortinniarlutik qitiusumik napparsimmaviliartariaqarnerannik kinguneqarpoq.

Pipalummik atuisunit tamanit oqaatigineqartoq alla tassaavoq atortorissaarutip pisoqalisimanermik atortut arlaat aserorpat taartissat pissarsiassaajunnaarsimanerisa annertuumik ajornartorsiutaanera. Sumiiffiit ilaanni atortorissaarutip atorsinnaannginera pissutaalluni misissuinerit ilaati taamaatiinnartariaqartarput. Paasissutissiisut Pipalummik nalinginnaasumik iluarisimaarneqaa, taartaajumaartussamulli kissaatigaat: Oqinnerunissaa (Pipaluk oqimaaqimmat), taartissat pilertortumik pissarsiisinnaanissaat, aseruuttoornermut ersiuteqarnermut CRP uuttuut (penicillinamik atuinikinnerunermik kinguneqarsinnaasoq) aallu akuinut taratsunut uuttuut. Nutaamik pisaarsinissap maanna pisariaqarluinnalersimanera, Pipaluullu taartissaata ukiuni arlalinni utaqqineqarsinnaannginera erseqqisaatigaattaaq.

Sulisussarsiarniq aalaakkasunillu sulisoqarniarneq

Nunatsinni innuttaasut ikittunnguummata sulisunik immikkut ilisimasalinnik naammattunik ilinniartitsisoqarsinnaanngilaq. Nunatsinni nakorsangorniartoqarsinnaanngilaq, juumuunngorniartoqarsinnaanngilaq, timimik sungiusaasunngorniartoqarsinnaanani lu pillorissaasunngorniartoqarsinnaanngilaq il.il., ukiumullu peqqissaasutut ilinniarnerminnik naammassinnittartut qulit inorpaat. Taamaammat Peqqinnissaqarfik immikkut ilisimasalinnik avataaneersunik pisariaqartitsiuassaaq.

Ukiuni kingullerni taartaagallartartunik atuineq annertusiartorsimavoq. Tamatuma peqatigisaanik taartaagallartussanik avataaneersunik pissarsariarneq ajornakusoorneulerlissalluni. Aningaasartutuinik misissueqqissaarneq 2019-imeersoq naapertorlugu tamatumunnga peqquatasut arlaliupput: 1. Danmarkimi nunanilu allani nakorsat, peqqissaasut il.il. immikkut ilisimasaqartuunissaat annertusiartuinnarpooq, taakkulu nunatsinni atorfissaqartitanik nalinginnaasunik piginnaasaqanngillat, 2. Danmarkimi nunanilu allani peqqinnissakkut sulisussaleqinerup annertusiartornera, kiisalu 3. Nunatsinni peqqinnissakkut sullisisussanik naammattunik nunatsinniiginnartunillu ilinniartitsisoqannginnera (Peqqissutsimut Pitsaliuinermullu Aqtisisoqarfik, 2019).

Ilinniagaqassutsikkut avatangiisink kajungernartunik, ilinniarsimasunik immikkut ilisimasalinnik qitiusumik napparsimmavinnut immikkoortaminnut sullisisunut eqiterussinikkut, suleqatigiinni toqqissimanermik pilersitsinissaq, Peqqinnissaqarfimmik aaqqisuusseqqinnermi siunertat ilagaat. Napparsimmavinnut annerusunut sivisunerusumik atorfekartussanik sulisussarsiarnissap misilitakkat tunngavigalugit ajornannginnerulernissaa, Peqqinnissaqarfimmik aaqissusseqqinnermut atatillugu nassuaammi oqaatigineqarpoq (Peqqissutsimut Naalakkersuisoqarfik, 2010).

Peqqinnissaqarfimmik aaqqisuusseqqinnermi sulisussarsiarnermut aalaakkaasunillu sulisoqarniarnermut ataatsimoorussamik iliuusissanik aalajangersaanermi, ataqtigiissaarinermut akisussaaffik qitiusumut inissinneqarpoq (Nuummi Peqqinnissaqarfimmik qullersat). 2019-imi peqqinnissaqarfimmut sulisussarsiarnissamut iliuusissatut siunniussassanik suliaqartoqarpoq. Tassani ilaatigut oqaatigineqarpoq "sulis tamarmik atorfekavissuugunik, nikittaraallutik atorfekartarunik, sivikitsumilluunniit atorfekarunik, assigiinngitsutigut ilinniagaqassutsikkut inuttullu ineriartorneq misigissavaat. Peqqinnissaqarfimmik sulineq pissarsiviavoq pissarsiviussallunilu. Atorfinitseriatssit ilinniagallillu assigiinngitsut eqqarsaatiginissaat, Peqqinnissaqarfipi ineriartortuarnissaa, sulisullu kajumissuseqarnissaat nalerisimaarnissaallu aqutsisutut sulissaavoq" (Kalaallit Nunaanni Peqqinnissaqarfik, 2019).

Peqqinnissaqarfimmik sulisunik nunaqavissunik naammattunik ilinniartitsisoqannginnera taartaagallartartunik atuinermi ajornartorsiutit ilagaat. Misissuinerli una naapertorlugu, sulisussarsiarnermut atatillugu iliuusissatut siunniussamissaq oqaatigineqartutut, nunaqavissunut suliffimmiginnarnissap kajuminnarnerulernissaanut toqqammavissanik aaqqisuussineq periarfissaasinjaavoq.

Misissuinermi paassisutissiisut amerlanersaasa suliassat annertusiartuinnarnerannik, taartaagallartartut amerliartuinnarnerannik piffissallu ilaanni atorfiiit ilaasa inuttaqartannginnerannik ilungersortitaaneq misigaat⁶. Sumiifinni amerlasuuni atorfekavissut suliffitik qimattarpaat atorfiiillu piffissami sivikitsumi taartaagallartartunik taarserneqartarlutik. Tamanna tartaagallartartut amerliartornerat ilutigalugu suliffiup kajungernarunnaariartornera pissutaalluni pissutinsik ajorsiartortsivoq. Suliffimmik pissutsit pisuullutik ilaqtariittut inuunerup attatiinnarnissaa ajornakusoortoq, paassisutissiisoq peqqissaavimnmeersoq oqarpoq. Taassuma peqqissaasut nunaqavissut marluk suliffimmik atugassarititasut pissutigalugit peqqissaasutut suliunnaarsimasut ilisimasaqarfingai.

⁶ Suliassat annertusiartuinnarnerisa arlalippassuarnik patsiseqarsinnaanera, ass. aaqqisuusseqqinneq nunaqavissunillu atorfekavissunik pinnani taartaasartunik atuineruneq kisimik patsisaatinneqarsinnaannginnerat, nappaatilli anigugassaangitsut nakorsanissamullu periarfissat amerliartornerisa patsisaqataanerat erseqqissarneqassaaq.

Illoqarfimmi peqqissaasut arlallit ullup unnuallu ingerlanerani qaangiuttoortarneq pigaartuuffissallu pinaveersaarniarlugit kommunimi utoqqarnik paaqqutarinniffinni allamiluunniit sulimissaq toqqartaraat, paasissutissiisoq peqqissaavimmi allameersoq oqarpooq.

Sulisut nunaqavissut attaveqatigiinnermik pitsaanerulersitsusuusut, ataqtigisaaarinermik qulakkeerisuusut, sulilerlaanik ilitsersuinissamut piffissamik sipaarutaasut, atorfinnik inuttaqanngitsoqartillugu qaangiuttoornersiassanut sipaarutaasut paasissutissiisut arlallit tikkuaarpaat. Paasissutissiisut aalaakkaasunik sulisoqarsinnaanissamut piumasaqaatinik assiginngitsunik tikkussipput: Ilinniagaqassutsikkut inerisaaneq pikkorissaanerillu tamakkiusallutik oqaatigaat, tamatuma saniatigut naleqartitatut misigineq, atorfeqavissunik sulisoqarneq, qaangiuttoorpallaartannginnej kalerritassatullu pigaartuuspallaalannginnej, sulinermillu tunngatillugu aalajangiinernut sulisut peqataatinneqarnissaat. Suliartornissap nuannarineqartariaqarnera, paasissutissiisut arlallit oqaatigaat. Naammattunik sulisussaqarpat, ilinniagaqassutsikkut ineriertorsinnaagaanni, napparsimasunik pitsaasumik sullissinissamut ilisimasaqarlunilu nukissaqaraanni, sulinermi eqaatsumik periaaseqarnissamut isumassarsiorsinnaanissamullu piffissaqaraanni, tamanna anguneqassaaq. Suliffimmi pissutsit pitsaaasuunerat tusaamaneqalerpat, tamanna nunaqavissunut kajungilersitsisinhaavortaaq.

Taartaagallartartussanik pissarsiniarnerup, suliffiu taartaagallartussallu avataaneersut akornanni naatsorsuutigisanik naapisitsimikku pitsaanerulersinneqarsinnaaneranik, paasissutissiisut amerlasuut isummersuuteqarput. Suliersussat pinngortitami misigisassarsiorisunq sunngiffimmilu sammisassat kisiisa neqitsiunnagit ornitassamik suunieranik paasisimasaasa piviusorsiortuunissaat, amerlasuunit pingartinneqarpoq. Ataatsip isumaa naapertorlugu danskit Peqqinnissaqarfiannut tunngatillugu, nunatsinni inuiaqatigiinnit Peqqinnissaqarfimmi illu misilittagaqalernikkut ilikkagaqarsinnaaneq pingartinneqarpat, tamanna danskinut taartaagallartartunut kajungilersitsisinhaavoq. "Inuiaqatigiinni tikitaminni misigisaqaannaratik sunniuteqarsinnaanerat taartaagallartatunut maluginiaqquneqartariaqartoq, taanna isumaqportaaq". Danmarkimisut innani Nunatsinni Peqqinnissaqarfimmi iliuuseqarnissamut periarfissarpassuaqarnera ataatsip erseqqissarpaa; taassuma avataaneersut takusinnaassagaat periarfissallu napparsimasunut iluaqtaasussamik atorluassagaat kissaatigigaluarpa. Kiisalu sulisussarsiniartarnerup qitiusumit ingerlanneqarnererat pissusissamisunnginneranik tikkussisut arlaqarput; taartaagallartussat atorfiniffissaanni qinnuteqartunik oqaloqateqarnerit ingerlanneqarnerat iluaqtaasinnaassaaq. Tamatuma saniatigut nunatsinni aviisini taartaagallartussanik sulisussarsiniartarnissamik, paasissutissiisut ilaat siunnersuuteqarput – peqqinnissakkut sullissisut nunaqaviussut sivikitsumik sulinissamut soqutiginnittunik ilaqrinnaapput.

Peqqinnissaqarfimmik aaqqisusseqqinnerup sulisussarsiniarnermi aalakkaasunillu sulisoqarniarnermi ilinniagaqassutsikkut immikkoortunik annerusunik kajungernartunillu, akuttunngitsunik angalasarnikkut immikkoortortanik minnerusunik sullissussanik pilersitsinissaq pillugu iliuusissatut siunniussanut tunngatillugu, innuttaasunik toqqaannartumik sullissisuniit isigalugu iliuusissanik siunniussinermi, immikkut ilisimasalinik sulisussarsiniarneq annertunerusumik pineqartutut oqaatigineqarsinnaavoq. Nappasimmavinni Peqqinnissaqarfiannut immikkoortuini minnerusuni peqqissaanermik sulialinnik pissarsisinnaanissaq, taamatulli annertutigaaq. Sulisut taakku napparsimasunut qaninnerpaajummata, oqaatsitigut kulturikkullu piginnaasat immikkut pingaruteqarput. Taamaammat avataaneersunik sivikitsumik taartaagallartartunut tunngatillugu unammilligassarpasuit pissutigalugit, paasissutissiisut nunaqavissunik amerlanerusunik suleqateqarnissamik ujartuippit, qanorlu pissarsiarieneqarsinnaanerannut aalaakkaasumillu sulisorineqarsinnaanerannut isummersuutissarpasuaqarlutik. Tamatuma saniatigut qitiusumik nappasimmavinni nunaqavissunik peqqissaanermik sulialinnik sulisoqarnerunerup, tassani sulisunut immikkut ilisimasalinnt, avatangiisink kajungernartunik pilersitseqataasinnaanissaattaaq ilimagisariaqarpoq.

Ilinniartitaaneq piginnaasanillu inerisaaneq

Peqqinnissaqarfimmik aaqqisusseqqinnermi siunertat naapertorlugit ilinniartitaaneq, piginnaasanik annertusaaneq sulisunillu ilitsersuineq, Peqqinnissaqarfiannut pissusissamisortumik eqallisaavigineqarnissaanut aaqqisusseqqinnermut nassuaat naapertorlugu oqaatigineqarpoq" Peqqinnissaqarfimmi sulisut qaffasinnerusumik ilinniagqinnissaannik piginnaasatigullu qaffassaaviginissaannik pisariaqartitsineq, aaqqissuussaankut allanguinerup nassatarissavaa" (siuliani eqqartorneqartoq, qup. 15)

Sulisunut assiginngitsunut amerlanernut tunngaviusumik ilinniartitaanerit ingerlariaqqiffiusullu, pisariaqartitanut nutaanut sammitiat pilersinneqarput.

Peqqinnissaqarfimmik aaqqisusseqqinnermi piginnaasanik inerisaanermik ukkassineq, ilitsersuinerit, pikkorissaanerit ilinniagaqassutsikkullu inerisaanerit ulluinnarni sulinermi pingaaruteqassusaat, misissuinermi matumani sulisut misigisaannut naapertuuppoq.

Qitiusumik napparsimmavimmi ilitsersorneqarnikkut, nunaqarfimmi peqqissaavimmiluunniit sulinissamat qanoq piginnaanngorsarneqarsimaneq, amerlasuunit iluarismaarneqarluni oqaluttuarineqarpoq; sumiiffiit ilaanni aalajangersimasumik ukiup affakkaartumik ukiumulluunniit ataasiarluni nunaqarfimmi sulisunik pikkorissaasoqartarpoq.

Peqqinnissaqarfiup qitiusumik immikkoortuata immikkoortortaani sulisut akimorlugit ataatsimoortillugit pikkorissaanerit, ilinniagaqassutsikkut isumassarsitsitsut, misilittakkanik paarlaasseqatigiinnissamat periarfisisut sulinermilu piumasaqaatinik assiginngitsunik ilikkagaqarfiusut, allat oqaluttuaraat; ass. illoqarfinni sulisut nunaqarfinni suleqatigisaminni pissutsinut paasisimasaqalerneq pissarsiaqarfigajuppaat.

Peqqissaasup peqqissaavimmi qitiusumilluunniit nunaqarfinnut akisussaasup, ulluinnarni nunaqarfimmi sulinermi kiserliornarsinnaagajuttumi unammilligassat oqallisiginissaat siunertalarugu, nunaqarfimmi sulisut ataatsimoortillugit Skype-ikkut ataatsimiitsitsarneri, allanit aamma oqaluttuarineqarput; ataatsimiinnerit taamaattut ilinniagaqassutsikkut piginnaaneqalersitsippu, suleqatigiittullu siunersioqatigiinnissamat tapersersoqatigiinnissamullu periarfissillutik.

Sundhedsassistentit apersukkat arlallit modulit ingerlariaqqiffissat atorlugit ass. meeraaqqerinermi assistentinngorsimapput imal. qinnguartaanermi assistentinngorsimallutik. Sundhedsassistentit taaku immikkut piginnaasaat atorluarneqarpasippu taakkulu sulinermanni annertuumik iluarismaarinnippu. Peqqinnissaqarfiup aaqqissuuteqqinneqarneranut atatillugu nakorsat peqqissaasullu ilinniartitaanikkut ingerlariaqqiffigisimasinnaasaannik eqqaasaqartoqanngilaq. Paasissutissiisulli unammilligasaqarneranittaaq oqaluttuarput.

Sulisoqarniarkkut pissutsit pissutaallutik piginnaasat killinganiitnik suliaqartariaqarneq, sivikitsumik ilinniagalinnut amerlasuunut unammilligassaavoq annertooq. Peqqissaasut taartaagallartut napparsimasunut tunngatillugu nakorsaanermi suliassanik immikkut ittunik ukkassisariaqarajummata, sivikitsumik ilinniagallit suliassanik aqutsinermut allaffissornikkullu ingerlatsinermut tunngasunik, tamatigut piginnaasaqarfigisatut misigisanngisaminnittaqaq tigusigajupput. Sulisut taaku tamatumunnga ilinniaqqinnissamik, pikkorissarnissamik, ilinniartinneqarnissamik aqutsinikkullu ikorfartorneqarnissamik ujartuupput.

Immikkoortumi qitiusumik immikkoortunut eqiterussinermut tunngasumi tikkuarneqareersutut, qaffasinnerusunik ilinniagalinnik qitiusumik napparsimmavinnut eqiterussineq, peqqissaavinni taamaalillunilu aamma nunaqarfinni ilinniagaqassutsikkut siunersioqatigiittarnermik sanngiillsitsivoq. Qitiusumik immikkoortunut eqiterussinermut atatillugu pikkorissarnissamat neqeroorutit annikillisimanerat misinnartoq, arlallit oqaatigaataaq. Suliffinni taakkulu akimorlugit misilittakkanik paarlaasseqatigiittarnerup isumaliutersuutiginninnerullu amigaataanerat, paasissutissiisut nalinginnaasumik misigaat.

Paasissutissiisoq peqqissaavimmeersoq ima oqarpoq: *Inerisarneqannginnerput misigisinnaasarpara ineriartunngikkaannilu suliinnavillunilu sulinissamat kajumissuseq annikillisinnaavoq. Sulinermut tunngatillugu misigisat oqaluuserisanngikkaanni, misigissutsikkut ulikkaartoortoqarsinnaavoq, misigisallu inituallaalerpata, sulinissamat kajumissuseq annikillisinnaalluni*". Paasissutissiisup taassuma peqqinnisakkut sullissinerup misissuinernut nakorsaanernullu tunngaassuteqaannannginnera tikkuarppaa. Sulisut inuttut ajornartorsiuterpassuarnik ikiorneqarsinnaanissamillu naatsorsuutinik naapitsisarput – tamatumunngali piginnaaneqarluunngitsutut misigigajupput tamannalu ilungersunarlunilu kajumissuseerunnarsinnaavoq.

Paasissutissiisup allap nuna akimorlugu suleqatinik naapitsisinnaaneq "akissariatut" oqaatigaa.

Ulluinnarni ilungersorluni sulinermi ilinniagaqassutsikkut isumassarsitinneqarnissap/immersorneqarnissap sumiiffimilu allami ulluinnarni ulapaarfiusanngitsumi avatangiisiniilu allani suleqatinik ataatsimooreqarnissap pisariaqartinneqarnerattuttaaq paasineqarsinnaavoq.

Ilinniagaqassutsikkut ineriartornissaq paasissutissiisut tamarmik ujartorpaat. Annertunerusumik ilinniagaqassutsikut ineriartornissamik kissaateqarnermi, nappaait ass. diabetes aamma KOL nakorsaanerlu pillugit ilisimasat nutaat, atortunillu nutaanik atuinissap pikkorissaatigineqarnissaat; aammali peqqinnissaqarfiup immikkoortui akimorlugit misilittakkanik paarlaasseqatigiissinnaaneq ataatsimoorlunilu sulinermi unammilligassat pillugit isumaliutersuuteqarsinnaaneq pineqarput.

Nunaqarfinni sulisut ilinniarsimangnitsut ilinniarusukkaluit nunaqarfimmili pisussaaffiit qimannissaat ajornakusoortoq, paasissutissiisoq peqqissaavimmeersoq oqarpoq. Taassuma alisissumiit ilinniartitsisalersinnaaneq kaammattutigaa. Taanna nunaqarfinni peqqinnissakkut sullissisut tamarmik naapertuutumik ilinniagaqarnissaannik politikkikkut kissaateqarnermit

isigineqassaaq (nunaqarfinni peqqinnissakkut sullisisut ilinniartitaanerisa qaffasissusaa pillugu takuuk Ingemann allallu, 2020).

Tarnikkut nappaatinik paasinninnerup annertunerusup, sulisut napparsimasup ajornartorsiutaanut ilisimasaqarnerusutut periuseqarsinnaangortissammagut, tarnikkut nappaatilinnik sullisisut ilinniaqqinnissaat annertuumik pisariaqartinneqartoq, tarnimikkut nappaatilinnik najukkaminiittunik sullissivimmi sulisoq oqarpoq.

Kiisalu ilinniartitaanerup piginnaasatigullu inerisaanerup aqutsisunit tapersorsorneqarnissaa paasisutissiisunit ujartorneqarpoq. Aqutsisunit tapersorsorneqanngippat, sulisut namminneq iliuseriagaat naammattuaannangitsut imal. sulisoqarnikkut qanoq ingerlaneq, suliassat annertussusaat il.il. apeqqutaallutik, piginnaasatigut inerisaasoqassanersoq nalaatsornerussalluni. Piginnaasatigut inerisaanermi pingaarnersiuilluni tulleriaarineq pilersaarusrusiornerlu paasisutissiisunit ujartorneqarpoq.

Sulisut suliassaannut piukkunnarsaannarnagut piginnaasatigut inerisaanerup, sulisussarsiniarnermut aalaakkaasunillu sulisoqarnissamut atatillugu iliuusissatut siunniussani, inuttut ilinniagaqassutsikkullu inerisaaneq aqqutigalugu sulifinnik kajuminnartunik pilersitsinissamut anguniakkanut iliuusissatullu siunniussami aalaakkaasunik sulisoqarnissamut toqqammavissiinissap, aqutsisunit akisussaaffigineqarneranik erseqqissaanermut atassuserneqarsinnaavoq.

Kommunik suleqateqarneq

Peqqinnissaqarfimmik aaqqisusseqqinermi ukkanneqartut ilaat tassaavoq napparsimasut/nakorsagassat aqquaartugassaasa ataqtigisihaarneqarnissaat. Tamanna pisortaqrifit akimorlugit-ilaatigut utoqqarnik paaqqutarinninnermut tarnimikkullu nappaatilinnik najukkaminiittunik sullisinermut tunngatillugu, kommunik suleqateqarnissamik piumasaqataqarajuppoq. Immikkoortut taakku Peqqinnissaqarfimmiup aaqqisuuteeqqinnejcarneranik toqqaannartumik sunnerneqanngillat, suleqatigiinnerli Peqqinnissaqarfimmik aaqqisusseqqinneq pillugu nassuiaammi oqaatigineqartutut "*Pisarnertut Peqqinnissaqarfimmit pingaarnersiuilluni tulleriaarinermi pingaarnernut ilaatinneqassaaq*" (Peqqisutsumit Naalakkersuisoqarfik, 2010, quip. 13).

Sumik suliaqarneq apeqqutaalluni paasisutissiisut kommunik suleqateqarneq qanoq misigineraat assiginngilaq. Tassaanerusut nakorsat angerlarsimaffinnilu peqqissaasut kommunimik suleqarteqartut nammminerli paasisani naapertorlugu suleqatigiinneq unammillernartuusoq, Peqqissaavimmi peqqissaasoq oqarpoq. Peqqissaavimmi allami sundhedsassistentip, meeraaqquerisup juumuullu siusissukkut iliuuseqarnermik qulequtserlugu suliniummut peqataanerannut atatillugu taamaallaat kommuuni eqqaavaa. Tamatumunnga atatillugu kommunini sulianik ingerlatsisut isumaginninnerup iluani naapertuutumik ilinniagaqarsimagajunnginnerat, taamaammallu meeqqat pillugit suliani inuttut akuliutinnginnissamik ajornartorsiuteqartarnerat, suliqatigiinnermi aaqqiagiinnginnermik pilersitsisinhaasnera, peqqissaaviit pingajuanni paasisutissiisup tikkuarpaa. Kommunini sulisut saaffiginnissutit akissuteqarfigisanggimmatigik kommunimik qarasaasiakkut attaveqateqarneq ingerlalluanngitsoq, paasisutissiisoq taanna oqarpoq. Sulianik ingerlatsisut akornanni napparsimasoqartarnera sulianik ingerlatsinermut sivitsorsaataasaqisoq, taanna isumaqarportaaq. Kommunini sulisut napparsimasunut tunngatillugu isumaginninnikkut suliassanik suliaqarnissamut nukissatigut piginnaasatigullu amigaateqarnikkut peqqinnissaqarfimmut ingerlateeqqisarnerat, taamaalillunilu Peqqinnissaqarfik *nammineq* suliassami qiterisanik isumaginninnissamut piffissaaruttartoq, paasisutissiisoq qitiusumik napparsimmavimmeersoq oqarpoq. Allat utoqqarnik paaqqutarinninnerup peqqinnissaqarfullu akornanni akisussaaffimmik illikaanerit taamaaqataat tikkuarpaat.

Arlallit namminneq inuttut kommunimik suleqateqarnertik pitsasutut misigaat; tamatumunnga atatillugu suleqatiginnerup inuup qanoq ittuuneranut annertuumik attuumassuteqartoq arlallit tikkuarpaat. Napparsimasunut tunngatillugu angusat pitsasut piginnaanngorsaaqqinnerlu⁷ pillugit kommunit Peqqinnissaqarfillu akimorlugit suleqatigiinneq iluatsikaangat, sulisut sulihaminnik nuannarinntarnerat, ataatsip erseqqissarpaa. Tamatumunnga atatillugu kommunimi aamma pikkorissunik sulisoqarnera erseqqissarpaa.

Utoqqarnik paaqqutarinninnermut tunngatillugu immikkut unammilligassaqarnera, Peqqinnissaqarfimmi utoqqarnillu paaqqutarinninnermi sulisut misigaat.

Utoqqarnik paaqqutarinninnermi sulisut ilinniagakinngikkunik ilinniagaqanngitsuusarnerat, illugiinnit nalinginnaasumik naamagittaalliutaavoq.

Tamanna ilaatigut Peqqissaavimmi sulisut, utoqqaat utoqqaat illuinniittut nakorsaatisaannik immikkoortiterivinnut issoraasariaqartarnerannik kinguneqarpoq. Utoqqarnik paaqqutarinninnermi sulisut, peqqissaanermi suliassat annertunersaat namminneq isumagisariaqarpaat, sumiiffiit ilaanni Peqqinnissaqarfimmi sulisunit ilinniartinneqartarp, ilaannilu Peqqinnissaqarfimmi sulisumit ikiorneqartarlutik. Angerlarsimaffinni peqqissaasut amigaataanerat arlalinnit tikkuarneqarpoq (peqqissaavimmi ataatsimi atorfik peerneqarsimavoq). Utoqqarnik paaqqutarinninnermi peqqissaanermik ilinniagallit sulipilutsitaasut, tamanna ilaatigut qaangiuttoornerpassuarnik kinguneqartoq, utoqqaat illuanni pisortaq peqqissaasutut ilinniarsimasoq oqarpoq. Utoqqarnik paaqqutarinninnerup peqqinnissamut tunngatillugu ilinniagaqassutsikkut - ilaatigut timimik sungiusaasunik/pillorissaasunik ikiornserneqarnissamik⁸ amigaateqarnera, allattaaq oqaatigaat. Unammilligassat iliuuseqarfigisinnaanisaannut, ilinniaqqinnej piginnaasanillu inerisaaneq, utoqqarnik paaqqutarinninnermi nalinginnaasumik ujartorneqarpoq.

Pisortarqarfinni taakkunani marlunni Peqqinnissaqarfimmi utoqqarnillu paaqqutarinninnermi kulturit /ileqqut assigiinngimmata paatsooqatigiittoqartartoq, utoqqarnik paaqqutarinninnermi sulisut arlallit oqarput. Peqqinnissaqarfimmi utoqqarnik isiginnittariaaseqarneq utoqqarnik paaqqutarinninnermi paassisutissiisut arlallit misigisaat; ataatsip tamanna ima issuarpa: "Utoqqaat toqutsiiginnagassaapput". Tamanna suna pillugu utoqqaat peqqissusaannik pimoorussinissap napparsimmavimmullu/peqqissaavimmullu unitsinsinissap Peqqinnissaqarfimmi sulisunit ajornasaarutaasarneratut, utoqqarnik paaqqutarinninnermi sulisut misigisarnerannut tamakkiinngikaluuamik nassuaataasinnaavoq.

Misissuinermi immikkularissumik inissisimasoqarpoq. Kommunimi tassani ukiut kingullit marluk -pingasullu akornanni- ilaatigut aqtsisumik sulisunillu piginnaasatigut inersiaaneq aqqutigalugu, utoqqarnik paaqqutarinninnermi sulissussarsiinarneq aalaakkaasunillu sulisoqarneq qitiutillgit suliniummik ingerlatsoqarpoq. Najukkami tassani pisortaqarfinni taakkunani marlunni suleqatigiinneq pitsasumik ingerlavooq. Tassani napparsimmavimmi utoqqaat illuanni najugallit salliuunneqartarnerat unitsineqarnissaasalu ajornasaarutaasannginnea misigineqarpoq. Mailikkut oqarasuaatikkullu pitsasumik suleqatigiittoqarportaaq.

Immikkoortumi tamatumani utoqqarnik paaqqutarinninnermi sulisussaleqisoqanngitsoq aalaakkasunillu sulisoqartoq, paassisutissiisoq oqaluttuaroq. Suliunnaartoqaraangat patsisaasartut tassaapput illoqarfimmut allamut nuunneq imal. soraarninngorneq. Utoqqarnik paaqqutarinninnermi namminermi suleqatigiinneq pitsasuuuvortaaq. Peqqissaanermik suliaqartunit 20-ijsunit marluunnaat sundhedsassistentitut ilinniarsimasuupput, taakkunangna ataaseq aqtsisuulluni sinnerilu ilinniarsimasuunatik; tamannali ajornartorsiitut oqaatigineqanngilaq. Suliniutip pineqartup nassatarisaanik sulisut ilinniartinneqartarnissaat pikkorissarneqartarnissaallu ilimagisariaqarpoq. Suliniummut atatillugu aqutsisoq aqutsisutut inerisaanermut atatillugu pikkorissartarsimavoq, sulisullu tamatuma utoqqarnik paaqqutarinninnermi ulluinnarni sulinermut pitsasumik sunniuteqarsimanera oqaatigaat.

⁷ Piginnaanngorsaaqqinnermi uninnganermut malitseqartitsinermut, timikkut piginnaanngorsarnerinnaanngitsoq iliuuserisalli tamakkiisut pineqarnerat erseqqissarneqassaaq.

⁸ Peqqinnissamut tunngatillugu, najugaqarfinni najugalinnut ikiortissanik ilinniagalinnik amigaateqarnerup napparsimmavimmut unitsineqattaarnermik kinguneqartarnerata tarnikkut nappaatillit inuttut atugarisaasigut sullissivimmit tikkuarneqarnera, tamatumunnga atatillugu oqaatigineqassaaq.

Peqqinnissaqarfíup kommuninik suleqateqarnerata sallunneqarnissaa pillugu aaqqisusseqqinermi anguniakkamut tunngatillugu, arlalinnik ajornartorsiuteqartutut isikkoqarpoq: Peqqinnissaqarfímmi isuma naapertorlugu komunit suliassatut akisussaaffimminkí nammineq aaqqiivigisinnanngisaminnik Peqqinnissaqarfímmut ingerlatitseqqiisarmata; pisortaqarfínnilu taakkunani assigiinngitsunik kultureqarmat, ilinniartitaanikkut nukissat pisortaqarfínni taakkunani marlunni assigiinngitsorujussuupput. Suleqatigiínnermi iluatsitsilluarnissamut inuttut attaveqarneq apeqquaasinaasárpoq. Komunimi utoqqarnik paaqqutarinnínnermi suliniummi angusat pitsaasut, pisortaqarfíft akimorlugit suleqatigiínneq siuarsarniarlugu iliuusissatut pilersaarummik siunniussisoqartariaqarpasíppoq (imm. isummersorfímmi tamanna annertunerusumik sammineqassaq).

Pitsaliuineq peqqinnissamillu siuarsaneq

Citiusumik immikkoortumi peqqinnissamut tunngatillugu nappaatinik suussusersiniaasarneq, pinasuartarialinnut upalungaarsimaneq, nakorsaaneq, peqqissaaneq pitsaliuinerlu, kiisalu illoqarfínni nunaqarfínnilu sulisunut ilinniagaqassutsíkkut tapersersuineq ikorfartuinerlu/supervision pillugit neqeroorutit, qitiusumik napparsímmaviup suliassatut pingaarnertut akisussaaffigígi, Peqqinnissaqarfíup aaqqisuuteqqinnejarnissaa pillugu nassuaammi nassuiarneqarpoq. Aaqqisuusseqqinnerup kingorna nakorsaanermut, peqqissaanermut, pitsaliuinermut peqqinnissamillu siuarsaanermut atatillugu suliassat arlallit peqqissaavíup isumagisassarai, taamatuttaaq piginnaasat apeqquaatillugit nunaqarfímmi sulisut taamaaqataannik suliaqartussaallutik (Peqqissutsimut Naalakkersuisoqarfík, 2010). Peqqinnissaqarfíup aaqqisuuteqqinnejarneranut siunertami "*Peqqinnissaqarfímmi suliassat qiterisaasa, tassalu najukkami nappaammik suussusersiniaalluni misissuinerit, nakorsaaneq peqqissaanerlu kiisalu annertusiartortumik pitsaliuinermut peqqinnissamillu siuarsaanermut atatillugu neqeroorutit*" ukkanneqarnissaat oqaatigineqarpoq (siuliani eqqartorneqartumi, qup. 6, allaaserinnittup ataatigut titarlugit erseqqissagai). Tamatuma saniatigut aaqqisuusseqqinnermi innuttaasut peqqisuutinnissaat, nappatsaliinissaq napparsímmavímmullu unittariaqlernissamik pitsaliuinissaq, pingaarnertut siunertaapput.

Peqqissaavinni nakorsasinnaasut ikilinerisigut, peqqissaavíit (nunaqarfíllu sulisussaqarpata) pitsaliuinermkí peqqinnissamillu siuarsaanermik, aaqqisuusseqqinnerup ilimasaarutaanik, ukkassinerup annertusineranut tunngatillugu, pingautilimmik inisisimaffeqartutut naatsorsuutigisariaqarput (*napparsímmaviit peqqissaavímmik* taaguuteqalernerat naapertorlugu).

Pitsaliuinerup peqqinnissamillu siuarsanerup qanoq paasineqarnerat assigiinngilaq. Paassisutissiisut amerlanersaannit iliuuserisanut pioreersunut- soorlu inuunerissaavímmut meeraaqquerisullu juumuullu suliniutaannut toqqaannartumik attuumassuteqartinnejarnerput. Apersuinerit amerlasuut naapertorlugin inooriaatsimut nappaatinullu anigugassaanngitsunut tunngatillugu iliuuseqartoqarpoq, taakku aaqqisuussaapput ukiullu arfineq pingasut qulillu akornanni pitsangorsaavigineqarlutik. Anigugassaanngitsunik nappaatilinnut tunngatillugu, nakorsattaaq taarseraannerujussuini, ataqtigíissaarisutut ataavartumik iliuuseqartoqarnissaanik, najukkami peqqissaasut atorfeqavíssut qulakkeerinnittuunerannik, arlallit assersuusiorputtaaq. Paassisutissiisut arlallit aaqqisuussamik illoqarfínni nunaqarfínnilu naartusunut angajoqqaanngorlaanullu tunngatillugu suliniuteqartoqarneranik oqaluttuarputtaaq.

Paassisutissiisut arlallit illoqarfínni nunaqarfínnilu suliniuteqarnertik peqqinnissarlu pillugu paasisitinsianernik aaqqisuussisarnertik oqaluttuaraat. Ataaseq Peqqinnissaqarfímmiit utoqqarnik paaqqutarinnínnermi illuunniit ikiorserneqarnissamik pisariaqtitsisoqarnera paasiniarlugu nunaqarfímmi utoqqarnik oqaloqateqartarpoq. Ataatsip oqalugiarnermut taarsiullugu nunaqarfímmi najugaqartunut arpatitsinertut (orienteringsløb) peqqinnissaq pillugu paasisitinsiaasimánini oqaluttuaraa. Paassisutissiisóq taanna peqqissaavímmi nunaqarfínnut akisussaasuusoq, isumaginnínnermik suliallit politiíllu suleqatigalugit kinguaassiuutítigut atornerluineq kinguaassiuutítigullu peqqissuuneq pillugit innuttaasunik paassisutissiisáqa siunertaralugu, nunaqarfínnut angalanissanik aaqqisuussisarportaaq. Iliuuserisatulli nassuiarneqartut amerlanertigut sulisut namminneq suliniuteqarnerisigut pisarput, peqqinnissamillu siuarsanerup pitsaliuinerullu peqqissaanermit nakorsanermiíllu tunulliunneqartariaqartarnerat, arlallit uparuarpaat.

Tamanna nunatsimi taartaagallartartorpassuaqarneranik, peqqissaanermut nakorsaanermullu tunngasunik sulialinnit amerlanertigulli peqqinnissamik siuarsaanissamut pitsaliuinissamullu piginnaaneqanngitsunit annertunerulersinnejartopoq. Peqqissaavinni paasissutissiisut arlallit sulisussaaaleqinerup imal. atorfitt taartaagallartartunik inuttaqarnerisa, iliuuseqarnissaq soorlu inuunerissaavimmik ingerlatsineq imal. sulinuteqarneq peqqinnissarlu pillugu paasissutissiisarnerit ingerlatiinnarnissaat ajornakusuulersinnerarpaat. Peqqissaavinni sulisussaaaleqinermit aamma/imal. taartaagallartartorpassuaqarnermit annertuumik eqquaasuni, paasissutissiisut isumaat naapertorlugu, pitsaliuinermut peqqinnissamillu siuarsaanermut tunngasunik ingerlatsisoqanngilaq. Tamanna pillugu aperineqarnermi peqqissaasoq ima akivoq: "Tamakkunanng suliaqarnerput annikeqaaq – tamakkoonngitsoq oqartoqarsinnaavoq". Sulinuteqarnikkut peqqinnissarlu pillugu paasitsiniaanikkut, peqqinnissamik siuarsaneq pitsaliuinerlu matumani pineqarput. Tamatumia pisariaqartinneqarnera paasissutissiisunit arlalinnit erseqqissarneqarpoq-ass. peqqinnissaq inooriaaserlu kiisalu imminut touttoqartarneranik kinguassiuutitigullu atornerluinernik pitsaliuineq pillugu ilisimasaqarnissaq innuttaasunit pisariaqartinneqarpoq. Peqqinnissaqarfittaaq neqeroorutaanut atuuffianullu tunngatillugu ilisimasaqarnerunerup, sumiiffinni pinasuartarialinnut upalungaarsimasoqanngitsuni innuttaasuni toqqisinermik pilersitsisinhaanissaa, arlalinnit tikkuarneqarpoq.

Peqqinnissaqarfimmik aaqqisusseqqinnerup tunngatillugu qitiusumik immikkoortunut eqiterussineq nammineq sumiiffiit ilaanni ajornerulersitsisimavoq imal. peqqissaavinni nunaqarfinnilu pitsaliuinerlik peqqinnissamillu siuarsaanermik ukkassinermik annertusaasimarpasinngivippoq. Paasissutissiisup peqqissaavimmeersup oqarneratut: "maanna napparsimmavijunnaarluta peqqissaavinngoratta, peqqinnissamik siuarsanerutaaq annertuumik ingerlatilernissaa qilanaarisimagaluarpala – tamannali piviusunngorsimasutut oqaatigineqarsinnaanngilaq". Aaqqisusseqqinnerup peqqinnissamik siuarsanerup pitsaliuinerullu nukitorsarneqarnissaannik siunertaata, taavalu meeraaqquerisunik juumuunillu peqqissaavinniit qitiusumik napparsimmavimmut nuussineq, akerleriittutut isikkoqarput. Sulisunik nuussineq qitiusumik immikkoortunut eqiterussinermik ikorfartuivoq, taamaaqataanilli immikkoortortani pitsaliuinerlik peqqinnisamillu siuarsaanermik suliaqarnissaq ikorfartorneqarani. Taakkunani tamakkunanng suliaqarnissaq najukami sulisut, peqqissaanermilli nakorsaanermillu suliassanit ilungersortitaagajuttut, namminneq iliuuseqarfigisussaassavaat. Peqqinnissamik siuarsaanissamik pitsaliuinissamillu ukkassinissamik kimigiisernissamut aqutsinikkut ikorfartorneqarnissaq ujartorneqarpoq.

Angusanik eqikkaaneq

Innuttaasunik toqqaannartumik sullisisunit aporsorneqartunit isigalugu, qitiusumik immikkoortunut eqiterussinissami sulisussarsiniarnermut, aqutsinermut ilinniagaqassutsimullu tunngatillugu, siunertaq suli anguneqanngilaq. Qitiusumik napparsimmavinni tamani ilinniagaqassutsikkut avatangiisit nukittuat atorfeqvissunik kajungilersitsisussat pilersinneqanngillat, akerlianik qitiusumik napparsimmavinni arlalinni taartaagallartartut amerliartortutut misigineqarput. Peqqissaavinni ilinniagaqassutsikkut avatangiisit sanngiillinerat, taamatuttaaq taartaagallartartut amerliartornerat misigineqarpoq. Innuttaasunik toqqaannartumik sullisisunit isigalugu aqutsineq nukittunerulinngilaq sumiiffinnili arlalinni sanngiillisimasutut misigineqarluni. Sumiiffinni amerlasuuni nunaqarfinnik nakorsaqarnikkut sullissineq pitsaanerulersimasutut isikkoqarpoq.

Qarasaasiakkut nakorsiartitsisarnerup qanoq atorneqartiginera nikerarpoq. Qarasaasiakkulli nakorsiartitsisarnerni ingerlalluartuni, nunaqarfinni peqqinnissakkut sullissinerup nukittunerulerterna, innuttaasullu misissuinermut, nakorsaanernut utaqqisarnernullu tunngatillugu, illoqarfinni neqeroorutaasunut assingunerusumik kiffartunneqarnerat, tamatumalut peqatigisaanik neqeroorutut arlallit innuttaasumut qanittumiinnerat, innuttaasunik toqqaannartumik sullisisut misigaat. Atortunut pisoqalisimasunut nunaqarfinnilu sulisut atortumik atuinissamut ilinniartinneqannginnerannut tunngatillugu unammilligassaqarpoq.

Immikkoortunik annerusunik ilinniagaqassutsikkut soqutiginaatilinnik suleqatigiittullu tapersersoqatigiinnikkut toqqisinartunik pilersitsinikkut sulisussanik pissarsiniarsinnaaneq, Peqqinnissaqarfimmik aaqqisusseqqinnermi isumassarsiat

ilagaat. Iliusissatut siunniussami tamatumani Peqqinnissaqarfíup immikkoortuini minnerusunissaaq nunaqavissunik peqqissaanermi sulisoqarnissap pingaruteqassusaa arajutsineqarsimasutut oqaatigineqarsinnaavoq; ilaatigut ilinniagaqassutsikkut inerartorneq, akuersaartunik peqataatitsisunillu aqtsisoqarneq suliassatigullu ilungersortitaannginneruneq, nunaqavissunik sulisussarsiniarnissaq aalaakkaasunillu sulisoqarnissaq, peqqissaanermik sulialinnit pisariaqartitatut tikkuarneqarpoq.

Sulisut sulianik ingerlatsinissamut piginnaasatigut inerisaavigineqarnisaat, Peqqinnissaqarfímmik aaqqisuusseqqinnermi pingartinneqarpoq. Piginnaasanik inerisaanerup napparsimasunut/innuttaasunut tunngatillugu angusaqarfiusarnera sulisunilu sulinermik iluarismaarinnersitsisarlunilu kajumilersitsisarnera; piginnaasanillu inerisaannginnerup ataatsimoorlunilu ilinniagaqassutsikkut isumaliutersortannginnerup, sulianik ingerlatsinissamut ajornartorsiutinik pilersitsisarnera sulisullu akornanni pakatsisitsisarnera, misissuinerup takutippaa. Piginnaasatigut inerisaanermik Peqqinnissaqarfíup aalaakkaasunik sulisoqarnissamut tunngatillugu iliuusissatut siunniussaanut naapertuuttimik aqtsineq ujartorneqarpoq.

Peqqinnissaqarfíup kommunillu suleqatigiinneranni piginnaasatigut sulinermilu ileqqutigut inunnillu isiginnittariaatsikkut assigiingngissutsit unammilligassaapput. Pisortaqarfíit akimorlugit suleqatigiinneq unammilligassaajuarpoq, immikkullu Peqqinnissaqarfíup aaqqisuuteqqinnejnarneranut attuumassuteqanngikkaluqaq, Peqqinnissaqarfímmi peqqinnissamik siuarsanermi pitsaliunermilu piumasaqaatitut oqaatigineqarluni. Suleqatigiinnerup naammaginartumik ingerlanissaanut, aqtsinikkut aaqqisuussaanermi inisisimaffímmi qaffasinnerusumi iliuusissanik isummernissaq piumasaqaataavoq, ajornartorsiutinik aaqqinissaq tamanna innuttaasunik toqqaannartumik sullisisunuunnaq suliakkiunneqarsinnaanngilaq.

Peqqinnissamik siuarsaneq pitsaliuinerlu, ukiuni arlertuni ilinniagalinnit aalajangersimasunit peqataaffigineqartumut, ilaqtariinnut meerartalinnut, inooriaatsimut il.il. tunngatillugu iliuuseqarnerit aqqutigalugit, Peqqinnissaqarfíup aaqqisuussaaneranut ilaasimapput. Peqqinnissaqarfímmi aaqqisuusseqqinnejnaapertorlugu, aaqqisuusseqqinnermi siunertamik pingartumik equuutsitsinissaq, tassalu napparsimmavinni peqqinnissakkut sullisinermik oqilisaassinissaq siunertalarugu, peqqinnissamik siuarsanermik pitsaliuinermillu ukkassinissaq sallinngussaaq. Qitiusunut eqiterussinermi siunertaq taanna akerlilorsorneqarpasippoq. Innuttaasunik toqqaannartumik sullisisut akornanni immikkut iliuuserisat suliniuteqarnermut peqqinnissarlu pillugu paasitsiniaanissanut periarfissanik tikkuussippu, taakkuli aqtsinikkut ikorfartorneqassallutik.

Inerisaanissamut periarfissat pillugit isummersorneq

Nunatsinni Peqqinnissaqarfík asseqanngilaq. Innuttaasut 56.000-it, 2 mio. km²-it sinnerlugit isorartussusilimmi illoqarfíni nunaqarfínnilu 75-it missaanniiytunni siammarsimapput– taamaakkaluqaq Peqqinnissaqarfík (naak ilaanneeriarluni nunaqarfíit ilaanni atorfíit inuttasaqartangikkaluit) inoqarfínni tamaniippoq. Sumiiffínni tamani innuttaasut ulloq unnuarlu Peqqinnissaqarfímmut attaveqarnissamut periarfissaqarput.

Peqqinnissaqarfímmiipputtaaq pitsaliuinerup saniatigut, nappaatinik suussusersiniaaneq, nakorsaneq peqqissaanerlu taamatuttaaq nakorsiartsineq, angerlarsimaffímmi peqqissaasoqarneq, kigutigissaaneq nakorsanerlu. Peqqinnissaqarfímmi kiffartuussinerit tamarmik- nakorsaatit kigutileritinnerillu ilanggullugit- akeqanngillat.

Peqqinnissaqarfík suliffeqarfíttut anginngilaq (1600-it missaannik sulisoqarpoq), qullersaniillu illoqarfínni nunaqarfínnilu sulisunut aqqut takinngilaq. Teknologimik atuineq siuarsimaqaaq; qarasaasiakkut nakorsiartsisarneq 00-ikkunnili atorneqalerpoq sulilu inerisarneqarluni 2015-imiillu nuna tamakkerlugu napparsimasut pillugit qarasaasiakkut nalunaarsuiffik atuutilerluni.

Peqqinnissaqarfímmut unammilligassat ilisimailluarneqarput: Ilinniarsimasunik najugaqarvissunik amigaateqarneq nappaataasartullu- utoqqaat amerliartornerannut kiisalu nappaatinut anigugassaanngitsunut- ilaatigut inooriaatsip nassatarisaanik- inerartornerat. 00'iniilli inooriaatsimut tunngatillugu iliuuserisat- napparsimmavinni peqqissaavinnilu

Inuunerissaaviit aqqutigalugit; kingullermik 2020-imi Inuunerissaavik Steno Kalaallit Nunaat, nappaatinut inooriaatsimik patsiseqartunut iliuuserisanik annertusaanissamik, kiisalu pitsaliuinermik peqqissuunissamillu ukkassinerunissamik pilersaarutitallip pilersinnejcarneragut- annertusiartortinneqarpoq.

Peqqinnissaqarfiup 2010-mi annertuumik aaqqisuuteqqinneqarnera, Kalaallit Nunaanni Innuttaasut peqqissusaannik Ilisimatusarfiup (Center for Folkesundhed i Grønland) 2017-imi naliliinera naapertorlugu, Peqqinnissaqarfiup qitiusumik immikkoortuini immikkoortortat maanna nukissanik, atortunik atuinermut nakorsartinnissamillu neqeroorutinut tunngatillugu, paasilertoruminarnerulersimanerannik, assigiaalernerannik nutarterneqarnerannillu kinguneqarpoq. Naliliinermi, sulisussarsiniarnermut aalaakkaasunillu sulisoqarnermut, Peqqinnissaqarfiup immikkoortui akimorlugit aqutsinermut napparsimasullu aqquaartugassaannik ataqtigisaarinermut, kommunik pitsaanerusumik suleqateqarnermut kiisalu sulisunik piginnaasatigut inerisaanermut tunngatillugu pitsannguinissamut periarfissat tikkuarneqarput (Ingemann & Larsen, 2018). Pitsannguinissamut periarfissat taakku misissuinermi matumani paassisutissiisut tikkuaannut naapertuullaqaat. Sulisuit isiginninnermik paasisimannineq, tamakkunuunatigut iliuuserisat qanoq inerisarnejcarnissaanerannut tigussaasumik tikkussivortaaq. Tamanna tulliuttumi isummersorfigineqassaaq.

Aalaakkaasunik sulisoqarniarneq

Taartaagallartartorpassuit nunaqavissunut suliassaqarnerulersinerat pissutaalluni nunaqavissunik aalaakkaasunik sulisoqarniarneq unammilligassaarpasippoq. Suliassat annertusinerannik patsiseqartumik; taartaagallartussanut paassisutissiinerit, aqutsinermi suliassat malitseqartitsinerlu suliassallu allat napparsimasunut tunngasut taartaagallartunit isumagineqarsinnaanngitsut, qaangiuttoornerillu kiisalu pitsaliuinermut, peqqinnissamik siuarsaanermut piginnaanngorsaaqqinnermullu piffissakillineq piffissaarunneruluunniit, pissutsit ajorsiartuinnarnerannik kinguneqassaaq. Taamaalillutik sulisut nukissatigut piaaffigineqartarput; sulisunik attanneqarsinnaasumik atuisinnaanissaq, nukiisa kinguneqarluartussamik atornerisigut taamaalillunilu sulinermik nuannarininnerup siuarsarnejcarnissaa pisariaqartinneqarpoq. Tulliuttumi aalaakkaasunik sulisoqarnissamut pingaarutilit misissorneqassapput.

Suliaq isumalik

Pitsaliuinierup, peqqinnissamik siuarsaanerup piginnaanngorsaaqqinnerullu innuttaasuni annertuumik pisariaqartinneqarnerat, sulisut ulluinnarni sulinermi misigisarpaat; sulisut suliamik isumaqassusaa attassinnaassappassuk pingaarnersiuinermi tamanna salliunneqassaaq.

Pitsaliuinieq peqqinnissamillu siuarsaaneq ilaatigut juumuunit meeraaqkerisuniillu isumagineqarpoq; Sulisut taakku sumiifinni amerlanerpaani peqqissaavinniit qitiusumik napparsimmavinnut nuunneqarnerisigut, ilaqtariinnut meeratalinnut tunngatillugu pitsaliuinieq peqqinnissamillu siuarsaaneq qitiusumik napparsimmavimmiit salliunneqanngimmat, peqqissaaviiit nunaqarfiillu ilaanni ajornerulerpoq. Tamanna sulisunit, iliuuserisanut toqqaannartumik attuumassuteqanngikkaluanit, malugineqarsinnaavortaaq. Misissuineq, qitiusumik napparsimmavinni immikkut ilisimasallit, peqqissaavinni nunaqarfinnilu sulisut, ajornangippallu innuttasunik toqqaannartumik- qarasaasiakkut nakorsiartitsissut atorlugu- attaveqarnermik pingaarnersiuinikkut, periarfissaqarneranik tikkussivoq. Skype-ikkut timimik sungiusaanermi immikkullu ilisimasallit nakorsiallu akornanni oqaloqatigiinneri misilitakkat pitsaasut, pitsaliuinermi peqqinnissamillu siuarsaanermi (sumiifinni atuuffioriinngitsuni) atorneqarsinnaassapput.

Pitsaliuinermut peqqinnissamillu siuarsaanermut tunngatillugu suliniut alla tassaavoq inuunerissaavinnik pilersitsineq. Inooriaaseq pillugu siunnersuisarnerup Peqqinnissaqarfiup immikkoortuini assigiinngitsuni qanoq ingerlanneqarnera, misissuinermi ersarinngilaq, paasisarli tassaavoq qitiusumik napparsimmavinni inuunerissaavinni immikkoorluni tamanna ingerlanneqartoq, immikkoortunili minnerusuni nalinginnaasumik nakorsiartitsisarnerni ilaassalluni. Sumiifinni immikkut inuunerissaavilinni suliniut annertuumik pingaartinneqarpasippoq tunngavilersorluagaallunilu. Sumiifinni minnerusuni suliniut assigiinngiaarpasippit qanorlu suliassaqartiginera pingaarnersiuinerillu apeqqutaarpasillutik. Sulisut inooriaatsimut attuumassutilinnik suliaqarnermi toqqaannartumik akuunngikkaluarlutik, iliuuseqartoqannginnerata innuttaasunut kinguneri kajumissuseerutsitsisutut misigisaraat, misissuinerup takutippaa. Taamalilluni sumiifinni minnerusuni inooriaatsimut tunngatillugu sulianik aqutsinermik pingaarnersiuinermillu pisariaqartitsineq, misissuinerup takutippaa.

Peqqinnissamik siuarsaaneq pitsaliuinierlu pillugit misissuinermi tikkuarneqartuni immikkoortut pingajuat tassaavoq nalinginnaasumik suliniuteqarneq qaammarsaanerlu. Sumiifinni taamatut pitsaliuinermik peqqinnissamillu siuarsaanermik suliaqarfiusuni, innuttaasunut isumaqarpasillunilu pisariaqarpasimmat, annertuumik iluarisimaarnartutut misigineqarpoq.

Sumiiffinni allani taama iliuuseqartoqanngilaq. Taamaammat suliniuteqarluni qaammarsaallunilu peqqinnissakkut sullissinerup, ullumikkutut sulisut namminneq suliniutaat apeqquataitinnagu, pingaarnertut iliuusissanik siunniussinermi ilaasinnaanera, misissuinerup paasinarsisippaa. Sulisunullumi ataasiakkaanut suliffimmik ilungersorfioeresumti taamaammallu suliassanut pinasuartariaanerusunut ukkassinissamik piumasaqaatalimmi, pingaarnersiuilluni tulleriaarinissaq ajornakusoorsinnaarpasippoq.

Piginnaanngorsaaqqinnerut tunngatillugu napparsimmavimmi uninnanganerup nalaani iliuuserisat, angerlartitaareernerup kingorna malitseqartinneqarajussimangillat. Tamanna sulisunit pakatsinartutut misinnarsinnaavoq. Piginnaanngorsaaqqinneq qitiusumik aqutsisoqarfimmik aningaasartutissanut tunngatillugu tulleriaarinermi suli sallunneqanngilaq. 2017-imili iliuusissatut siunniussassanik siunnersuusiortoqarpoq (Peqqissutsumit Naalakkersuisoqarfik, 2017). Iliuusissatut siunniussat, ass. kommuninik suleqateqarnerup pitsaanerulereragut, napparsimasunik qanigisaasunillu peqataatitsinikkut, iliuusissanik amerlasuunik aningaasartutitaqanngitsumik aallartinneqarsinnaasunik imaqarput. (peqataatitsinermut tunngatillugu takukkit Mougaard- Frederiksen & Seibæk, 2021; Seibæk, 2021). Misissuineq taamaallilluni, innuttaasunut iluaqtaasumik, piginnaanngorsaaqqinnerup saniatigut, peqqinnissamik suliaqarnerup isumaqarneranik misigilersitseqataasinnaanissaanik tikkussivoq.

Innultaasut pisariaqartitaannut tunngatillugu iliuuserisat naapertuunnerat sulisullu suliat isumaqarnerannik misignerat imminnut ataqatigiilluinnartut, nalinginnaasumik oqaatigineqarsinnaavoq. Taamaammat pitsaliuineq, peqqinnissamik siuarsaneq piginnaanngorsaaqqinnerlu, pingaarnersiuilluni tulleriaarinermi pingaarnernut ilanngunneqarnerat, aalaakkaasunik sulisoqarsinnaalersitseqattaasinnaassaaq.

Aalaakkaasunik sulisoqarniarnermi piginnaasanik inerisaanerup pingaaruteqassusaq

Piginnaasanik inerisaaneq nunaqavissut aalaakkaasumik sulisorilernissaannut piumasaqaataavoq pingautilik. Immikkoortortani minnerusuni immikkut piginnaasallit imaaliallaannaq pissarsissaanngimmata ilinniartinneqarnissamut, pikkorissarnissamut ilinniagaqassutsikkullu siunersioqateqarnissamut pisariaqartitsineq annertuneruovoq. Suliassat suliarinissaannut ilinniagaqassutsikkut piginnaangorsarsimannngikkaanni, sulinermi inuttut misigissutsikkullu unammilligassat suleqatit peqatigalugit oqallisiginissaannut periarfissaqanngikkaanni, sulinissamut kajumissuseq annaaneqarsinnaavoq. Akerlianik piginnaasanik inerisaanerup suliassanut piginnaasaqalersinnaanermut periarfissamik annertusitisitsarnera sulinermillu nuannersitsisarnera, misissuinerup takutippaa.

Napparsimmavimmi /peqqissaavimmi qarasaasiakkut nakorsiartitsinernut akisussaasup nunaqarfinnilu sulisut akornanni ilinniagaqassutsikkut inuttullu paarlaasseqatiginneq, nunaqarfinni sulisunut kisimiillutik sulisunut annertuumik pingaaruteqartoq, misissuinerup takutippaattaaq. Taamaammat piginnaasatigut inerisaanermik pingaarnersiuinikkut inerisaanissamut annertuumik periarfissaqarpoq. Pikkorissaanerit sulisut nakorsaanernut atortorissaarutinillu atuisinnaanermut annertunerumik paasisimasaqalersinnaannik siunnerfeqarsinnaapput. Sulisut kajumissusaannut pingautilittut isumaqarfiginartumik, piginnaasat najukkami pisariaqartitsineq tunngavigalugu ineriartussapput. Qitiusumik immikkoortumi sulisut, ilinniartitsisoqarluni aammalu misilittakkanik paarlaasseqatigijittoqarluni, periarfissat unammilligassallu ataatsimoorussat assigiinngitsullu, iliusissat innultaasut pisariaqartitaat oqallisgalugit ataatsimoorlutik pikkorisartarnissaasa pingaaruteqassusaanik, misissuineq tikkussivoq. Piginnaasatigut inerisaanissamut taama periuseqarneq nunap immikkoortuini inuisattuni sulisussarsiniarneq aalaakkaasunillu sulisoqarneq pillugit issittumi ilisimatusarnermit ikorfartorneqarpoq. Periarfissat ilisimatusarnermi tikkuarneqartut ilaatigut tassaapput: Sumiiffimmi pineqartumi innultaasunik sullissisinnanissamut tunngatillugu ilinniakkat naapertuunnissaat – kiffartuussineq piginnaasaqarluarnissamik piumasaqaatalilik – sumiiffinni minnermi sulisut- suleqatinik inuttut attaveqarnikkut ilinniaqateqarnikkullu-kisimiigunnaarnissaat, taamaallillunilu najukkameersunik atorfeqavissussanik sulisussarsinissap ajornanginnerulernissaa (Abelsen allallu, 2009).

Najukkami sulisussanik pissarsisinnassaaganneq najukkamiittut ilinniarsinnaanissaannut tapersersuinissap pisariaqarneranik, ilisimatusarneq tikkussivortaaq (siuliani eqqartorneqartoq). Misissuineq una naapertorlugu nunaqarfimmik sulisunut- ilaqtutat pisussaaffiillu allat qimallugit- Nuummut ilinniariarnissaq unammillernartuuvoq. Tassani nunaqarfimmik peqqinnissakkut sullissisutut, qanittukkut nunaqarfimmik sulisut ilinniagaasa qaffassisusaannik aaqqissuussamik misissuinermit ikorfartorneqartumittaqaq, alisissuumiit ilinniartitaanermik pilersitsinissaq periarfissaavoq, (Ingemann allallu, 2020).

Qitiusumik napparsimmavinni peqqissaavinnik sullissisussani immikkut ilisimasalinnik pissarsisinnanissaq aalaakkaasunillu sulisoqarnissaq, Peqqinnissaqarfimmik aaqqisiusseqqinnermi qitiutinneqarpoq. Tamanna Peqqinnissaqarfimmik anginngitsumi siammasisumilu naapertuulluinnarsinnaavoq isumatusarnerusinnaallunilu. Immikkullu

ilisimasalinnik qitiutitsinerup sivikinnerusumik ilinniagaqartut suliaat pingarnerunngitsutut isikkoqlersissinaavaat. Misissuinermi paasissutissiup qitiusumik napparsimmavimmi nakorsap, nakorsiartitsivimmi peqqissaasut nunaqvassut kalaallisut oqaasillit, anigugassaangitsunik nappaatilinnik (amerliartupiloortunik) nakorsaanermi ataqtigiissaarisuunissamut piukkunnarnerpaajugaluartut tikkupaa. Peqqissaasut napparsimasunut taakkujuarpata, peqqissaasut nakorsanit avataaneersunit taarseraattunit taartaagallartartuniillu siunnersortitussaanaerat pingaaruteqanningerusoq, paasissutissiisoq oqarpoq. Taama aaqqisuussinerup iluatilluarnera, Peqqinnissaqarfimmi siunissami immikkut ilisimasalinnik avataaneersunik pisariaqartitsiviujuartussami sulisunik nunaqvassunik naatsorsuuteqarnissaq imminut akilersinnaarpasippoq. Peqqissaasulli nunaqvassut sumiiffinni amerlasuuni amigaataapput, sundhedsassistentilli, peqqissaanermi ikiortit nunaqarfinnilu peqqinnissakkut sullisisut, anigugassaangitsunik nappaatilinnut tunngatillugu, suliassanik pingartunlik ilinniaqqikkunik piginnaasatigullu ineriaavagineqartuarunik peqqissaanermilu suleqatiminik immikkullu ilisimasalinnik akuttungitsunik siunersioqateqartarsinnaagunik, isumaginnissinnaassapput. Sulisunik sivikitsumik ilinniagalinnik suliassanik taamaattunik isumaginninnissamut piginnaeqalersitsineq, sulinermik iluarisimaarinnilersitsissaaq sulisullu suliffimminniiginnarnissaannut piumassuseqalersitsisinhaalluni. Tamanna misissuinermi matumani paasissutissiisunit ilinniaqqissimasunit ilinniaqqinnerallu suliffimmi kinguneqarluartumik atorneqartunit taperserneqarpoq.

Qarasaasiakkut nakorsiartitsinerup annertusisinnaanissaanut periarfissat

Qarasaasiakkut nakorsiartitsisarneq pinngitsoorneqarsinnangilaq sumiiffinnilumi amerlasuuni annertuumik atorneqarluni. Sumiiffinni allani amerlasuuni qarasaasiakkut nakorsiartitsisarnerup ulluinnarni sulinermit aallaaveqarnissa amigaataavoq, tamannalu sulisunut naammaginanngilaq. Tamanna napparsimasunut/nakorsianut pisariaqanngikkaluamik angalasarialinnut, qarasaasiakkut nakorsiartitsisarnerup periarfissiissutigisaraluanut, peqqinnissakkut sullisisunut attaveqarsinnaanngitsunut, ajoquutasutut misigineqarpoq. Matumani misissuineq napparsimmavinni peqqissaavinnilu nunaqarfinnut akisussaasut pingaruteqassusaanik tikkussivoq; taakku, nunaqarfinni sulisuni atotorissaarummik atuisinnaanissamut ilinniartitsinermi piginnaasanillu attassiinnarnissami, pingarutilimmik inissismapput. Tamanna nunaqarfinnut akisussaasut, immaqa ilinniartitsissutaasimanngitsunik ilinniartitsinissamut piginnaaneqarnissaannik piumasaqaatitaqarpoq; taamatuttaaq piffissamik piumasaqaatitaqarpoq taamaalillunilu aqtsisut pingartitsinerat taperseruinerallu apeqquaalluni. Misissuineq naapertorlugu nunaqarfinnut akisussaasut ilaat nunaqarfinni sulisunik ilaatigut 'teknologimut tataatsunik' ilinniartitsinerminnik iluatiitlluarput. Taamaammat nunaqarfinnut akisussaasunik ilinniartitsinermut tunngatillugu suliassanik ilinniartitsinermi, nunaqarfinnut akisussaasut ataatsimoortillugit pikkorissaanerit- ilaatigut misilittakkanik taamaattunik paarlaasseqatigiifflusinnaasut ilinniaqatigiifflusinnaasullu- ilaasinnaapput.

Misissuinermi amerlasuunit pingartinneqartoq alla tassaavoq qarasaasiakkut nakkorsiartitsinermi atortut pisoqalisimanerat amigaateqarnerallu, qarasaasiakkullu nakorsiartitsisarneq attanneqaannassappat pilertortumik taarsertariaqarnerat. Inuunerissaavik Steno Kalaallit Nunaanni nakorsatut pisortaasoq Michael Lynge Pedersen naapertorlugu atotorissaarummik Pipalummut taartaasumik, sulisut atotorissaarummumt ullutsinnut naleqqussakkamut kissaataannik eqquutitsisumik, atornissaatalu pisariitsuunissaa pingartillugu ineriaasoqarsimavoq. Atotorissaarutip atulersikkiartaarnissa maanna (2022) aallartippoq, 2024⁹-imilu tamakkiisumik atorneqalersimanissaa pilersaarutaalluni.

Aqutsinikkut qarasaasiakkut nakorsiartitsisarnerup piginnaasatigut atotorissaarutitigullu, sulisut misigisaasa pisariaqartutut kissaataasutullu tikkussineratut, ineriaaviginissaata piffissaqarfinginssaa pingartinneqarpat, sulisut innuttaasunik sullissinissamut periarfissaat annertusineqassaaq, taamaalillunilu sulinermi iluarisimaarinninneq suliffimmiiginnarnissallu kajuminassusaata annertusinissaanik, misissuineq tikkussivoq.

Sulisorisassatut naatsorsuussat

Aalaakkaasunik sulisoqarnermut tunngatillugu erseqqissagassaq alla tassaavoq immikkut ilisimasallit, ilaatigut peqqissaasut ikilileqarnerat, qitiusumik immikkoortunut eqiterussinermi peqqissaavuit ilaannit misigineqartoq. Suliassatigut ilungersortitaanertut misigineqartoq taartaagallartartut atorfekavissunik taarserneqarnerisigut iluarsiivigneqarsinnaassagunarpoq; sumiiffilli ilaanni sulisorisassatut naatsorsuussat suliassanut naapertuuttunngorlugit nalimmassaqinneqarsinnaapput. Misissuineq naapertorlugu peqqissaavik sulisoqarnikkut pitsaanerusumik inissisimasoq qitiusumullu eqiterussinerup kingorna immikkut ilisimasalinnik sulisoqannartoq tassaavortaaq peqqissaavik sulisut suliffimminni atukkamikkut pitsaasumik misigiffiat, taamaalillutillu naggataagut suliffimminniiginnarusunnerannut (taartaagallartartullu uteqqikkusunnerannut) tunngatillugu ingerlalluarneq. Pissutsit amerlasuut allat patsisaaqataasinjaapput soorlu nujukkami innuttaasut naatsorsuutigisaat pisariaqartitaallu, peqqissaavimmi aqutsinerup pitsaassusaa aalaakkaaneralu

qarasaasiakkullu nakorsiartitsisarneq; taamaattorli sulisorisassatut naatsorsuussat sulisullu qitiusumik napparsimmaviup peqqissaaviillu akornanni agguataarneqarnerisa pingaaruteqassusaa isumaliutigineqartariaqarpoq.

Najugaqavissunik taartaagallartartunillu aalaakkaasunik sulisoqarniarneq

Sulisunut najugaqavissunut suliffimmi pissutsinik pitsanngorsaaneq, suliassanik tulleriaarineq, qarasaasiakkut nakorsiartitsisarnermik annertusaaneq piginnaasatigullu inerisaanermik nukittorsaaneq iluatsissappata, tamannalu aqqutigalugu najugaqavissunik amerlanerusunik sulisussarsinissaq taartaagallartartunillu atuinerup annikillisinnissaa ajornannginnerulissappattaaq- taava 'tunngaviusumik sulisorisat' nunaqavissut ilinniagaqassutsikkut piginnaanillit immikkut ilisimasallit avataaneersut sivikitsumik taartaasartut aalaakkaanerusumik sulisalernissaannut sunniuteqarsinnaassapput. Najukkami sulisut pisunik nakkutilliisinnaanerisigut ilinniagaqassutsikkullu piginnaaneqarnerisigut toqqisisimasinnaaneq, avataaneersut immikkut ilisimasallit nunatsinni Peqqinnissaqarfimmi atorfinikkusussusaannut pingaaruteqarpoq. Sulisut atorfeqvissut piginnaasaminnik, qaqugulu immikkut ilisimasalinnik pisariaqartitsinermik ilisimaarinnippata, taartaagallartartunut sulisinnaanissap ajornannginnerunissa toqqissinarnerunissaalu naatsorsuutigisariaqarpoq.

Eqikkaalluni oqartoqarsinnaavoq; aalaakkaasunik sulisoqarniarluni qulaani pineqartunik iliuuseqarnikkut, sulisut nunaqavissut atorfeqvissut amerlineqarsinnaanerisa ilimanaateqarnera, tamatumalu peqatigisaanik taartaagallartartunut atugassarititaasunik pitsanngorsaanikkut sivisunerusumik sulerusussinnaanerat, uteqqissinnaanerat ilaasalu immaqa atorfinivissinnaanerat¹⁰.

⁹ Michael Lynge Pedersen Peqqinnissaq pillugu Atatsimiititaliarsuup ataatsimiinnerani 16. december 2021.

¹⁰ Inernerit taakk aalaakkaasunik sulisoqarniermut tunngasut PPK-mit aallartitat qulaalua peqqinnissaq pillugu atatsimiititaliarsuup 2021-imi decembarimi ataatsimiinnerannit ikorfartorneqarput. Peqataasut, pissutsit arllit, isummatik naapertorlugit, aalaakkaasunik sulisoqanissamut akornutaasut: Ilinniagaqassutsikkut ineriertornissap amigaataanera, aqutsisunik piginnaanilinnik siunissamut takorluugalinnik amigaateqarneq, sinerissami sumiiffipassuarni pigaartuusarniissat annertuallaar nerat, sulilerlaanik ilitsersuisarnerup amigaataanera pilersausrornerilu iliuusissanik inerisaanermi sulisunik peqataatitsisannginneq saqqummiiuppaat; tamatuma saniatigut atorfininnermi isumaqtigisutinik, akissarsianik il.il. tunngavilersukkamik iliuuseqafiqinninnerup amigaataanera oqaatigineqarpoq.

Nunaqarfinni peqqinnissakkut sullisisuni pissutsit, peqqissaavinni napparsimmavinnilu sulisuni pissutsinit annertuumik allaassuteqarnerat/immikkoorteqarnerat oqaatigineqassaaq. Ajornartorsiutip annertunerusumik iserfiginissaa misissuinermi matumani toqqamavigisat avataanniippoq.

Taartaagallartussanik pissarsiornermi ilinniagaqassuseq pingaartillugu

Sulisussarsiniarneq qitiusumiit suliniutaavoq, maannalu toqqaannarnerusumik taartaagallarsinnaasunik Danmarkimeersunik attaveqateqarneq aqqutigalugu sulisussarsiniarnermut tunngatillugu, pitsasunik angusaqartoqareerpoq. Tamanna suli pitsaanerulersinneqarsinnaavoq. Tulliuttumi qanoq tamatuma anguneqarsinnaanera misissorneqassaaq.

Oqaatigineqareersutut taartaagallartussanik atorfinititsisarneq qitiusumiit ingerlanneqarpoq. Tamatumani misissuineq taartaagallartussatut qinnuteqartunik oqaloqateqarnikkut suliffissamut aalajangersimasumut pitsaanerusumik attaveqateqarnikkut, suliassanut tunngatillugu naatsorsuutigisat nalimmassarnissaannut periarfissaqarneranik tikkuussivoq. Taamaalillutik taartaasussat suliartorfissartik piviusorsiornerusumik takorloorsinnaassavaat. Tamatuma saniatigut qinnuteqartunik oqaloqateqarnerni taartaagallartartut sunngifimmi sammisassat pivallaarnagit, innuttaasunik kiffartuusinermerik inerisaanermut tunngatillugu qanoq suleqataasinnaanerat ukkanneqarnerussaaq. Pinngortitami misigassanik assigisaannillu nunatsinnut ussassaarneqarnissaat taartaagallartartunik nikaginninnerusinnaavoq. Taartaagallartartut ilinniagaqassutsikkut tunniussinnaasaat pissarsiassaallu pingaartinneqarnerusinnaapput. Danmarkimimi Peqqinnissaqarfimmi immikkut ilisimasaqarfiunerusumi taamaammallu periusissiaqarnissamik maleruagassaqarnisamillu piumasaqaatalimmi, ilinniagaqassutsikkut suliniuteqarnissamut immaqa periarfissaannginnerusumut sanilliullugu, nunatsinni Peqqinnissaqarfik periarfissarpassuaqarpoq. Taamatuttaaq taartaagallartartut peqqinnissamut tunngatillugu allatut sulinermik ilinniarneq iluaqtigisinnaavaat; ass. ilaatigut napparsimasunik ataatsimut isiginninnikkut tamatigoortumik piginnaeqalersinnaanermut pitsasunik periarfissaqarpoq.

Taartaagallartartut nunatsinni Peqqinnissaqarfimmi atorfefarnerminni misigisaannik misissuinermi, najukkami sulisunik pitsasumik suleqateqarneq, paasissutissiisut tamarmik tikkuarpaat (Aljijakly, 2020). Taamaakkalaq misissuinermi matumani allanilu (fx Mougaard-Frederiksen & Aagaard, 2020), najukkani sulisut taartaagallartartunik suleqateqarneq, saniatigut suliassarpassuaqartarneq pissutigalugu, ilungersunartutut misigisaraattaaq ilisimavarput. Suliffigiligassami qinnuteqartunik oqaloqateqarnikkut nukissat tamakkiisut pitsaanerpaamik atorniarlugit qanoq suleqatigiinnissaq ilaatigut ukkanneqarsinnaavoq.

Kiisalu nunatsinni tusagassiorfitsigut kalaallinnik taartaagallartussanik pissarsiorsinnaaneq misissuinermi tikkuarneqarportaaq.

Ataatsimoorluni ilinniarnikkut kommuninik suleqateqarnerup pitsaaneruler sinnissaa

Sulisuniit isiginninnermik misissuineq nalinginnaasumik suleqatigiinnermi unammilligassanik pingartunik marlunnik tikuussivoq: Kommunini sulisut piginnaasatigut amigaateqarnerat kiisalu pisortaqarfiit taakku marluk akornanni ileqput assiginnginnerat. peqqinnissaq pillugu ataatsimiitaliarsuup februaari qaammat 2021 ataatsimiinnerani kommuninik suleqateqarneq oqaluuserineqarpoq. Kommuneqarfik Sermersuumi innarluutilinnut tarnimikkullu nappaatillit inuttut atugaannut suliassaqarfimmi pisortaq, kiisalu Nunatsinni Nakorsaaneq Napparsimmavissuarmit Dronning Ingridillu Peqqissaavianit aallartitat saqqummiussipput. Saqqummiussisut tamarmik misissuinerup matuma inernerinut sanilliulligit oqallisigisassanik pingaarutilinnik oqariartuuteqarput.

Peqqinnissamut tunngatillugu Peqqinnissaqarfimmi kommuninilu ilinniagaqassutsikkut naligiinnginnermi unammilligassat, tamanit isumaqataaffigineqarlutik tikkuarneqarput. Suleqatigiissinnaanerup ajornartorsiutitaqarnera tikkuarneqarportaaq; kommunimit isigalugu Peqqinnissaqarfimmi kommunip neqeroorutai pillugit ilisimasaqannginnej pingaarnertut tikkuarneqarpoq, Peqqinnissaqarfimmit isigalugu kommunip aaqqisuussaanerani aqqutissamik nassaarniarnerup ajornartorsiutaanera tikkuarneqarpoq¹¹.

- Utoqqarnik paaqqutarinninnermi innarluutilinnut tarnimikkullu nappaatilinnut najugaqtigiiifinni peqqinnissamut tunngatillugu suliassat annertusinissaat, ukiumilu tulliuttuni kommunimi sulisuni piginnaasat naammattumik qaffanneqarnaviannginnerat, Nunatsinni Nakorsaaneqarfimmuit naatsorsuutigineqarpoq. Taamaammat peqqinnissamut tunngatillugu suliassanut akisussaaffik Peqqinnissaqarfimmuit nuunneqassanersoq, ajornanngippallu peqqinnissamut tunngatillugu immikkut ilisimasallit tamarmik ataatsimut katersorneqarlutik innuttaasunik kiffartuussissanersut apeqqutigineqarpoq. Dronning Ingridip Napparsimmauvissuanit /Peqqissaavianit aallartitat, akerlianik Peqqinnissaqarfiuup kommunillu akornanni suleqatigiinnissamut isumaqatigiissutinik, anguniagaqartitsillutilu pisussaaffiliisunik, pitsaaneruseumik suleqatigiinnissamut sakkussanik, pitsaasunik misilittagaqarfingisannik atuinerunissaq kaammattutigiaat. Taamatuttaaq suleqatigiinnerup pitsaanerulersinnissa kommunimi suliassaqarfimmi pisortap isumaqataaffigaa. Taassuma pingaartumik pisortaqarfiiit akimorlugit piginnaasanik inerisaaneq attaveqatigiinnerlu soqutigisarai. Taakkorpiaappallu misissuinermi sulisut pingaartitaat, taamaammat suliassaqarfimmi pisortap pitsangtuutissatut siunnersuutai uani issuarneqarput:
- Peqqinnissaqarfik kommunilu pineqartoq akimorlugit ilinniartitsineq/ilitsersuineq.
 - Akimuilluni sammisaqartitsinerit
 - Peqqinnissaqarfimmi kommunimiluunniit sulisut ilinniarsimasut ilinniarsimanngitsullu sulinermik sungiusarsinnaanngorlugit suliassanik aalajangersimasunik sanilerisamit ilitsersorneqarsinnaanerat.
 - Angerlarsimaffinni ikiortit Peqqissaanermik Ilinniarfimmi piginnaasatigut naliliivigineqarneq aqqutigalugu ilinniartitaanissaannut periarfissapp attatiinnarnissaat.
 - Sulisunut ilinniarsimanngitsunut – angerlarsimaffinni ikiortinut, utoqqanik paaqqutarinniffinni sulisunut, tapersersueqatigiinnut kommuninilu najugaqarfissatut neqeroorutinut, Peqqissaanermik Ilinniarfimmi pikkorisaanernut assigiinngitsunut suliaminnut naapertuuttunut peqataaniarlutik nalunaarsinnaanissaannut periarfissiinissaq.
 - Ilinniakkat akimorlugit suleqatigiinni ataatsimiittarnerit nuna tamakkerlugu siamarneqarnerunissaat – ajornanngippat qarasaasiakkut ingerlanneqarsinnaanissaat.
 - Innuttaasunut pitsaasumik kiffartuussineq qulakteerniarlugu, illuatungeriit suleqatigiinnissamut isumaqatigiissutinik periusessianillu sulilerlaanut paasissutissiisarnissaat pingaaruteqarpoq (peqqinnissaq pillugu ataatsimiittitaliarsuup 2021-imi februaarip ulluisa qulinganni ataatsimiinnerani sarsuatitakkut saqqumiussamit issuagaq).

Tamatuma saniatigut Peqqinnissaqarfimmi sulisut kommunit neqeroorutigisinnaasaannik neqeroorutigisinnaanngisaannillu ilisimasakippallaarnerat, suliassaqarfimmi pisortap tikkuarpaa.

Utoqqarnik paaqqutarinninnermi suliniut iluatsilluartoq- ilaatigut utoqqarnik paaqqutarinninnerup Peqqinnissaqarfiuullu suleqatigiinnerannik pitsanguiusoq, misissuinermi matumani ukkanneqarpoq. Tassani sulisut piginnaasaannik inerisaanerup, sulisut pitsaasunik atugassaqartinnissaasa aqutsisullu piginnaasaasa suliniummi ukkanneqarnerat pingaaruteqarluinnarpasippoq. Naleqqat tassaasut kommunip utoqqaat pillugit iliususissatut siunniussaat, aqutsisullu sulisullu akornanni sulinermi naleqartitatut toqammavissanik ataatsimoorluni aalajangiineq, suliniummik misissueqqissaarnerup takutippaa (utoqqarnik paaqqutarinninnermi inerisaanermi suliniut pillugu allakkiaq, 2021). Innuttaasunut tunngatillugu suleqatigiinneq tamatumunngalu atatillugu piginnaasanik inerisaanissaq inuttullu inerisarnissaq, ilinniakkat akimorlugit suleqatigiinnissaq, eqaatsumik periaaseqarnissaq sulianillu pilersaarusiornermi il.il. sulisunik peqataatitsinissaq qitiutinneqarput.

¹¹ Saqqumiussat marluk immikkut Peqqinnissaqarfiuup Kommuneqarfik Sermersuullu suleqatigiinnerannut tunngassuteqarput. Peqqinnissarli pillugu ataatsimiittitaliarsuup juuni qaammat 2021 sinerissami angalanerani, kommunini allani taamaaqataanik ajornartorsiuteqarneq tikkuarneqarpoq (angalanermi nalunaarusiaq, 2021).

Inerisaanissap piviusunngortinneqarsinnaanissaanut tunngavissatut piumasaqaatitullu aqutsisunik piginnaasatigut inerisaaneq aqutsisullu akornanni suleqatigiinneq pingartinneqqaat. Suliniutip ilaatigut nassatarai sulisuni ilinniagaqassutsikkut piginnaasat qaffannerat, akisussaassuseqarnerulerneq, suliffimmik nuannarinnineq, napparsimakulannginnej atuisullu iluarismaarininnerat. Tamatuma saniatigut ilinniarsimasunik sulisussarsiniarneq ajornannginneruleqaaq, ilinniarsimanngitsullu ilinniagaqartalerlutik (siuliani eqqartorneqartoq).

Kommunimi tassani utoqqarnik paaqqutarinninnerup Peqqinnissaqarfiallu akornanni suleqatigiilluarneq, matumanilu utoqqarnik isiginnittariaatsit ileqqulluunni assigiinnginnerisa oqaluuserineqannginnerat, misissuinermi matumani tikkuarneqarpoq. Suliniut pillugu nassuaammiit isigalugu tamatumunnga patsisaasinnaasunik isumaliutertosqarsinnaavoq: Kommunimi sulisut peqqinnissamut tunngatillugu piginnaasatigut inerisarnikkut, ass. nakorsaatnik immikkoortiterivinnut poortuisarernut, ikinik passussisarernut il.il. tunngatillugu peqqinnissaqarfimmit iliuuserisassat atorfissaqartippallaarunnaasavaat. Taamalluni Peqqinnissaqarfimmi pifissaq allamut atorneqarsinnaangussaaq immaqalu taamaaliornikkut utoqqarnik paaqqutarinninnerut isiginninnermik pitsaanerulersitseqataasinhaassalluni. Peqqinnissaqarfimmi kommuninilu immaqa utoqqarnik assigiinngitsumik isiginnittariaaseqarneq sulinermilu assigiinngitsunik ileqqoqarneq pineqanngilluinnarlutik, pisortaqaarfiilli taakku peqqinnissamut tunngatillugu suliassat pillugit suleqatigiinnissaq pisariaqartikkaat, kommunillu tamatumani peqqinnissamut tunngatillugu naammattunik piginnaasaqannginnerat pineqarluni. Tamatuma peqatigisaanik kommunimi sulisut innuttaasunut ass. pitsaaliuinermut, peqqinnissamik siuarsanermut piginnaanngorsaaqinnermullu tunngatillugu, peqqinnissaqarfimmit amigaatigineqartunik ilisimasaqakkajunneraasoqarsinnaavoq. Ulluinnarni innuuttaasunut nappaateqarluni inuunermik iliuuseqarfinginnissamut suut atugassarititaappat, najukkami suut periafissaappat? il.il. taama ilisimasaqarnissap Peqqinnissaqarfimmi sulisunit pisariaqartinneqarnera immaqa ersarivinngilaq. Peqqinnissamut tunngatillugu suleriaatsimi nappaammik suussusersiniaaneq, nakorsaneq peqqissaanerlu qitiutinneqarmata, napparsimasut ulluinnarni inuunerat pillugu ilisimasat naleqartinneqaratillu pisariaqartinneqanngissinnaapput. Ilisimasalli taamaattut pisortaqaarfiit akornanni paarlaseqatigiiffiuppata, Peqqinnissaqarfimmi sulisut suli takusimanngisaminnik periaffissinneqarsinnaapput. Danmarkimi misilitakkat tamanna takutissinnaavaat:

Danmarkimi ukiut kingulliit qulit missaasa ingerlanerini, Fælles Skolebænk-imik ataatsimut qulequtsikkami ataatsimoirluni ilinniarnikkut piginnaasanillu inerisaanikkut, Peqqinnissaqarfip kommunillu akornanni suleqatigiinneq ukkanneqarpoq. Sulinummut atatillugu kommunimi napparsimmaavimmit angerlarsimaffinnilu peqqissaasunit, peqqissaasut arfineq pingasut pisortaqaarfiit taakku akornanni sap. ak. marlunni paarlaseqatigiippa. Paarlasseqatigiinnermi peqqissaasut suleqatsik pisortaqaarfiip aappaaneersoq, ulluinnarni sulinerani suleqatigiinneq attaveqatigiinnerlu immikkut qitiutillugit malittaraat. Tamatuma kingorna peqqissaasut peqataasut ataatsimoortillugit apersuinikkut naliliinermi, paarlasseqatigiinnerup peqataasunut annertuumik pingaruteqarsimanera isumaqatigiissutaavoq. Sulinermi atugassarititaasut pissutsillu suleqatigiinnerup peqqissaanerullu pitsaassusaannut pingaauteqartut paasisimasaqarfingerulersimavaat. Kommunimi peqqissaasut napparsimmaavimmi peqqissaasut immikkut ilisimasaqarnerujussuat pissutaalluni suleqatigiinnerup naligiinngitsutut misigajunnera oqaluttuaraat. Paarlasseqatigiinnerli pisortaqaarfinni taakkunani marlunni ilisimasanik pingaarutilinnik piginnaasanillu assigiinngitsorpassuarnik peqarneranik ilisimaarinnersitsisinnaavoq. Pisortaqaarfiip aappaani toqqammavissat sulinermilu atugassarititaasut nammieq misilinnerat, peqqissaasut naapertorlugit arlamik suliaannik paasinninnermik ataqqinninnermillu annertusitsivoq namminerlu suliffigisami peqqissaanermik piukkunnarsitseqataalluni. Inernilineq alla, peqataasut naapertorlugit paarlasseqatigiinnermut tunngassuteqartoq, pisortaqaarfiit akimorlugit suleqatigiinnermi periafissanik nutaanik neqeroorutillu ataasiakkaat imminut ataqtiginnerannik, napparsimasullu aqqusaaartugassai ataqtigisappata pitsasuussappatalu, immikkoortinneqarsinnaannginnerannik ilisimasaqalersitseqataavoq (Tousig allallu, 2020)¹².

Nunatsinni sulisunik sivikitsumik ilinniagalinnittaaq peqataatisinikkut, assinginik makkunannaq misilittagaqartoqarsinnaassaaq: Arlamik suliassaannut pisortaqarfiillu taakku marluk ilisimasanik napparsimasut innuttaasullu nappaamminnut, pitsaliuinermut, nakorsaanermut, piginnaanngorsaaqinnermut peqqinnissamillu siuarsaanermut tunngatillugu qanoq iliuuseqarsinnaanissamut periarfissaannut pingaarutilinnik peqarnerannik paasinninneruneq ataaqinninnerlu. Peqqinnissaqarfip Kommuneqarfik Sermersuullu suleqatigiinnerannut tunngatillugu suliassaqarfimmi pisortap siunnersuutai amerlasuut periarfissanik taakkunanngarpiaq imaqarpoq.

Kiisalu kommunimi utoqqarnik paaqqutarinninnermi inerisaanermut atatillugu suliniutip pineqartup sukkut ilinniarfiusinnaanerattaaq tikkuarneqassaaq: Suleqatiinnerni pitsasuni inuit ataasiakkaat apequatasariaqanngillat piginnaanilinnilli aqtsisoqarluni iliuusissatut pilersinneqarsinnaallutik. Iliuusissat taamaattut naleqartitanut tunngatillugu suleqatigiinnerup kimut iluaqutaanissaannut (atuisunut) qanorlu ilillutik iluaqutaanissaannut isumaliutersuutinik tunngaveqartariaqarput. Aqutsisut piginnaaneqarunik, suliani siunertat naleqartitallu ukkannissaat pillugu sulisullu akunnerminni suleqatigiikkunik, taava allanngortitassaanngippasissoq ilorraap tungaanut saatinneqarsinnaavoq. Utoqqarnik paaqqutarinninnermi pineqartumi (amerlangaatsiartunik sulisulimmi) ukiup ataatsip ingerlanerani napparsimasarnerit affaannanngortineqarput; piffissami tamatumani suliartunngitsoortarnerit tallimararterutaannut apparput, sulisullu peqqinnissamut tunngasumik ilinniagallait 40 %-imiit 80 %-imut amerlillutik. Angusat taakku suliniummilu piginnaasanik inerisaanermut tunngatillugu suliniutaasut, Peqqinnissaqarfimmik pitsaanerusumik suleqateqarnissamut ataatsimoorlutik pitsaasumik tunngavissiipput. Iliuusissatut siunniussat Peqqinnissaqarfimmi aqtsinermi, sulisoqarnikkut pissutsini allanngortikkuminaarpasissuni isumassarsisitsisinnapputtaaq.

Eqikkarlugu oqaatigineqarsinnaavoq Peqqinnissaqarfip kommunillu akornanni suleqatigiinnermi unammilligassat annersarisinnaasaat tassaasoq, kommunini sulisunik peqqinnissamut tunngatillugu suliassanut piginnaasatigut inerisaanissaq. Tamatuma peqatigisaanik Peqqinnissaqarfimmi suliassat suut pitsaliuinermut, peqqinnissamik siuarsaanermut piginnaanngorsaaqqinnermullu tunngasut kommunini isumagineqarnerannik, taakkulu napparsimasup aqusaartugassaani pisortaqarfiit taakku marluk iliuuseqarnissaannik imaqartunik sunik periarfissiinerannik ilisimasqarnerulernissamik (immaqa nassuerutigineqanngitsumik) pisariaqtitsisoqarpoq. Pissutsit taamaattut pisortaqarfiit akornanni sulianik paasinninnerunissaq siunertaralugu attaveqatigiinnerunissamik oqariartorput. Kommuneqarfik Sermersuumi suliassaqarfimmi pisortap siunnersuutaatut Danmarkimilu Fælles Skolebæk-imi ukiuni qulini pitsaasunik angusaqarfiulluni misilittagaqarfioreersutut, ataatsimoorluni ilinniarnissamut piginnaasanillu inerisaanissamut toqqammavissanik pilersitsinissaq periarfissaavoq. Peqqinnissaq pillugu Ataatsimiititaliarsuup sinerissami angalanerani nunatsinni sumi tamaani taamaattoqallattaalereersimanera takutikkaa, ilangulgulu oqaatigineqassaaq (Angalanermi nalunaarusiaq, 2021).

Aqtsineq sulisunullu pitsaasunik atugassaqartitsineq

Misissuinermi immikkut apeqqutigineqanngitsqo pingaarutilittulli saqqummersoq tassaavoq aqtsineq.

Aqutsisumit tapersorsorneqarnerup tapersorsorneqarnerullu qanoq kajumilersitsartiginera paassisutissiisut ilaasa oqaluttuaraat. Allat ulluinnarni sulinermi unammilligassatigut aqutsinikkut tapersorsorneqarnissaq ujartorpaat. Paassisutissiisut amerlasuut ass. nunaqarfinni sulisut qarasaasiakkut nakorsiartitsissummiik atuinissamik ilitsorsorneqarnissaannut piginnaasatigut inerisaavigineqarnissaannut sulisoqarniarnikkullu pissutsit iliuuseqarfiginissaannut, aqutsinikkut tapersorsorneqarneq amigaatigalugu paatsuugassaanngitsumik oqaatigaat. Sulisut namminneq kajumissuserutissanngikkunik, aqutsisut pitsannguinissamut inerisaanissamullu pilersaaruteqarnissaannik ujartuippit.

¹² Ataatsimoorluni ilinniarneq sulisunik parlaasseqatigiinnerup saniatigut iliuusussanik allarpassuarnik, ass. ataatsimoorluni sammisaqarnerik, ilinniakkat tunngavigalugit saqqummiussinernik, pikkorissaarnerik il.il. ilaqarpoq

¹³ Ataatsimoorluni silatunerulernissaq' attaveqarfinnillu pisortaqarfiit akimorlugit nukitorsaanissaq siunertaavoq.

Paasissutissiisut ilaasa, aqutsisut aningaasarqarnikkut isumaliutersuutit salliullugit pingaarnertullu tunngavigalugit pingaarnersiuisarsoraat.

Ataatsip namminersuutigalugu napparsimasunut aalajangersimasumik iliuuseqarnissamik inerisaanissamut periarfissiinerat pillugu aqutsisuni nersualaarpai, tamatumali peqatigisaanik ima oqarluni: "*Maani susoqarnera nalulluinnarpaat* [immikkorttamini]". Oqaatiginagaa tassaavoq sulilluarnera aqutsisunut ajornartorsutissaagaluanik pitsaalisoq iluatilluarneralu taakkununnga tuttussaq pissutigalugit akuliunnaveersaartut, aappaatigulli qanoq ililluni suliamic ingerlatsinera soqutiginngikkaat. Taamaalillutik aqutsisut inerisaanissamut periarfissat pillugit paasisimasat pissarsiarinngitsoorpaat; paasissutissiisummi suleriaasaa, ilinniarnissamut ineriartornissamullu periarfissanik, immikkoortumi sulisunut allanut annertuumik isumassarsisitsisinaasunik imaqarpoq.

Pitsaluiuinermut peqqinnissamillu siuarsanermut tunngatillugu nammineq inerisaaniarnerit, suliassat pinasuartariallit pissutigalugit unitsinneqartarnerat imal. taamaatinneqartarnerat, amerlasuut oqaluttuaraat. Inerisaaniarnerni sulisut ataasiakkaat apeqquatasarpasippu taamaallutillu sanngiiffeqarlutik. Iliuuserisat unitsinneqarnerat taamaatinneqarneralluuniit tassaavoq pitsaluiuinermit peqqinnissamillu siuarsanermik aqutsisut salliussinnginnerat.

Sulisut isumaliutiginnittarnerisa qanorlu annertutigisumik namminneq suliatic allanut sanilliullugit ataatsimut takunnissinnaanerisa qanoq assigiinngissuteqartiginer, misissuinermi apersuinerit takutippaat. Ulluinnarni sulinermi suleqatigiilluni isumaliutersortarneq siunersioqatigittarnerlu annikingaatsiarpasippoq. Isumaliutersuutiginninnissamut piginnaasanik annertusaasinnaanissap imal. taakkununnga inerisaasinnaaffiusumiinnissaq sulisuni tamani naatsorsuutigineqarsinnaanngilaq. Taamaammat ataatsimoorluni isumaliutersuuteqarnissamut ilinniagaqasutsikkullu inerisarnissamut toqqammaavisiinissaq, aqutsinkkut suliassaavoq pingaarutilik.

Aqutsineq immikkut misissuiffigineqanngikkaluqaq aqutsisut nakorsaanikuinnaq aningaasartuutissatullu missingersuutit aningaasaqarnerlu eqqarsaatigalugit ulluinnarnik ingerlatsinissaq soqutiginerugaat paasinarpooq (takuuttaaq Mougaard-Frederiks & Aagaard, 2020). Iliniagaqassutsikkut inerisaanissap aqutsisunit suliassaanera, aqutsisut akornanni isummatut nalinginnaarpasingnilaq. Taamaammat ilinniagaqassutsikkut inerisaanerup aqutsinkkut suliassatut pingaarutilittut nassuiarnissaa nukinginnarpooq. Ataatsimut sulisoqarnermut politikki aqqutigalugu, qanoq ililluni nunaqvissunik sulisoqarnissap angujartuaarneqarsinnaanera, sulisut nunaqvissut taartaasartullu (ajornanngippat nunatsinniit annertunerusumik pissarsiarineqarsinnaasut) pitsasunik atugassinnerisigut¹³, aalaakkaasunik sulisoqarnissaq siunertaralugu suliniutinik aallartitsisoqarnissaanut iliuusissanik siunniussinissaq pisariaqarpoq.

Misissuineq naapertorlugu, aqutsinermut pitsasumut tunngatillugu sulisut neriuutigaat: Atorfeqavissunik sulusussarsisarnissaq, sulisut qaangiuttoornikinnerulernissaat angerlarsimaffimmillu upalungaarsimatitaanerit annikillineqarnissaat, sulisut naleqartinneqartutut misigitinneqarnissaq sulanut tunngatillugu aalajangiinissani peqataatinneqarnissaq, ilinniagaqassutsikkullu inerisaanerit pikkorissaanerillu pingaartinneqarnissaat. Tamatuma saniatigut utoqqarnik paaqqutarinninnermi sulisoqarnikkut ilungersunartorsiornерup ataatsimut iliuusissatut siunniussanik tunngaveqarnikkut, aqutsisunik ilinniartitsinikkut aqutsisullu akornanni suleqatigiinnermik aalajaatsumik pilersitsinikkut allannguilluinarneq isumassarsiorfissaavortaaq.

¹³ *Sulisunut pitsasunik atugassienerup*, sulisut innuttaasunut tunngatillugu ass. piffissamik, piginnaasatigut inerisarnikkut il.il. suliassaminnek isumaginnissinnaanissamut periarfissaannik pitsaamerulersitsisunik isumaqarnera erseqqissarneqassaaq. Tamatumani sulisunut pitsasunik atugaqartitsineq; kaffimut kaagissaqarnissamit, nalliuuttuni tunissutisimissamit il.il. paasinmittariaatsimil allaanerulluni. Taamaattut 'tuppallersaatit' misigineqarsinnaapput. Sulisunut pitsasunik atugasiineq tassaassaaq suliassanik naammaginartumik isumaginnissinnaanissamut piumasaqatinkin pitsanngorsaneq.

Innuttaasunik oqaloqateqarneq

Apersuinernik misissueqqissaarnerni saqqummersut ilaat Peqqinnissaqarfíup innuttaasullu akornanni pissutsinut tunngassuteqarpoq. Misissuinermi matumaní paassisutissiisut amerlasuut isumaat naapertorlugu innuttaasut paassisutissianik amigaateqarput. Timip sananeqaatai sulineralu kiisalu nappaatit taakkulu nakorsarneqartarnerat pillugit paassisutissinnissaat pisariaqarpoq.

Paassisutissiisut isumaat naapertorlugu ilaatigut innuttaasut Peqqinnissaqarfímmi suut neqeroorutaanerat suullu neqeroorutaanginnerat pillugu ilisimatineqarnissamik amigaateqarput (takuuttaaq Mougaard-Frederiksen & Seibæk, 2021). Peqqissaavinni nunaqarfínnilu nakorsiartitsivinni innuttaasut siornatigut ulloq unnuarlú saaffiginnissinnaagalut sulisullu upalungaarsimasussaasut, aalajangersimasunik ammasarfíqalerneq atuutilersinneqarsimasoq, arlalinnit oqaluttuarineqarpoq. Maanna innuttaasut ammasarfíit avataanni qitiusumik napparsimmaivmut sianeqqaartariaqarput tamannalu amerlasuut sungiunniaqqaartussavaat iluarineqartuaannanngimmallu; peqqinnisakkut sullisisut innuttaasullu akornanni aaqqiagijnnginnernik pilersitsisinhaavoq. Saaffiginninnerit inuiaqatigiinni inukitsuni, kikkut tamarmik imminnut ilisarisimasut, killiliiniarneq ajornakusoorsinnaasoq, paassisutissiisoq ataaseq oqarpoq.

Innuttaasut piumasaqarpallaartut naapertuutinngitsunillu ass. kimillannernik saaffiginnissuteqartartut, paassisutissiisup ataatsip oqaatigimisaarpaa. Paassisutissiisup allap taama misigineq ilisaraa, inuilli saffiginninnerminnus patsisigissaat itinerusut tusarnaaraanni misissoraannilu suut paasinarsinissaat pingartillugu. Inuit attavigisartakkaminnut tatiginnillutik oqaloqateqarsinnaannginnertik pissutigalugu Peqqinnissaqarfímmut saaffiginnittarnerannut patsisissarpassuaqarsinnaasoq, taanna oqarpoq. Saaffiginnissutit ilaqtariinni ajornartorsiutinut, nappaammut atatillugu isumaliutinut il.il. tunngassuteqarsinnaapput. Ajornartorsiutit taamaattut timikkut peqqissutsimut tunngatillugu innuttaasut ajornartorsiutigeriigaannut sunniuteqarajussapput; ass. ilaqtariinni imigassamik ajornartorsiuteqarnerup nappaateqartup nappaammi diabetes-ip iliuuseqarfigisinnaanissaanut sunniuteqarsinnaavoq. Peqqinnerup tassaaginnannginnera timikkut peqqinneq aammattaarli tarnikkut inuttullu atukkatigut ilorrisimaarnerunera akuerisaavoq (WHO, 1986). Paasisutissiisup taassuma misilittagai naapertorlugit, nappaateqartut akuerigaangamigik ajornartorsiutaallu pillugit oqaloqatigalugit, taava namminneq aaqqissutissamik nassaarsinnaasarajupput saaffiginneqqinnissarlu pisariaqartissanagu; imal. nakorsiaq/saaffiginnittooq peqatigalugu aaqqiissutissamik, saaffiginneqqaarnermi anguniarneqartumit naapertuunnerusumik nassaartarput– ass. nakorsiamik /saaffiginnittumik, angerlarsimaffimmi pissutsit eqqarsaatigalugit, nappaammi diabetes-ip qanoq iliuuseqarfigisinnaaneranut ajornartorsiummut aaqqiissuteqarsinnaanera pillugu oqaloqatiginninneq. Paasisutissiisup misigisaa tassaavoq saaffiginnittunik itigartitsineq akerlianik sunniuttartoq/kinguneqartartoq– taama pineqartut ajornartorsiutsik aaqqiivigineqanngimmat uteqqittarput. Tamanna Paamiuni inerisaanermut atatillugu suliniummit paasisanit, illoqarfímmi innutasut ajornartorsiutistik pillugit oqaloqatigittalernerisigut, Peqqinnissaqarfímmut saaffiginnittartut ikilinerannit ikorfartorneqarpoq (Berliner & Hovgaard, 2020). Peqqinnissakkut sullissinermi tarnikkut ajornartorsiutinut inuuniarnermilu ajornartorsiutinut, timikkut ajoqusernerit nakorsarneqarnissaannit saliunneqakkajunngitsunut tunngasortaata, timikkut qanoq misigisimaneq tarnikkullu inuuniarnikkullu qanoq inissisimaneq imminnut ataqatigiimmata, tamatuma eqcumaffigineqarnerunissa 'imminut akilersinnaasoq' oqartoqarsinnaavoq. Sulisulli napparsimasunik/ nakorsianik/innuttaasunik ajornartorsiutit oqimaatsut pillugit oqaloqatiginninnissamut tunuarsiamaartarneq anigorniartariaqartussaagunarpaat. Amerlasuunit tarnip pissusaanik immikkut ilisimasalimmit suliassaasutut isumaqarfígineqarpoq. Siulianili paassisutissiisup oqarnera naapertorlugu, siullertut pingarnertullu innuttaasunik inoqatitut naapitsinissaq pineqarpoq– tamannalu tamanit ilikkarneqarsinnaavoq (takuuttaaq Schultz, 2020). Suliassap tamatuma piffissaqarfíginissaa apeqqutaavortaaq.

Qarasaasiakkut nakorsiartitsisummik atuineq tamatumunnga assersuutissaavoq. Siuliani eqqaaneqareersutut sumiiffiit ilaanni qarasaasiakkut nakorsiartitsisarneq, saaffiginnissutit pilertornerusumik isumagineqartarmata, taamaammallu nakorsiartitsinernut ataasiakkaanut piffissaqarnerulersitsillutik, nunaqarfínni nakorsiarnissamut immikkullu ilisimasalinnut allanut utaqqisunik ikilisitsivoq. Innuttaasut taamaallutik Peqqinnissaqarfímmut akuerineqarnerusutut misigaat. Tamannali qarasaasiakkut nakorsiartitsinermi isumaminik ilaangilaq. Qarasaasiakkummi nakorsiartitsineq atorneqarpoq–

assigiinngitsumillu atorneqarsinnaalluni.

Napparsimasunik/nakorsianik Skype aqqutigalugu toqqaannartumik attaveqarnikkut pitsaunerusumik attaveqatigiinnej, taamaalillunil Peqqinnissaqarfimmur saaffiginninnerit ikilinerisigut neriuutigisatut piffissaqarnerulerneq napparsimasut/nakorsiat immikkut, najukkaminnilu akuuffigisamini pisariaqartitaasa sukumiinerusumik suussusersiniarnissaannut atorneqarsinnaavoq – napparsimasut/nakorsiat tusaaneqartutut pimoorunneqartutullu taamaalillutillu naapertuuttumik ikiorneqartutut misignerat, siunissaq ungasinnerusoq isigalugu pitsaasunik angusaqarfiunissa, misissuinerup takutippaa. Napparsimasut/nakorsiat/innuttaasut najugaanni periarfissanik ass. nappaateqaraluarluni piginnaanikillismagaluarlunilu nunaqarfinmiiginnarsinnaanermut piumasaqaatinik ilanngussinakkut, qarasaasiakkut nakorsiartitsisarneq napparsimasut/nakorsiat peqqinnissamut tunngatillugu neqeroorutinik naligiinnerusumik iluaqteqarnissaannut periarfisseeqataasinnaavortaaq, taamaalillunilu ataatsimut isigalugu peqqissutsikkut naligiinnerulersitsillunissaq.

Allatut isigalugu tassaavoq sulisutut innuttaasut akuerigaanni ajornartorsiutaallu pimoorullugit taava aamma piumasaqaateqartoqarsinnaavoq. Innuttaasut namminneq aaqqiivigisinnaasaminnik saaffiginnissuteqartarnerat soorunami pissusissamisuunngilaq. Peqqinnissaqarfium innutasullu akornanni tatileqatigiinneq pilersissagaanni, oqaloqatigiittooqartariaqarpoq. Tamatuma nassatarissavaa innuttaasut inuunerminnik iliuuseqarfinginnissaannut piumasaqaatinik sulisut paasiniaanissaat, tamannalu tunngavigalugu nappaateqarluni inuunerup allatut ingerlassinnaanissaanut periarfissat pillugit oqaloqatigiinissaq.

Toqqisisimaneq nunaqarfinni annertuumik eqqartorneqartarpoq– ajutoortoqassappat napparsimasoqaleriasaassappallu upalungaarsimasoqanngikkalaq, inuit qanoq ilillutik toqqisisimasutut misigilissappat? peqqinnissaq pillugu ataatsimiitaliarsuup 2020-imi septembari qaammat siullermik ataatsimiinnerani pinasuartariallit ikilisut (kisitsisaatigineqannginneralli erseqqissaatigalugu) Peqqissutim Naalakkersuisoqarfimmi pisortaasimasup Tine Parsip oqaluttuaraa. Nunaqarfimmi aalajangersimasumi peqqissaaveeqqamik piumasaqaammut atatillugu, nunaqarfinni peqqinnissakkut sullisisut, timikkut ajoquernernik aaqqiinairsariinnarnani toqqisisitsinssarli siunertaralugu innuttaasunik oqaloqateqarnikkut, annertunerusumik iliuuseqarsinnaanissaat isumaliutersuutigaa. Isumaliutersuutit taaku paassisutissiisup siuliani pineqartup misilittagaanut naapertuulluarput. Peqqinnissakkut sullisisut nalinginnaasumik – nunaqarfiinnaanngitsuni – inuit ajornartorsiataat pillugit, ass. anigugassaanngitsumik nappaateqarnermut atatillugu oqaloqateqartarunik, taava taaku pisariaqartitatut namminneq oqaatigisaminnut tapersorsorneqarneq misigissavaat, taamaalillutillu toqqissinerusutut misigissallutik. Timikkut ajoquernerni innuttaasut nakorsittagaanni tunngaviusoq tassaasinnaavoq sulisut tarnikkut inuttullu atukkatigut ajornartorsiutinik paasilertoruminaannerusunik, timikkut ajoquernertulli Peqqinnissaqarfimmutteraaq susassaqarfiusunik paasinniffigisinnaassaaat. Siuliani nassuarneqartututaaq iliuuserisat innuttaasut pisariaqartitaannut naapertuunnerat, sulisut suliamic isumaqarnerannik misignerannut attuumassuteqarluunnarpooq.

Innersuussutit pingaernerit

Isummersorneq sulisuniit isigalugu misissueqqissaarneq aallaavigalugu innersuussuterpassuarnik tigussaasunik, peqqinnissakkut sullisinermik pitsangorsaasussanik imaqarpoq. Immikkoortumi matumani pingaarnersiuilluni tulleriaarinissamut innersuussutit siunnersuutilu pingaernerit erseqqissarneqassapput.

Siullermik: Misissuinerup nunaqavissunik aalaakkasunik sulisoqarnissamut annertuumik periarfissaqarnera ersersippaat. Tunngaviulluinnartumik aalaakkaasunik sulisoqarnissami sulisut nunaqavissut najukkamik ilisimaarininnikkut, oqaatsitigut, kulturikkut, ataavartitsinikkut il. il. piginnaasaasa akuersaarnissaat piumasaqaataavoq. Sulisut nunaqavissut Peqqinnissaqarfimmur aalajaatsumik tunngavissiippput taakkulu nukissaat, piginnaasanik ineraanikkut atorluarneqarnerusinnaapput. Kalaallit Nunaat peqqissaasunik naammattunik pilersorsinnaajunnangimmat, sulisut sivikitsumik ilinniagallit ilinniartitaanikkut, pikkorissarnikkut aaqqisuussamillu ilinniagaqassutsikkut siunersioqateqartarnikkut, suliassanik immikkut ittunik amerlasunuk isumaginnissinnaapput.

Suliassat taamaattut ilarpassui- pitsaassusaa qaffasippalaarajunngitsumik tunngaveqarlutik- ullumikkut isumagisarpaat. Ataatsimoortumik sulisut nunaqavissut piginnaasatigut inerisaavginissaannut iliuusissiorissaq innersuussutaavoq. Imarisai innuttaasut peqqissusaannik tamatumalu nassatarisaanik peqqinnissakkut iliuuseqartoqarnissaanik pisariaqtitsinermik tunngaveqartariaqarput. Innuttaasut peqqissusaannut tunngatillugu ineriarneq utoqqaat amerliartornerannik, anigugassaangitsunik nappaateqartut amerliartornerannik, kræftimik patsiseqartumik toqusartut amerliartornerannik, imminut toquqtartut akulikinnerujussuannik tarnimikkullu nappaateqartut amerliartornerannik nassataqartoq, pitsaliuinermik, peqqinnissamik siuarsaanermik piginnaanngorsaaqqinnermillu ukkassinerunissamik piumasaqaatitaqarpoq. Tamakkunani sulisut nunaqavissut sivikitsumik ilinniagallit nalilimmik iliuuseqarsinnaassapputtaaq.

Aappaattut: Misissuineq sulisut aaqqisuussaanikkut inisisimaffinni arlalinni aqutsinermik ujartuinerannik tikkuussivoq. Aalaakkaasunik sulisoqarnissaq ullumikkut aqutsinikkut naammattumik ukkanneqanngilaq; tamatuma saniatigut Peqqinnissaqarfiup suliassaminik- tassalu aqutsinermi tunngavissatut napparsimasunut/innuttaasunut tunngatillugu pitsaliuinuerup, peqqinnissamik siuarsaanerup, nakorsaanerup peqqissaanerullu naammassinissaannut iliuusissanik ataatsimoorussanik siunniussaqannginnerup, massakkorpiaq Peqqinnissaqarfiup immikkoortuan najukkami qanoq pisoqarnerata suliassatigut tatineqarneq, pinasugassat il.il. aalajangiisuuussanngornerat kinguneraa. Taamaammat qanoq iliornikkut nunaqavissunik ilinniaruarsimasunik aalaakkasunik sulisoqalernissamut, piffissarlu qaninnerusoq isigalugu qanoq iliornikkut pissutsit aaqqiivigneqarnissaannut pilersaarutitalimmik, ataatsimoorussamik sulisoqarnermi politikkiliortoqarnissaa innersuussutaavoq. Siunissaq ungasinnerusoq isigalugu misissuineq piginnaasatigut inerisaanissamut iliuusissanik ataatsimoorussanik siunniussinissamik pisariaqtitsinermik tikkuussivoq (siulianiittoq takuuk). Siunissaq qaninnerusoq isigalugu misissuineq periarfissanik ('atoriaannarnik/pisariunngitsunik') tikkuussivortaaq: Aqutsit sulusumik iliuuserisaannik annertunerusumik akuersaarnissaat, pilersaarutini aalajangiinissanilu sulusunik peqataatitsinissaat, ajornanngippat sulisut pigaartuuffilersorpallaannginnissaannut qaangiuttoortitaavallaannginnissaannullu iliuuseqarnerunissaat, piffissaliinikkut aaqqisuussamillu piginnaasatigut inerisaanermik piffissap ingerlanerani aallartisaanikkut, ilinniagaqassutsikkut ineriarornissamut tapersersuinissaat. Siunissaq ungasinnerusoq isigalugu nunaqavissunik ilinniaruarsimasunik sulisoqalernissamut iliuusissatut siunniussaq iluatsisappat, Peqqinnissaqarfiup ineriarornissanut anguniagassatut siunniussat naleqartitallu ataatsimoorussat aallaavigalugit aqutsisunik piginnaasatigut inerisaanissaq piumasaqaataavoq. Utoqqarnik paaqqutarinninnermi inerisaanermut atatillugu suliniummi, aqutsisunik piginnaasatigut inerisaanerup qanoq aallartinneqarsinnaanera isumassarsiorfiusinnaavoq.

Pingajuattut: Pitsaliuineq, peqqinnissamik siuarsaneq piginnaanngorsaaqqinnerlu Peqqinnissaqarfiup kisimi isumagisarinngilaa tamannali kommunit suleqatigalugit ingerlanneqarlni. Suleqatigiinneq peqqinnissamut tunngatillugu piginnaasaqassutsip qaffasissutsikkut assiginngissuteqarneranit arlamillu suliassaannik nukissaannillu ilisimasaqannginnermit unammillerneqarpoq, tamannalu suleqatigiinnermi aaqqiagiinnginnermik pilersitsisarpoq. Pisortaqarfinni taakkunani sulisut ataatsimoorlutik ilinniarnerisigut, attaveqatigiinnermik pilersitsinikkut, arlamik suliassaannik paasinninerup taamaalillunilu suleqatigiinnerup nukittorsarneqarnissaanut piginnaasatigut inerisaanissamik toqqammavissiinissaq kaammattuutaavoq. Taamaaliornikkut kommunini ilinniarsimanngitsut sivikitsumillu ilinniagallit peqqinnissamut tunngatillugu piginnaasatik inerisassavaat, Peqqinnissaqarfimmilu sulisut pitsaliuinermi, peqqinnissamik siuarsaanermi piginnaanngorsaaqqinnermilu namminneq qanoq inisisimanissaminnut allangornerusumik tigussaanerusumillu isiginnissinnaassapput. Suleqatigiinmissamut isumaqatigiissusiortoqarnissaanut kommunit nunallu qitiusumik immikkoortui ataasiakkaat apeqqutaaqqunagit, nuna tamakkerlugu iliuusissanik taamaattunik imalinnik isumaqatigiissusiornissaq innersuussutaavoq. Suleqatigiinmissamut isumaqatigiissutit sulinermi sakkussaqqissuusut, Peqqinnissaqarfinni aqutsit sulusit arlallit oqaatigaat.

Sisamaattut: Innuttaasunik peqataatitsinerup innuttaasunillu oqaloqateqarnerup aaqqisuussaanikkut sumiiffinni tamani imminut akilersinnaanera misissuinerup takutippaa: Peqqinnissamut tunngatillugu neqeroorutit sunniuteqarluarnerulissapput, innuttaasut kiffartunneqarnerat naammagisimaarinninnerallu pitsaanerulissaaq, tamatumalu nassatarisaanik sulisut suliffimmik nuannarininnerulissallutik. Nappaataannarnik nakorsaanerinnarmillu ukkassineq oqaluttuarisaanermik patsiseqartumik Peqqinnissaqarfimmik sunniisoq, ilaatigut anigugassarinngisaminnik nappaateqartut utoqqaallu

amerlinerisigut atorsinnaajunnaarpoq.

Pingaarnersiuilluni tulleriaarinermi timikkut ajoqusernerinnaanngitsunik allarpassuarnilli ilaqqarmata, peqqinnissamut tunngatillugu unammilligassat pillugit innuttaasunik peqataatsinissap oqaloqateqarnissallu pingaartinneqarnerunissaat innersuussutaavoq. Matumani qarasaasiakkut nakorsiartitsisarnerup nunatsinni sakkutut nalissaqanngitsunera ilanngullugu oqaatigineqassaaq. Sumiiffinni tamani qarasaasiakkut nakorsiartitsisummik atuinerup ingerlanneqalernissaa Pipalummullu taartissap nutaap atuutilersinneqarnissaa pisariaqavippoq.

Naggasiullugit oqaatigiumasat

Inerisaanissamut pilersaarutit, unammilligassanit pinasuartarialinnit massakkorpiaq iliuuseqarnissamik piumasaqaatitalinnit, ipitinneqarajupput. Massakkorpiaq suliassanik isumaginniitigaluni siunissaq ungasinnerusoq isigalugu pitsannguinarluni iliuusissanik siunniussinissaq ajornanngilaq. Tamanna ataatsimoorluni pissutsinik isumaliutersuutiginninnissamik siunissamut anguniagassatut takorluuinissamut takorluukkallu piviusunngortinnissaannut pilersaarusiorissamik salliussinissamik piumasaqaatitaqarpoq. Soorlu misissuinerup matuma uppernarsigaa, sulisut suliffeqarfimmi ajornartorsiutip suuneranik ilisimasqarnerat, ulluinnarni napparsimasunik innuttaasunillu qanimat attaveqarnertik aqqutigalugu, innuttaasut kissaataannik pisariaqartitaannillu ilisimasqarnerat pissutigalugu, inerisaanermi tamatumani aqutsisut iluaqtaasussamik sulisunik peqatiserinnissinnaapput.

Najooqqutarisat

Abelsen, B., Strasser, R., Heaney, D., Berggren, P., Sigurðsson, S., Brandstorp, H., & al., e. 2020. Plan, recruit, retain: a framework for local healthcare organizations to achieve a stable remote rural workforce. *Human Resources for Health*, 18:63.

Aljijakly, M. 2020. *Factors influencing temporary staff's willingness to return or serve longer time in the Greenlandic Healthcare System*. Master Thesis. Department of Learning, Informatics, Management and Ethics (LIME), Medical Management Centre (MMC). Master's Programme in Health Economics, Policy and Management. Karolinska Institutet, Stockholm. Ikke publiceret.

Berliner, P. & Hovgaard, G. 2020. *Fællesskaber, trivsel og sundhed*. I Aagaard & Hounsgaard (red.). *Menneske – sundhed, samfund og kultur*. Aarhus: Klim.

Peqqissutsumit Naalakkersuisoqarfik, 2010. *Peqqinnissaqarfimmik aaqqisuusseqqinnissaq pillugu nassuaat, 2010*. Naalakkersuisut/Government of Greenland.

Peqqissutsumit Naalakkersuisoqarfik, 2017. *Nuna tamakkerlugu piginnaanngorsaaqqinnissami iliuusissatut siunniussat pillugit siunnersuut 2017*. Departementet for Sundhed, FM 2017.

Kalaallit Nunaanni Peqqinnissaqarfik. 2019. *Sulisussarsiniarnermi aalaakkaasunillu sulisoqanissami iliuusissatut siunniussat, 2019*.

Kalaallit Nunaanni Peqqinnissaqarfik, 2020. *Aaqqisuussaanermut takussutissiaq, 2020*.

Højgaard, H. 2016. Telemedicin medvirker til lige adgang til sundhed. *Sygeplejersken*, 2016(2): 77-80.

Ingemann, C. & Larsen, C. V. L. 2018. *Peqqinnissaqarfimmik aaqqisuusseqqinnermik naliliineq. Sunniutaasutut misigisat uuttorneqarsinnaasullu, 2017*. Center for Folkesundhed i Grønland, Statens Institut for Folkesundhed og SDU.

Sinerissami qitiusumik immikkooruni peqqinnissaqarfiuup neqerroorutai 2015. Pisarsiarineqartut 15/11 2021:
<file:///C:/Users/taagaard/Downloads/Ydelseskatalog%20dk%20godkendt%20Naalakkersuisut.pdf>

Kvale, S. & Brinkmann, S. 2015. *Interview – Det kvalitative forskningsinterview som håndværk*. Hans Reitzels Forlag.

lovgivning.gl. *Peqqinnissaqarfiuup sullissineri il.il. pillugit Inatsisartut peqqussataat nr. 15.6. november 1997-imeersoq*
<http://lovgivning.gl/lov?rid=%7B7030CA46-D861-4582-973D-01ED94FE5EF5%7D>

Mougaard-Frederiksen, H. & Aagaard, T. 2020. *Rekruttering og fastholdelse i det grønlandske sundhedsvesen set fra sygeplejerskers perspektiver*. I Aagaard & Hounsgaard (red.). *Menneske – sundhed, samfund og kultur*. Aarhus: Klim.

Mougaard-Frederiksen, H. & Seibæk, L. 2021. *Kalaallit Nunaanni Peqqinnissaqarfimmi napparsimasunik peqataatisineq peqqinnissakkut sullisisunit isigalugu*. Grønlandsk Kultur- og Samfundsundersøgelse 2020-21. Nuuk: Ilisimatusarfik /Det Grønlandske Selskab.

Utoqqarnik paaqqutarinninnermi inerisaanermi suliniut pillugu allakkiaq, 2021. Peqqinnissaq pillugu ataatsimiitaliaq, ilinniartitaaneq piginnaasanillu inerisaaneq pillugit atatsimiitaliaq, 2021. Saqqummiunneqanngitsoq.

Olesen, I., Hansen, N. L., Ingemann, C., Lundblad, A. & Larsen, C. V. L. 2020. *Kalaallit Nunaanni peqqinnissaqarfimmik atuisut misigisaat*. Statens Institut for Folkesundhed.

Angalanermi nalunaarusiaq, 2021. Innuttaasunik oqaloqateqarnissaq siunertaralugu peqqinnissaq pillugu ataatsimiitaliaq, ilinniartitaaneq nalunaarusiaq. Saqqummiunneqanngitsoq.

Schultz, Helen. 2020. *Narrativ teori og praksis*. I Aagaard & Hounsgaard (red.). Menneske – sundhed, samfund og kultur. Aarhus: Klim.

Seibæk, L. 2021. Patient involvement in Greenland hospital-care: A qualitative study of the patient perspective. *International Journal of Circumpolar Health*, 80:1, 1971377, DOI: 10.1080/22423982.2021.1971377

Peqqissutsimut Pitsaliuinermullu Aqutsisoqarfik, 2019. *Peqqinnissaqarfimmi aningaaasartuutinik misissueqqissaarneq*. Naalakkersuisut/Government of Greenland.

Tousig, C. G., Christiansen, T., Ponikowski, A. & Birkelund, R. 2020. Sygeplejersker samarbejder på tværs. *Fag & Forskning*, (1): 52-57.

WHO. 1986. *Ottawa Charter on Health Promotion*. <https://www.who.int/teams/health-promotion/enhanced-wellbeing/first-global-conference>

Ilanngussaq 1

Peqqinnissaqarfik- aaqqisuusseqqinnej sioqquillugu tamatumalu kingorna innuttaasunut toqqaaannartumik sullisisunit isigalugu

Apersuinermi najoqqtassaq

Aallarnisaalluni oqaloqatigiinneq

Sulinerit oqaluttuariuk: Sumi sulinerit, najukkami peqqinnissamut tunngatillugu sulinermi piumasaqaatit suunerat, illit suliavit suunerat, suleqatinik allanillu ilinniagalinnik suleqateqarneq, sulininni suut pingaartitarineritit il.il. Ass. ullut arlaata ingerlasimanera oqaluttuariuk.

Innuttaasumut sappingisamik qaninnerpaami neqeroorutit ataatsimut isiginnittut qulakkeerniarlugit innuttaasunik peqqissaanermik nukittorsaaneq

- Maanna suliffisanni innuttaasunik peqqissaanermi suut misilittagaraagit?
- Pitsaliuinermut, peqqisuunissamut piginnaangorsaaqqinnermullu tunngatillugu sulisut suut suliaraat? Qaammarsaaneq ilitsersuinerlu, misissuineq, peqqinnissaq pillugu oqaloqatigiinnerit? Nakorsartinnissaq siunertalarugu immikkut ilisimasalinnut/peqqissaavimmut/napparsimmavimmut ingerlatitseqqiineq? Napparsimmavimmu nakorsartinnermut malitseqartitsineq? Allanik assersuusiorsinnaaguit qujanassaaq.
- Peqqinmissaq pillugu neqeroorutit ataatsimut isiginnittuunissaat pingaartinneqarpa?
- Napparsimasunik najugaanni annertunerusumik tapersuinermik sulisut ulluinnarni ukkassisinnaasimasariaqernerat taamaallutillu uninnissamik /uneqqinnissamik pitsaaliusinnaasimagaluarnerat eqqarsaatersuutigisimaviuk?
- Aqutsisuniit tamanna ukkanneqarpa?

Peqqinnissaqarfimmik aaqqisuusseqqinnej. Sulisunik immikkut ilisimasalinnik qitiusumik napparsimmavinnut - immikkoortortanik sullisisunut- eqiterussineq

- Illoqarfik/nunaqarfik: Qitiusumik napparsimmavimmii nakorsanit/meeraaqquerisumit/pillorissaasunit/timimik sungiusaasunit tикиннеqartarpisi? Qanoq akuliksitsigisumik? Angalanernut suna siunertaava, taakku qanoq pilersaarusiorneqarlutillu ingerlanneqartarpat?
- Qitiusumik napparsimmavii peqqissaaviillu/nunaqarfinnilu nakorsiartitsiviit akornanni suleqatigiinneq qanoq ingerlava? Dronning Ingridip Napparsimmavissuata Rigshospitalillu akornanni? Suleqatigiinneq qanorpiaq ingerlanneqarpa? Ilinniagaqasutsikkut siunersioqatigiinneq /ilinniartitsineq/sungiusaaneq. Tamanna sulisut akornanni qanoq ingerlanneqarpa? Aaqqisuussaanikkut qaffassisstini assiginnngitsunut inissitsiterisoqarpa? Suleqatit suliat ataqqineqarpat? Immikkut ilisimasallit sumiiffinni mikisuni sulisunut akuersaarpas?
- Qitiusumik napparsimmavii: Peqqinissaqarfimmik aaqqisuusseqqinnej ilinniagaqassutsikkut avatangiisit nukittunerulerannik kinguneqarpa? Qanoq/sooq taamaanngila?
- Aaqqissusseqqinnerup kingorna allanguutinik- pitsaasunik pitsaavallaanngitsunillu allanik misigisaqarpit? Assersuutit.
- Immikkut ilisimasallit qitiusumik napparsimmavimmikkaluit illoqarfinni/nunaqarfinni peqqinnissakkut sullissinerup qanoq pitsaunerulersinneqarsinnaanera ass. pitsaliuinermut peqqisuunissamullu tunngatillugu eqqarsaatersuutigisimaviuk?

Sulisussarsiniarneq aalaakkasunillu sulisoqarneq

- Maanna suliffinni sulisut taarseraannerat misigaajuk? Taartaagallartussanik atorfinitisisoqartarpa?
- Sulisut taarseraannerat napparsimasunik nakorsaanermut, peqqissaanermut peqqisuunissamillu suliaqarnermut – sullivimmi avatangiisint – aaqqisuussinermut/suleqatigiinnermut -ilinniartitaanermut piginnaasanillu attassiinnarnissamut qanoq sunniuteqarpa? Allanik assersuuteqarsinnaaguit qujanassaaq.

- Aalaakkaasunik sulisoqarnermut tunngatillugu: Anguniagassatut siunniussat ersarippat sulinermilu ataatsimoorussanik naleqartitaqarpa? Suliassat-/suliffissat pilersaarusrioneranni peqataatinneqartutut misigisimavit? Piginnaasatit napparsimasunut qanigisaasunullu tunngatillugu pitsasumik atorneqartutut misigaagit?
- Aalaakkaasunik sulisoqanissamut - sulisussarsisinaanissamullu suut pisariaqartinneqarnerat eqqarsaatersuutigisimaviuk? Suliffit kajumiinnartuussappat -sulisusanik kajumilersitsissagussi aalaakkaasunillu sulisoqassagussi suut pisariaqarpat?

Sulisoqarnikkut aningaasaqarnikkullu nukissanik pitsaanerusumik atuineq

- Sulisoqarnikkut nukissat Peqqinissaqarfimmik aaqqisuusseqqittoqannginneranit maanna pitsaanerusumik atorneqartutut misigaagit? Ass. napparsimasunut-, suleqatinik ikorfartuinermut-, qitiusumik immikkoortup immikkoortortaasa akornanni sulisunik amigaateqarfiusuni nikittaatunik sulisoqarnermut-, nunaqarfinnut angalanerni nakorsanik allanillu atuinermut tunngatillugu qarasaasiakkut nakorsiartitsisarnerup annertunerlernera pitsaanerulerneralu misigaajuk? Qanoq?
- Sulinerup angusaqarfiulluarnerusumik aaqqisuunneqarsinnaanera eqqarsaatersuutigisimaviuk? Sulisoqarnikkut allatigulluunniit aningaasaqarnikkut nukissanik atulussinnaasoqarpa?
- Allaffimmuit peqqissuunissaq anguniarlugu suliassanik piginnaanngorsaaqqinermillu assassugassatigut piginnaasanik piumasaqaatitaqanngitsunik imal. maanna isumaginngisaannik ilinniartinneqarsinnaanissaat eqqarsaatersuutigisimaviuk? Suliassat allanit tiguneqariartorpat?

Napparsimasut aqquaartugassaasa - pisortaqarfiittaaq akimorlugit ataqatigiinnissaannik ukkassineq

- Napparsimasut nakorsiartinnernut/misissortinnernut atatillugu aqquaartugassaat ataqatigiissinniarlugit qanoq iliortoqarpa? Sumi tamanna ajutoortarpa, sumi sunalu pillugu iluatsittarpa? Napparsimasut qanigisaasullu ataqatigiinnermik misigisoraagit?
- Peqqinmissaqaarfiup angerlarsimaffimmilu peqqissaasut/kommunillu akornanni ulluinnarni napparsimasunik ilaqtuaasunillu tapersersuinissaq suleqatigiissutaava? Qanorpiaq suleqatigiitqarpa? Qanoq attaveqatigiitqarpa? Kikkut sunut tapersersuippat? Peqqinmissaqaarfiup kommunillu sulisuisa akornanni suleqatigiinnermi aaqqiagiinngittooqarpa?
- Juumuut meraaqquerisullu Peqqinmissaqaarfiup kommunillu suleqatigiinneranni ataqatigiissaarisutut atuuppat?
- Napparsimasut aqquaartugassaasa ataqatigiinnerunissaannut suut pisariaqarnerat eqqarsaatersuutigisimaviuk?

Sumi najugaqarneq apeqqutaatinnagu Peqqinmissaqaarfiup neqeroorutaanik assigiinnerusumik pissarsisinnaaneq

- Illit suliffinni napparsimasut qanoq ilillutik Peqqinmissaqaarfimmut attaveqarsinnaappat? Qanoq tamanna nalinginnaasumik pisarpa? Napparsimasut kina/kikkut attavigisinnaavaat? Napparsimasut ajornartorsiutaat qanoq ilillutik sulisunut ajornartorsiutinik iliuuseqarfinginissinnaasunut ingerlatinneqartarp? Suut ingerlalluarpat suullu ingerlalluannginneruppat?
- Napparsimasut Peqqinmissaqaarfiup neqeroorutanik atuisinnaanissamut tunngatillugu assigiinngitsumik pineqarnerannut apeqqut eqqarsaatersuutigisimaviuk? (matumani nalinginnaasumik neqeroorutinik atuinissamut ass. nunaseriaaseq angallasinikkut aaqqisuussaaneq pissutigalugit periarfissat assigiinnginnerat eqqarsaatigineqanngilaq). Sulisut napparsimasullu akornanni napparsimasut periarfissaannik ajornerulersitsisunik oqaatsitigut/kulturikkut assigiinngissuteqarsinnaava?
- Qanoq iliornikkut Peqqinmissaqaarfiup neqeroorutaanik pissarsisinnaanissap pitsaanerulersinneqarsinnaanissa eqqarsaatersuutigisimaviuk?

Qarasaasiakkut nakorsiartitsineq annertunerusoq

- Qarasaasiakkut nakorsiartitsineq illit suliffinni sulisunit atorneqarpa? Qanoq? Pipaluk, qarasaasiaq, oqarasuaat?
- Atotorissaarutip atornissaanut piginnaasalittut misigisimavit? Ilinniartinneqarpit/sungiusarneqarpit?
- Qarasaasiakkut nakorsiartitsisumik atuineq qanoq misigaajuk? Iluaquitai ajoquitaalu? Atotorissaarut aserorpat qanoq iliussavit?
- Napparsimasut qanigisaasullu qarasaasiakkut nakorsiartitsinerni qanoq annertutigisumik peqataatinneqartarp? Qarasaasiakkut nakorsiartitsinermi atotorissaarutit misissuinernut/nakorsaanernut atorneqarneruppat, imal.

peqqissaavimmi/napparsimmavimmi peqqinnissakkut sullisisut napparsimasullu akornanni oqaloqatigiinnernut aamma atorneqartarpat?

- Qarasaasiakkut nakorsiartitsisummik atuineq Covid 19-imut atatillugu allannguuteqarpa?
- Qarasaasiakkut nakorsiartitsissuteqannngitsuni nunaqarfip peqqissaaviullu akornanni qanoq attaveqatigitoqartarpa?
- Nunaqarfik: Qarasaasiakkut nakorsiartitsissut suleqatinik tapersersuinermut atorneqartarpa? Nunaqarfinni peqqinnissakkut sullisisut amerlasuut sulinermanni kisimiittutut misigisimapput – qarasaasiakkut nakorsiartitsisarneq tamatumani tapertaalluarpa?
- Qarasaasiakkut nakorsiartitsisarnerup qanoq inerisaavigineqarsinnaanera eqqarsaatersuutigisimaviuk?

Sulisut ilinniartitaanerat, piginnaasatigut qaffassagaanerat ilitsersuinerlu

- Suliffinni illit nammieq sulisullu napparsimasut pitsaasumik sullissinnaajumallugit /paaqutarisinnaajumallugit/piginnaangorsaqqissinnaajumallugit/peqqinnissamillu siuarsaasinnaajumallusi pisarialinnik piginnaasaqarneri misigaajuk? Suut, suut pinnagit?
- Tamanna napparsimasunut ilaquaannullu qanoq sunniuteqarpa?
- Ilinniagaqassutsikkut ineriertornissaq ilinniaqqinnissarlu suliffinni pingartinneqarpat? Tamanna qanoq ingerlanneqarpa?
- Ilinniartitaanerup, piginnaasatigut qaffasaanerup ilitsersuinerullu pitsaanerulersinneqarsinnaanerat eqqarsaatersuutigisimaviuk?

Avinngarusimanerusunut:

- Illit suliffinni ilinniartunik sulinermik sungiusartoqartarpisi? Taamaassappat, sulinermik sungiusarneq naammassigaangat uteqqittarpat? Sulinermik sungiusartoqaruspuppi?
- Qarasaasiakkut nakorsiatsinermi atortorissaarutit ilinniagaqasutsikkut siunersioqatigiinnernut, ataatsimoorluni ilinniagaqassutsikkut inerisanernut, pikkorissaanernut/oqalugiarnernut atortarpisigik?

Apersukkat tallimat missaannut Peqqinnissaqarfip aaqqisuuteqqinnejnarera sioqqullugu sulinermik misilittagalinnut apeqqutit– imm. tamani

Aaqqisuusseqqinnej sioqqullugu sulineq qanoq eqqaamasaqarfigaajuk?

Siornatigut maannalu assigiinngissutsit qanoq misigaagit?

Ilanngussaq 2

Iloqarfinni marlunni kigutigissaasunik marlunnik apersuninermit eqikkaq

Kigutileriveqarfimmi ukiuni 19-ini 31-inilu sulinermik misilittagallit

Kigutileriveqarfimmi maanna illoqarfinni pineqartuni marlunni atorfitt tamakkerlutik inuttaqarput, aappaanili pitsaanerulersarlunilu ajornerulersarpooq, tassani kigutigissaasut taakku marluk aalaakkaasutuaapput, aappaanni aalajangersimasumik suliffeqartut aalaakkaasuupput. Taartaagallartunik sulisoqarnermi ajornartorsiut pingaarneq kigutilerisuniippoq. Taakku qaammatit pingasut arfinillillu akornanni taartaasarput ilaannilu kigutit nakorsaattut atorfik inuttaqassanani. Piffissamilu tamatumani kigutileritinnissaq innuttaasunut neqerooruataasinaanani. Kigutit nakorsaattut taartaasarput amerlasuut ilinniarnerminnik naammassisinnerlaajunerat naammassisqaletortnissamut annikillaasaavaq.

Kigutileriveqarfimmi pinasugassat assigiinngitsut suliariineqarsinnaapput- soorlu kigutinik ilaartuinerit oqarasuaatikkullu kigutilerisut qullersannit ilitsersoneqarnikkut sinititsinikkut kigutaarsinerit. Tassanngaannaq kiguserilersut aseruuttoortullu peqqissaavimmuit innersiuunneqartarp. Kigutigissaasut taakku marluk, kigutigissaasutut atorfitt aaffarmik ataatsimilluunniit ilaneqamissaat kissaatigaat, sumiiffit aappaanni ukiualuit matuma siorna kigutigissaasut pingasuniit marlunnut ikilineqarsimapput.

Kigutigissaasut taakku marluullutik kigutilerivimmi suleqatigiilluartoqarnera pikkorisunillu sulisoqarnera oqaatigaat. Sumiifit taakku marluk arlaanni klinikassistenti kigutaasanik iluarsanissamut ilinniartinneqarsimavoq, aappaanmilu ilinniarsimanngitsqoq ilinniartinneqarsimalluni, taakku marluk kigutaasiortup illoqarfimmiinnerani ilinniartinneqarsimapput. Kigutigissaasut aappaata suliffimminni suleqatigiinneq pitsaalluinnarmat, ilinniarsimanngitsullu pikkorisssarsimammata, ilinniarsimanngitsut ilinniarsimasunik taarserneqarnissaat kissaatiginnigerparaa.

Kigutigissaasut marluullutik suliffitsik nuannareqalugu oqaatigaat. Kigutissaasutut sulinermi pitsaaliuineq ukkanneqarpoq, suliamillu kinguneri takusinnaasarpaat- pingaartumik kigutilunneq akiorniarlugu suliniutissatut siunniussinerup kingorna siuarneqarpoq. Sulinerat innuttaasunit nuannaarutigineqarpoq. Tamanna sulinermik nuannarinnilersitsivoq.

Kigutilunneq akiorniarlugu suliniutissatut siunniussinermi meeqqat kigutigissunissaannut meqqerviit/atarfiit pinnatik angajoqqaat akisussaenerat ukkanneqarpoq. Kigutigissaasut atuarfinni meeqqerviinnilu angajoqqaat ataatsimiinnerini peqataasarp, angajojqqaallu meeqqat kigutelervimmi misisortittarnerini, meeqqamik kigutaannik paarsilluarnissaannik paasissutissillugillu siunnersortarpaat kajumissaarlugillu. Kigutigissaasut aappaat meeqqani sanngiiffeqartuni kigutigissartarnissaq angajoqqaanillu paasissutissiinissaq siunertaralugit angerlarsimaffinnut ornigutportaaq. Ulluinnarni sulineq pitsaaliuinermik annertuumik imaqarpoq. Kigutigissaasut aappaat pitsaaliuineq piffissap affaata missaanik atuiffiusartoq isumaqarpoq. Nunaqarfitt ukiumut ataasiaannarlutik orninneqartarmata, illoqarfimmi pisartut taamaaqaterpiaanik kiffartuunneqanngillat, taamaammat misissuinerit akulikinnerusumik ingerlanneqartartut nuangarfinni ingerlanneqartangillat. Sulialli qaammarsaenermut pitsaaliuinermullu tunngasut assigiittusaapput. Illoqarfinni nunaqarfinnilu kigutigissuseq assiginngilaq, nalinginnaasumilli nunaqarfinni kigutigissuseq illoqarfinniit ajormerungilaq, nunaqarfitt ilaanni najugallit illoqarfimmiuniit kigutinnerupput. Paasissutissiisup aappaata isumaa naapertorlugu nunaqarfinni ajunngikannersumik ingerlasoqarneranut kigutileritinnissamik pisariaqartitslernermi illoqarfimmut angalanissaq angajoqqaat namminneq akiletussaassammassuk, meeqqat kigutaannik angajoqqaat paarsilluarnerannik tamanna patsiseqarsinnaavoq.

Kigullunnerulernemut patsisaqataasinnaasoq tassaavoq ullumikkut meeqqat inuuusuttullu ooriiteqarnerunerat taamaammallu mamakujussillutillu sodavandisisinnaanerat.

Inuuusutt maleruagassat malillugit 20-inik ukioqalernissaasa tungaanut aggersarneqartarp. Meeqqalli atuarfiannit aningangamik takkutissaartartut amerlapput. Inuuusutt ilinniarnermik ingerlataqanngitsut ilungersuukkaluarlugit aggersaruminaqaat. Inersimasut kigutilerivimmi initoqaat. Meeqqanik kigutigissaanissaraluami tamanna pisarpoq. Inersimasut kigutigissunissaq pingarnerutinngilaat kingusinaarlutillik kigutikit putoqajisut takkutartput. Inersimasut inituallaarnerannut patsisaasoq alla tassaavoq ullumikkut suliariqalersinnaasunik kiguteqarnerulersimanerat. Taamaakkaluq ullumikkut amerlasuut kigutigissunerup isikkorinnermut tunngasortaanik ilisimaarinipput, amerlasuullu akissallit Nuummi kigutileritinnissamit akikinnerummat nunanut allanukarlutik kigutileritittarp.

Kigutigissaasut ukiut allortarlugit pikkorisartarp. Pikkorisaaerit pisariaqartitatut saqqummiussat ass. qeritisarneq tunngavigalugit aaqqisuunneqartarp. Qeritisisinnanikkut ilaatigut amerlanerit kigutiminnik salitsissinnaapput, kigutigissaasoq kigutilerisumik utaqqaqassanngimmat taamaalluni piffissamik sipaartoqassaaq.

Kigutigissaasuni, piffissamut suliffiusartumut akisussaaffimmullu naleqqjullugit akissarsiat appaseqaat. Arlaqartut akissarsiat pissutigalugit ilinniagartik qimallugu allamik ilinniagqartarp. Ilaasa Danmarkimi ilinniarnermik ingerlassimagnukku tassaniiginnarnissaq toqqartarpaat.

Kigutigissutsip Peqqinnissaqarfimmit maluginiarneqannginnera saqquminerusreriaqarlarneralur kigutigissaasup aappaata erseqqissarpaa.

Taassuma oqarnera naapertorlugu kigutigissutsip nalinginnaasumik peqqissutsumit pingaaerteqarnera oqaluuserineqartangilaq, innuttaasunullu kigutigissuseq pillugu atugassiaaraliorqarnissa siunnersutigaa. Kigutigissaasup taassuma apersorneqarrermiini oqariartutini pingaarutillit ima eqikkaavigai:

- Kigutileriveqarfimmi pitsaasunik atortoqarpoq, amigaataasutuaq tassaavoq nunaqarfimmi qinnguartaalluni assiliisinnaanissaq.
- Kigutigissaasut ikippallaarpit akissaatikippallaarlutillu.
- Innuttaasuni kigutigissuseq ilorraap tungaanut ingerlavaoq pitsaanerulersinnaallunili.
- Inersimasut kigutelerivinni initoqaat (kingusinaarlutik takkutaramik).

Iluunngussaq 3

Kalaallit Peqqissartut Illuanni peqqissaasunik marlunnik apersuinermit eqikkagaq

Kalaallit Peqqissartut Illuanni sulineq napparsimasut aqquaartugassaasa ataqtigisaaarniqarnissaannik, tarnikkut inuttullu atukkatigut ajornartorsiutit pillugit oqaloqatigiinnernik nalinginnaasunillu ikuunnernik imaqarpooq. Napparsimasut imminut paaqqutariniissamut piginnaasatigullu nalinginnaasutigut ikiorneqarnissamik pisariaqartitsippata, qanigisaasoq peqataatinneqassaaq (Peqqinnissaqarfip akiligaanik).

Qarasaasiakkut nakorsiartitsineq: Annikitsumik atorneqarpoq ilaatiqulli Danmarkimi napparsimmavii immikkoortotaannik attaveqateqarneq annertusaavagineqarsinnaalluni. Napparsimasunut tunngatillugu Skype atorlugu kommunit Allorfillu attaveqatigineqartarput.

Sulisussarsiniarneq: Suliffimmut atatillugu sulisunut kalaallinut Kalaallit Peqqissartut Illuannut suliartortunut, Københavnimi inissamik pissarsiniarneq ajornakusoormat, inissaqartitsinissaq siunnersuutaavoq.

Napparsimasut nunatsinni Peqqinnissaqarfimmiit Københavnimi Kalaallit Peqqissartut Illuannut nuunneqarneranni unammilligassat:

- Nalinginnaasumik napparsimasut naapitassaminnut piareersarluarneqartanngillat.
- Qanigisaasunik ikuuussinnaanngitsunik ingialorteqartitsarnermut assersuutissaqarpoq.
- Napparsimasut Kalaallit Illuannut pineranni nakorsaatitukkanullu nalunaarsuiffit amigaataagajupput. Sulisut napparsimasut nakorsaataannut tunngatillugu malitseqartitsinermut piffisamik annertuumik atuisarput.
- Aanngajaarniutinik ajornartorsiuteqarneq napparsimasoq aallartinnagu iliuuseqarfingineqarajuttanngilaq.
- Napparsimasut aallartinnatik, inuttut atukkat soorlu inigisap akilerneqarnissaanut, suliffimmut il.il. atatillugu aningaaqaqarneq pillugu najukkami kommunimut aaqqiissuteqarnissaanut, Peqqinmissaqarfimmiit tamatigut paasissutissinneqartanngillat.
- Napparsimasut Danmarkimi katsorsartinnertik iluaqtigissaneraat, ass: Inuuunermik sivitsuiniarneq najukkami ilaqquttat qanillugit piartortutut katsorsartinnissamiit pingaerneruneroq isummerfigineqarajunngilaq. Puigortunngortut qaammaterpassuarni qanigisaminnit avissaartinneqarnerat pissusissamisoorpa? Napparsimasoq akisuumik katsorsartittussanngorlugu Danmarkiliartinneqartinnagu oqaloqatigiinnerit taamaattut ingerlanneqassapput.

Napparsimasut piareersarluarneqarsimanngikaangata ajornartorsiutit Kalaallit Peqqissartut Illuannut tuttarput.

Ajornartorsiutit iliuuseqarfinginarlugit Kalaallit Peqqissartut Illuanni makku suliniutaapput:

- Napparsimasunut tunngatillugu nunatsinni Peqqinnissaqarfimmi ataqtigisaaarinermut peqataasussanik ataqtigisaaarisunik marlunnik atorfinititsineq.
- Allorlik suleqatigalugu Skype aqqutigalugu aanngajaarniutinik ajornartositolinnik katsorsaanerit aallartinneqarnerat
- Skype aqqutigalugu suliffimmut, inigisamut akiliummut il.il. atatillugu aaqqisuussinissaq siunertaralugu kommuninut attaveqarniarnermut tunngatillugu napparsimasunik ikiuinerit.

Tamatuma saniatigut napparsimasut Kalaallit Peqqissartut Illuanniitillutik piginnaanngorsaqqinnissaannut timimik sungiusaasumik atorfinititsisoqarpoq.

Nunami allami uninnganermi kalaalimerngit pingaaruteqassusaannik Naalakkersuisut erseqqissaanerat naapertorlugu, Kalaallit Peqqissartut Illuata kalaaliminersutissanik aningaaasaliiffingineqarnera oqaatigineqassaartaaq.